

APOLOGIA ⁸⁵²⁶⁹

Pro Ministris in Anglia

(Vulgò)

NON-CONFORMISTIS.

Anno 1662. Aug. 24. Die Bartholomæo dicto, ejectis.

Adversus argutiolas, putidasque calumnias, Durelli, Ellisi, aliorumque.

Per Irenaum Eleutherium A.M. ex Acad. Cantab.

Editio secunda, priori multo & correctior & auctior.

II. COR. IV. v. 8, 9.

Εἰ πάντες θλιβόμενοι, ἀλλ' ὃ στενωπόμενοι, λυπόμενοι, ἀλλ' ὅτι ἐξ ἁπορρόμων.

Διωκόμενοι ἀλλ' ὅτι ἰγκρατέτοίμενοι, καὶ κατακλόμενοι, ἀλλ' ὅτι λυσιμένοι.

II. COR. VI. v. 8, 9, 10.

Διὰ δόξης, καὶ ἀτιμίας, διὰ δυσφημίας, καὶ σφραμίας. ὡς πλανοὶ καὶ ἀληθεῖς.

Ὡς ἀγνοούμενοι, ὡς ἰπτανοσούμενοι, ὡς λυσιμένοι, καὶ ἰδὲ ζῶμεν ὡς παιδοσούμενοι, ὡς μὴ γινώσκοντες.

Ὡς λυπόμενοι, αἰεὶ ὃ χαίροντες, ὡς πτωχοὶ, πολλὰ ὃ πλουτοῦντες, ὡς μηδὲν ἔχοντες, καὶ πάντα κατέχοντες.

—

ELEUTHEROPOLI.

Anno MDC Bartholomæi, 3.

0

Si peccant qui, potius quam res illas sibi contra conscientiam obtrudi patiantur, cedere Ecclesiis malunt: multo majori reatu coram Deo & ipsius Angelis tenentur, si qui greges Pastoribus privari, desertis à Pastoribus Ecclesiis, horrendæ dissipationis fundamenta jaci potius sustineant, quam Ministros alioquin inculpato hoc potius quam illo habitu vestitos cernere, & nullam potius alicubi famelicis oviculis coenam præberi, quam genuflexionem omitti. Beza. Epist. 8.

Si Ministris non tantum ut ista tolerent præcipitur, sed etiam ut ea tanquam recta, vel Chirographo comprobent, vel suo silentio foveant, quid aliud suadere possimus, quam ut de sua innocentia restati, & omnia remedia in timore Domini experti manifestæ violentiæ cedant? Idem Epist. 12.

In confessu habito Haptoncentii, in Paritanos multa decreta sunt, quæ nostros ritus non parum fulciunt, vindicantque à probro nostratum Calvinistarum, indictum enim ut Antistites, Sacerdotes, inaugurentur, & ordinentur, ut pervigia Divalia colantur, dies festi ab operibus immunes sint, infulis, stolis, cucullis, Syrmatibus initiati amiciantur, nomini Jesu Servatoris, ut nudo vertice, genu inflexo assurgatur, ut non nisi ab inflexis Synaxis sumatur, signo crucis frons muniat, ut per escuriales dies quadragesimæ, & variantium temporum quatuor vices à carnibus abstinenceatur, ut postquam tincti adoleverint, juratam fidem fronte lustrico, profiteantur & confirment, hæc & plura simia Apostolicæ Religionis edixere. Artic. 1. 8. 14. 15. 17. 18. 23. 30. 31. 40. quæ ex hujusmodi Anglicanis constitutionibus strictim & cum delectu excerptimus. Michael. Caspar. Lundorp. in Sleidani continuat. Ad Annum 1604.



274.2

H52a JOHANNI DURELLO

1665

Cœtus Gallici in Sacello Sabaudico

Anglicano Pastori, S. D. I. E.

CUM Librum tuum primo legerem,
(Reverende Durelle) nihil minus cogitabam, quam in eo refutando vel unicam horulam collocare, speravi enim futurum, ut calumniarum tuarum portentis sua absurditas fidem omnem adimeret; ast ubi comperi molem illam mendaciorum a *Stradlinio*, & *Molinao* laudari, & suspicio esset te ex silentio nostro animum & spiritus sumere, manum calamo admovi, imploratâ tamen prius divinâ gratiâ, ne quid mihi inter scribendum excidat, quod a Christianâ moderatione abhorreat, neque enim pro *Christo* bellum gererem, nisi secundum *Christum*, qui mitis est, & pacatus, dimicaret; Verum cum in præstantissimos Dei servos præiucenter arietes, & *Presbyterianorum* tergis petulanter inequites, non est quod ægrè feras si mordaciori veritate aures tibi quandoque radantur. Duplicem cum errantibus, agendi viam prævit, & præscripsit *Apostolus Iudas*, Epistolæ suæ versibus

23. 23. Καὶ ὅς μὲν ἰλιεῖται ἀλεχθέντες, ὅς δὲ φέρεται
σώζειν, ἐκ πύου & πυζοῖς. Leniter tractandi sunt,
qui re diu & diligenter apud se expensâ, ex
quadam animi infirmitate errant, & decipiun-
tur: Si qui id unum agunt, ut ex aliorum in-
fectione famam aliquam sibi concilient, eos
nunquam in viam revocaveris, nisi ἀποτίμως re-
prehendas; In posteriori hac peccantium clas-
se te collocandum esse, utinam quâlibet tua
pagina non ita nimis attestaretur. In epilogo,
vociferaris, *Presbyterianos, ex omnibus qui re-
formatam religionem profitentur, sectam esse sin-
gularem, cui similis sub Sole non existit. Dicis e-
tiam. Si in ullâ aliâ essent Ecclesiâ, necessum esse,
modo principiis suis stare velint, ut sint non conformes,
& evertant omnem bonum ordinem illic constitutum.*
Quis verò vel inter tuos paulò cordatior ferat
tot Theologos a te damnari? a te (inquam) qui
controversiarum nostrarum statum, vel prorsus
dissimulas, vel penitus ignoras. Etiam lippis
& Tonforibus notum est, exigî ab iis qui per
classem Presbyterorum ordinati sunt, ut denuo
ordinentur Presbyteri per impositionem manuum, &
quidem istâ verborum formulâ, *Recipite Spiritum
Sanctum, quorum peccata remisistis &c.* imò
ut creentur Diaconi, & palàm profiteantur se a Spi-
ritu Sancto moveri ad illum gradum Diaconatus susci-
piendum, in quo etiam tenentur per integrum annum
permanere, nisi Episcopo ob graves causas aliter
videatur; At profecto si Romanæ Ecclesiæ Le-
gati (toto concilio Chalcedone congregato
appro-

approbante) recte pronunciarunt ἡ προσβολὴ αὐτῶν
 ἐπίσκοποις ἐστὶν οὐκ ὀρθή καὶ ἄγνη βλάβος majuserit Sa-
 crilegium, ut Presbyterio per multos annos
 probe defunctus ad Diaconatum detrudatur.
 Tuum erat fratribus tuis eximere hunc scrupu-
 lum, quod adeò non facis, ut per summam
 calumniamingas pag. 202. Quæstiones hodie
 in Angliâ agitatae ad quatuor capita posse re-
 vocari. 1^o An Episcopatus sit licitum regimen in
 Ecclesiâ Christianâ? 2^o An præscriptæ precationum
 formulæ usurpari possint? 3^o An sit penes quamlibet
 particularem Ecclesiam nationalem leges ferre de
 externis circumstantiis, ad cultum Dei pertinenti-
 bus? & an obligentur privati ad præstandam obedi-
 tiam talibus legibus? 4^o An debeat esse uniformitas
 in particularibus cœtibus cujuslibet Ecclesiæ nationalis?
 At vide quæso quo te transversum rapuerit viti-
 ligandi impetus; Serenissima Regis Majestas,
 in declaratione de rebus Ecclesiasticis, agnoscit eos
 quos tu lancinas, non averfari Episcopatum,
 Præscriptas precationum formulas non damnare; &
 patet utrumque ex chartulis propositionum
 quas Regi obtulerunt Theologi, quos in confi-
 sium adhibuit: neque unquam incidi in Presby-
 terianum, qui quæstionibus tuis tertiæ & quar-
 tæ, prout ate proponuntur, non responderet
 affirmative; Adeo non erat cur de cælo descen-
 derent Christi Heroes ad hæc dubia decidenda
 Potest & debet Ecclesiæ leges ferre de circumstantiis
 quibusdam externis, non potest nec debet instituere
 ritus Symbolicos & doctrinales, ii enim non sunt

circumstantiæ, sed partes cultus externi. Po-
test Ecclesia uniformatem urgere, sed in iis,
quæ fundantur in lege divinâ, vel naturalî, vel po-
sitiva non in iis, quæ vel caritati vel libertati Chri-
stiana contrariantur, sed nec in iis, quæ nullam ad-
ferunt utilitatem. Alioqui quis erit præcepto-
rum Ecclesiasticorum modus? Dicam planè,
& ad captum tyronum logicorum, potest Ec-
clesia determinare de specie, ubi Deus deter-
minavit de genere, de individuo ubi ille de specie:
hosce limites si transcendat, nimium sibi arro-
gat. Deus præcepit ut fiat applicatio aquæ
baptismalis ad baptizatum, est in manu Ec-
clesiæ ter aut semel hanc applicationem facere.
Proba Deum ullibi præcepisse, ut Sacerdos in-
duatur veste Symbolicâ, ultro largiemur penes
Ecclesiam esse, statuere de colore & formâ, at
nullibi probâsti Deum præcepisse, ut veste my-
sticâ & doctrinali indutus minister sacra faciat.
Videris valde defudasse in colligendis testimo-
niis, quibus probes transmarinos vel laudare,
vel saltem non damnare Hierarchiam Anglica-
nam, quam infeliciter lubet tibi uno dilem-
mate ostendere, vel credunt Pastores transmarini or-
dinationem fieri posse validè absque Episcopo *καὶ ἰσχυρὰ*
sic dicto, vel non credunt: si credunt, Ergo non
arident iis Episcopi, qui omnem tum jurisdictio-
nis tum ordinis potestatem sibi solis vendicant *καὶ οὐκ ἔστιν*
ἀλλοιῶν, si non credant quid est ergo, quod non fateamur,
temerè eos hactenus & absque omni vocatione sese in
munus sacerdotale ingessisse? Quid est quod non ad-
volens

*völent Angliam nostram, ut per impositionem manuum
Præfulum recipiant Spiritum Sanctum?*

In approbatione Stradlinianâ quam libro tuo
præfixisti dicitur *Conformitatem, & consensum cæ-
terarum Ecclesiarum Reformatarum, cum nostrâ An-
glicanâ plenissimè te demonstrasse*. Ego vero perne-
gote hoc vel præstitisse, vel aggressum esse, sed
nec in æternum aggredieris, nisi non expendas.

Quid valeant humeri, quid ferre recusent.

Nam ad probandum consensum nostræ Angli-
canæ cum aliis Ecclesiis Reformatis probari
debet ab aliis Ecclesiis.

1. „ Lege caveri ut reordinentur ii qui a
Presbyteris ordinati sunt.

2. „ Formulas precatorias ita rigidè imponi
„ ut non liceat Pastori proprium *χαρισμα τῆς ἐκκλησίας*
„ exercere (nam in Ecclesiâ Anglicanâ hoc
„ non licet, vel saltem professi sunt Hierar-
„ chici in Grandi certamine pag. 19. se summâ
„ cura id acturos ne non liceat.)

3. „ Festa Sanctorum diei Dominicæ æquari.

4. „ Scripta Apocrypha publicè legi cum
„ exclusionem plurium capitulorum Canonicorû.

5. „ Lineam vestem præcipi tanquam me-
„ dium aut motivum cultûs.

6. „ *Gloriam Patri*, oëties recitari in eodem
„ officio, & quidem assurgente toto cœtu.

7. „ Evangeliiis quam Epistolis maiorem
„ exhiberi reverentiam.

8. „ Genuflecti ad omnem recitationem
„ nominis Jesu.

9. „ Sacram Cœnam iis omnibus denegari,
„ qui eam flexis genibus nolunt participare.

10. „ Susceptores adhiberi in Baptismo cum
„ exclusionem Parentum.

11. „ Signum Crucis usurpari tanquam sig-
„ num Sacramentale.

12. „ Sacramento Baptismi adscribi vim in
„ fantum regenerativam, & necessario salvi-
„ ficam.

13. „ Editionem Psalmorum corruptam
„ præferri correctiori & emendatiori.

14. „ Episcopos eligi sine consensu Cleri,
„ omnemque cum *Jurisdictionis*, tum *Ordinis*,
„ potestatem iis solis adjudicari idque Jure Di-
„ vino.

15. „ Episcopis permitti Jurisdictionem tem-
„ poralem, laicis verò Cancellariis deputari
„ spiritualementem.

16. „ Præcedentiam tribui Archiepiscopis
„ supra omnes Duces Regni.

17. „ Beneficiarium non obligari ad resi-
„ dentiam.

18. „ Sacris initiato plura beneficia Eccle-
„ siastica conferri, curata quidem intra di-
„ stantiam 3^o milliarium, non curata absque
„ ullâ ratione distantie.

19. Nihil à Ministris aliud requiri, quam ut
„ declarationem fidei Latino sermone reddere
„ possint, & eandem aliquot Scripturæ testi-
„ moniis corroborare.

20. „ Divelli Sacramenta quæ con-
„ junxit

5, junxit Christus, ita ut Baptismum admini-
strare ei liceat, cui fas non est Cœnam con-
secrare.

Hæc omnia si tibi videre posse demonstrare,
summè profecto te aut ignorantem, aut im-
pudentem esse oportet.

Sed hæc clarius edisseruntur in ipsâmet *Apologia*,
quam ideo Latinam prodire volui, ut constet
etiam exteris, per *presbyterianorum latera omnes*
Ecclesias Reformatas confodi, & eos, qui sub odioso
Novatorum titulo vapulant, ne latum quidem unguem
discedere a veterum Protestantium doctrinâ. Hoc
si obtinero, gaudebo laboris mei successu: sin
minus, solabor me boni propositi conscientia.
Clamabis tu, hac ratione refricari vulnus dis-
sidii, & *Matris meae* faciem deturpari, verum
ego didici *pacifici Theologi* nomen perdere, ne
conscientiam perdam. Expectant me carceres
& exilia, ast hisce non commoveor, imò nec
vitam meam mihi charam duco, si afflictæ
innocentiæ aliquâ ex parte patrocinium præ-
stare possim. Deum Optimum Maximum
veneror, ut velit acceptilare quod suum, ig-
noscere quod meum est. Idem Deus faxit,
ut tu Durelle diei in quo reddenda est ratio
αὐτῇ παύλῳ σκληρῶν quæ vel effutisti, vel conscri-
billasti, recorderis, & resipiscas. Vale.

Admonitio ad Lectorem.

Monendus es Lector Candide, unum atque alterum : & illud quidem imprimis, Phrasin illam, Regem *Supremum* esse caput & *Gubernatorem* tam malè sonare, ut præstaret nunquam auditam fuisse, Angliæ tamen Presbyteriani ab eâ non abhorrent : Etsi enim incomparabilis Calvinus in Comment. ad Amos. hunc titulum reprehendat, quatenus à Gardinero Episcopo Wintoniensi explicabatur : cum tamen Convocatio tota declaraverit *Supremæ* Gubernatricis titulo nihil aliud denotari, quàm prærogativam in Sacris literis ab ipso Deo Principibus tributam, hoc est, ut omnes status & gradus hominum a Deo sibi commissos, & si-ve temporales, si-ve Ecclesiasticos, gubernent, & refractorios ac malefactores civili gladio coerceant, non detrectamus hosce titulos. Sunt dubio procul eadem Regis Caroli partes in Ecclesiâ Anglicana, quæ olim fuerunt Josiæ in Judaicâ ; Non habet potestatem Ecclesiasticam, si-ve ordinis si-ve jurisdictionis, habet tamen in Ecclesiasticis : Non habet potestatem clavium quæ immediatè refertur ad remissionem aut retentionem peccatorum, habet potestatem gladii, quæ operatur circa exteriorem hominem, protectionem præstans obedientibus, & externas pœnas infligens rebellibus & inobedientibus ; Munus suum exercere potest in eadem materiâ in quâ Ministri & presbyteri

byteri exercent, sed non eâdem formâ & modo: gaudet potestate coactivâ, non definitivâ aut directivâ in causis fidei, potestate objectivâ seu defensivâ circa Ecclesiastica non vero potestate quæ sit formaliter & intrinsicè Ecclesiastica. Hæc è nostris Theologis uberius explicanda erant, ut occurrerem criminationi Episcopi Morlæi, qui referente Bocharto in Epistolâ ad eum datâ, hoc nostrum esse placitum scribit. *Presbyteros in iis omnibus, quæ ad Ecclesiam quoquo modopertinent, summam habere potestatem, nec ab eorum collegio summo ullam dari provocationem: item Reges posse vi & armis a subditis cogi in ordinem, & si se præbeant immorigeros de solio deturbari, in carcerem conjici, sisti in jus, per carnificem denique capite plecti.* Quarto modestius & verius Lancelotus Andrews Episcopus Eliensis? *Præsbyterio forte lis est cum Episcopis, cum Rege nulla est, utrobique Regi deferatur, ultra utrinque quod Cæsaris Cæsari redditur.* Ad Belarmini Apolog Respon. cap. 1. pag. 24. Episcopo Eliensi adjungo Vaughanum Episcopum Londinensem, qui cum audivisset in frequentissimo cœtu Præsbyterianos incusari tanquam in seditionem pronos, dixisse fertur amico integerrimo quem ad prandium finitâ concione vocârat, *utinam hodierni Concionatarii ad aliquod tempus linguam in loculo meo habuissent invecitivæ & mendacis non potest converteri istud hominum genus.* Verum est iis non aridere presentem regiminis

regiminis formam, aliam adfectant, cui tamen ad-
ditum patefacere gestiunt supplicando, non insur-
gendo, aut seditionem movendo. Vide Gata vin-
dicias Annotationum pag. 10. Sed non est cur
soliciti simus de hac labe quam studiose abiler-
sit Serenissimas Rex, cum in literis quas ad
Senatum dedit, quum Bredæ esset, tum in ora-
tionibus quas habuit vel per se, vel per Can-
cellarium post restitutas antiquas Regni leges,
quia vero non desinunt Prælati calumniari
fortiter, liceat coram Deo & hominibus pro-
fiteri, *me nescire an ullus Theologus Presbyterianus
in Regis vitam conspirarit at ex Hierarchicis erant non
pauci, qui turbato rerum civilium ordine Independen-
tissimum præ se ferrent, & parricidium in Regem
admissum vel Concionibus, vel Scriptis approbarent.*
Dein monendus es, me, ob rationes quas
habui multas & graves, secundam declaratio-
nem, quæ facienda est ab omnibus, qui bene-
ficio gaudent Ecclesiastico, consulto præter-
misisse, quam tamen nihil ut causæ nostræ te-
lateat latinè conversam exhibebo, & quidem
ita simpliciter, ut pœne vox voci respondeat.
Ego A. B. declaro quod non licet sub quovis prætextu
adversus Regem arma gerere, & quod detestor
proditoriam illam distinctionem arma gerendi virtute
Regia auctoritatis, contra Regis personam, aut
contra illos qui ab eo commissionati sunt. Et quod con-
firmari me præstabo Liturgiæ Ecclesiæ Anglicanæ,
prout jam legaliter stabilita est. Declaro insuper me
in eâ esse sententiâ, neque me, neque ullum alium,
per

per juramentum valgo dictum Solemnem Ligam &
Fœdus obligari, ad evitendam ullam mutationem,
aut alterationem Regiminis sive Ecclesiastici, sive
Politici: illudque juramentum fuisse in se illicitum,
impositumque subditiis hujusce generis contra notas
leges & libertates Regni.

Emitte autem tam subito secundam Apologiæ
editionem non est quod mirere, prior mendis
adeo scatebat, ut ego vix meam esse agnoscam,
quin & videbantur in eâ aliqua testimonia de-
esse, quæ invidiosam innovationis calumniam
compescerent quæ, quum jam locis suis inseru-
erim, controversiis hisce in perpetuum vale-
dico, quis enim Anglorum quæstionibus de
adiaphoribus non adeo plenus & satiatus est, ut
non ægre ferat, si vel tantillum amplius potan-
dum propinetur. Calamum stringendum esse
clamabunt viri boni, adversus atheos & infide-
les, quorum, prohi dolor! tantus hodie est nu-
merus, quantus muscartum, quum calet maxime.
Quibus tantum abest ego ut calculum non ad-
jiciam meum, ut pœne doleam quod, vel semel
justissimæ licet defensionis necessitate coactus
stylum objecerim Durello. Non enim tam in-
tuendum erat, quid ille intemperie sua pro-
meritus sit, quam perpendendum, quid ferant
tempora, quæ profecto ad longe alias nos curas
vocant. Hortandi sunt fratres ut animas suas
possideant in patientia, a qua ad vindictam op-
timus quisque paulo est proclivior. Cum ira,
cum invidia, cum superbia nobis concertan-
tandum

tandum est, à quibus quam adversariis infensissimis plus imminet periculi. Quid ergo patientiarne ut in fidelissimos Dei servos atrocibus invectionibus impune prorumpant bipedum nequissimi? imo prorumpant quod per me licebit, maledicere enim iussit eos Deus, qui ex ira hominum conciliabit sibi laudem, & quod reliquum est iræ, cohibebit. Vale, & precibus tuis, pacem Hierosolymæ promovere ne desinas.



Lectori

Lectori in Librum.

Q Valia nostrati contingunt tempora Clero?
 Omnia cum liceant, non licet esse *pium*,
 Protea si quis agat, formas aptatas in omnes,
 Penas qui meruit solvere, dona refert:
 Perstet at immotus rigidi servator honesti,
 Condemmata, verens, mente, probare manu,
 Protinus evadit nocuus, privatur honore
 Pastor, & a sacro pellitur officio,
 Nec satis hoc pana est, insentia sola superstes
 Fumento vario contemnerata jacer.
 Audent oppressis nihili insultare Sophista,
 Quis ne sit verax lingua, negare boves.
 Mendaci calamo pro fidis fundere voces
 Pergunt commentas, & sine fronte dolos.
 Livida Mangonum nudata sophismata, & aris
 Detectas mirâ dexteritate velis?
 Doctorum scripta in sensus perversa malignos,
 In proprios, equo jure resecta cupis?
 Obrectatorum convulsa volumina, in hostes,
 Denique vaniloquos relatorum petis?
 En nuce tantillâ Iliadem! parvum ecce Libellum!
 Qui magna hac operum iusta peracta dabit.
 Veracem invenies citra fuscæve dolosæ,
 Dum fides intacta simplicitate micat;
 Nam neque corrupti testes, infirma, fugati,
 Futura erroris, commaculare schedas.
 Nec mala, projecto, mendacia cusa, pudore,
 Arma inimicorum, per sua castra volant,
 Major at apparet Momo, quo Numen adorat,
 Zelo, quo fratres Author amore colis.
 Musa supervacua est igitur, præconia laudum
 Ornata, est Domino, Sparta datura suo,
 Quis tamen haudquaquam caret ille, probatus abundè
 Doctrinâ doctis, & bonitate bonis.

In

In Æram Bartholomæam.

* *Perpictus*, teneros stravit, *Salpista*, puellor,
Tristis & *Hammelici* Æra suborta viris,
Tristior at nobis *Epocha* est, quæis *versicolores*,
Hydraula fidos abripuere *Parres*.

V. V. Cantabrigiensis.

* *Wierus de Prestigiis Dæmo-*
nium lib. 1. cap. 16.



Clariss.



Clarissimo Amicissi-

moque

V I R O

T H E O P H I L O

P R U D E N T I O ,

J. E. Salutem. D.



Uæsiſti à me (Reverende vir)
quidpote rei ſit quod nos Pres-
byteriani à beneficio (& quod
longe gravius eſt) ab officio
ſuspendamur : Celebris ſane
quidem queſtio , multumquè
(uti videtur) apud exteros agitata , cui tamen
quidpiam ut reſpondeam vix à me obtinco, ſi-
ve enim aliquid pro formâ ſcribendum ſit ,
multi me meliùs illud poſſunt præſtare , ſive
aliquid pro argumenti dignitate , vereor ne
omnibus ſilendum foret, ſed nec fert hujusmo-

di controversias Epistolæ natura, εἰδέναι χρη-
 ait eleganter Demetrius Phalereus, ὅτι καὶ ἐρ-
 μηνεία μόνον, ἀλλὰ καὶ πράγματα πᾶσι ἐπισόλι-
 κά ἐσιν. Ἀριστέλης γὰρ, ὃς μάλις ἐπιπετυχέ-
 ναι δοκεῖ τῷ τύπῳ ἐπιστολικῷ, τῷτο δὲ καὶ γράφω
 σοι, Φησὶν. καὶ γὰρ ἦν ἐπιστολικόν εἰ γὰρ τις ἐν ἐπι-
 σολῇ σοφίσματα γράφει καὶ φυσιολογίας, γράφει
 μὲν, καὶ μὴν ἐπισολὴν γράφει, φιλοφρόνησις γὰρ
 τις βλέπειν εἶναι ἢ ἐπισολὴν σύντομον καὶ πρὸς
 αἴπλῃς πράγματι ἐκθεσις, καὶ ἐν ὀνόμασιν αἰ-
 πλώϊς: interim quia mones verti nos ab Hie-
 rarchicis in hominum monstra, & metuendum
 esse, ne à fratribus transmarinis ex communi
 famâ (quæ afflictis nusquam non inimica est)
 æstimemur; non pigebit acerbissima convitia,
 quibus proscindimur, procul amoliri, veras-
 que deprivationis nostræ causas & aperire, &
 publici juris facere: quo nomine si audaciæ
 crimen admittam; utrique nostrum profectò
 commune erit, neque enim majori mihi vitio
 vertent æqui rerum iudices, quod provinciam
 viribus meis imparem in me susceperim, quam
 tibi, qui non destitisti orare, usque adeo do-
 nec perpuleris.

Imprimis, *lesam Majestatem* falsò nobis ob-
 jectari, testabuntur ipsi adversarii, nisi apud
 quos pudor omnis & honesti reverentia pla-
 ne decocta est; testantur saltem lachrymæ qui-
 bus decollato Carolo 1^o. parentavimus; te-
 stantur assidui conatus quibus restitutionem

Caroli

Caroli 2ⁱ. enixi sumus, cui reduci fidelitatem læti lubentesque vovimus; testantur denique preces, quibus etiamnum in privatis familiis Deum veneramur, ne unquam desit è familia Stuartorum, qui *Magnæ Britannie, Franciæ, & Hyberniæ* Monarcha audiat: quinimo Regem, fidei defensorem, in omnibus causis, & supra omnes personas, tam Ecclesiasticas, quam civiles, supremum caput & gubernatorem, faciles agnoscimus: quod si in omnibus ante concionem, orationibus, hosce titulos non recensuimus, non eramus idpropter mentis ad rebellionem propensæ (in præfat. ad opera quædam posthuma Armachani) ab episcopo Lincolnienſi postulandi, cum nec ipsa Liturgia Anglicana ullibi Regis titulos enumeret, contenta eum simpliciter *Dei servum, nostrumque Principem* tremendum appellare. Ut fiant ἐν πύξῃς τῶν βασιλέων disertum est Apostoli mandatum.

1. Tim. 2. 2. cui præcepto obtemperarunt primi Christiani. Oramus (ait Tertull.) pro omnibus imperatoribus, vitam illis prolixam, imperium securum, Domum tutam, exercitus fortes, senatum fidelem, populum probum, orbem quietum, & quacunque sunt Caesaris & hominis vota. At ut Rex quoties pro eo preces concipiuntur, omnibus titulis quos legati ipsi tribuunt ornatur, mos est sequioris sæculi, qui à simplicitate primævæ nimium recedit. Videatur de hoc conscientiæ casu Voet: Pol: Eccl. p. 505.

Sed nec *Hareseos* notam sine summa injuriâ inurunt nobis Prælati, recipimus enim *tria Symbola*, quicquid *primitiva Ecclesia unanimi consensu tanquam articulum fidei necessarium credidit*, idem nos credimus. Evolve (clarissime Theophile) ubi otium fuerit, *confessionem fidei*, quam elaboravit conventus Theologorum Westmonasteriensis, reperiies eam cum aliarum ecclesiarum confessionibus optime conspirare: (cum missum esset Exemplar hujusce confessionis Petro Molinæo, rescripsit Rev. senex se nunquam perfectiorem vidisse, nec minus honorificè de ea sensit, incomp. Usserius.) At excusum est Genevæ, An. 1654. *Corpus & Syntagma confessionum fidei*, in quo extat Anglicana fidei confessio in articulis de quibus conveniebat inter Archiepiscopos & Episcopos utriusque provinciæ, & Clerum universum in Synodo Londinensi, anno Domini 1562. nullâ factâ mentione confessionis Westmonasteriensis: quid tum postea? Hoc facto, ait Durellus pag. 173. *Satis testata est Ecclesia Genevensis se improbare Presbyterianorum opiniones adversus Hierarchiam, improbare etiam eorum pretenfam Parliamentariam, & Synodicam Auctoritatem*: imò, inquam, neutrum horum testata est. Confessio Westmonasteriensis non ante annum 1656. Latinitate donata est. Ea fortean causa cur desideretur in editione Confessionum quam accurarunt Genevenses

anno

anno 1654 In prima Confessionum Harmoniâ frustrâ quæsiuisses Confessionem Scoticanam, quia tunc temporis non aliâ quam Scoticâ linguâ extaret, eam postquam nobilissimus vir ac pietate insignis in Latinam linguam transtulisset, Harmoniæ Confessionum inseruerunt Geneuenses anno 1612. præfixâ præstantissimi interpretis piâ & utili siue admonitione siue observatione, quam lectorem non celabo: *Est Scoticanæ Ecclesiæ Privilegium rarum præ multis, in quo etiam ejus nomen apud externos fuit celebre, quod circiter annos plus minus 54. sine Schismate, nedum Hæresi, unitatem cum puritate Doctrinæ servauerit & retinuerit. Hujus Unitatis adminiculum ex Dei misericordiâ maximum fuit, quod paulatim cum Doctrinâ Christi, & Apostolorum disciplina sicut ex verbo Dei præscripta est, unâ fuit recepta, & quam proximè fieri potuit, secundum eam totum regimen Ecclesiasticum fuit administratum: hæc ratione omnia Schismatum atque errorum semina, quam primum pululare aut se exerere visa sunt, in ipsâ quasi herbâ & partu sunt suffocata & extirpata: hæc ipsissima verba occurrunt in ultimâ Genevensium editione; unde proclive est colligere, eos Ecclesiam Scoticanam (cui nihil invisius quam Episcopus Diocesanus) aliis Ecclesiis non adæquare modo, sed & anteferre. Et quia in Geneuenses tam commode incidimus, non abs re erit advertere quibus verbis Lectoribus*

exhibeant articulum Confessionis Anglicanæ de Ecclesiæ autoritate : *Ecclesiæ non licet quicquam instituere quod verbo Dei adversetur , neque Unum Scripturæ locum sic exponere potest , ut alteri contradicat , quare licet Ecclesiæ sit divinorum librorum testis & conservatrix , attamen ut adversus eos nihil decernere , ita præter illos , nihil credendum de necessitate salutis obtrudere potest : nec vola hic nec vestigium clausulæ illius , Ecclesiæ potest instituere ritus & ceremonias , nec sanè extrat illa clausula in articulis Eduardi 6ⁱ. aut in articulis Elizab. ita ut possibile sit obtrusam esse Ecclesiæ , præsulum audaciâ , in illâ tamen causæ suæ proram puppimque ponunt Hierarchici. Sed obtineant Articuli illi religionis , quibus subscribere nunquam detrectarunt presbyteriani secundum formam statuti: utroque enim (quod dici solet) pollice probant quæcunq; in iis spectant *vel ad doctrinam sacramentorum , vel ad confessionem veræ fidei*. Hoc an de suis prælaticis dicere sustinebit Durellus nescio. Quid enim Ecclesiæ Anglicana in Articulo suo Decimo Septimo qui de prædestinatione & electione inscribitur Arminianorum decretum conditionatum vel amplexatur , vel explodit , vel nihil omnino de eo statuit? Si nihil de eo statuit profecto deficit in re non modo utilissimâ , sed & pœne necessaria , multum enim in eo situm est , an gratia electionis ab homine consideretur ut causa bonarum operationum*

num quæ ad vitam ducunt an ut præmium aut merces sequens. Si amplexatur adversatur omnibus aliarum ecclesiarum confessionibus. Si (quod certissimum est) explodit, quâ fronte sese unicos ecclesiæ filios jactitant *qui homines ex bono usu liberi arbitrii prædestinari pronuntiant?* Quâ fronte possunt Episcopi Regi autores esse, ut Doctrina electionis & reprobationis, deque modo conversionis silentio prorsus obruatur? Ego soleo (mi Theophile) si quis alius, Cæsari tribuere quæ sunt Cæsaris, nollem tamen, ut me vivente impleatur vaticinium Lutheri, qui (Reference Wolfio J. C. Tom. 2. fol. 987.) prædixit futurum circa finem mundi ut *si qui principes sunt, & Magnates seculares velint esse Clerici, Parochos & Concionatores reformare iis magistraliter imperare, imo præscribere dicentes, ita debet Prædicari, vel sic concionaberis.*

Sacramentanam non modo singulis mensibus, sed & singulis septimanis celebrari nobis perplaceret, nisi mysteriorum frequentior usus contemptum apud plebem pareret: & tamen Durellus, pro sua mentiendi & maledicendi libidine, scribere non erubuit, eos, qui inter Orthodoxos nomina sua profitentur, vel penitus omisisse Eucharistiæ administrationem per multos annos in plerisque paraciis trium regnorum, & in utrâque Academiâ (in Oxoniensi per duodecem, & quod excurret, annos, nulla erat communio) aut saltem ad eam invitasse selectas quasdam personas,

sonat, interdicientes aliis quarum exterior conversatio erat sobria, honesta, & pia. pag. 44. Quid faciam homini tam gnaviter impudenti? in ple-
risque parœciis trium regnorum abstentum à
communione per multos annos? nescio an de
ullâ parœcia regni Scotici (antequam funda-
menta ejus à Cromwello essent concussa ne
dicam plane diruta) hoc affirmari possit: in
Anglia nostrâ fana & suggesta aliquammulta
à sectariis erant ex toto occupata, in istiusmo-
di parœciis qualiter peracta sint sacra, referre
pudor est, at pastores Presbyteriani (de ple-
risque & celeberrimis intelligi hoc volo) non
magis sacramento quam verbo greges suos
defraudârunt; civitas Londinensis, si quæ
alia, ad Presbyterianorum modulum erat ef-
formata, in eâ primâ cujuslibet mensis Do-
minicâ distribuebatur corpus & sanguis Chri-
sti, & sanè cum per Eucharistiam revocetur in
animum passio Christi, quæ vitam æternam
nobis peperit, confirmetur atque augeatur fi-
des, per quam Servatori adunamur, nescio an
quis ritûs illius celebrationem vel contemnere
vel infrequenter usurpare possit, sine gravi
scelere, & manifesto saluris dispendio: Fieri
quidem potuit, ut Cantabrigienses non pauci,
cum Grotii vestigia premerent, *reim esse mini-
mè necessariam crederent, communicare per Sym-
bola.* At Oxonii per duodecem annos ne se-
mel quidem celebratam esse Synaxin, puti-
dum

dum est mendacium ; habitæ sunt frequentissimæ synaxes , ab Hierarchicis rigidioribus , & Congregationalibus in privatis cameris , à Presbyterianis , & moderatioribus Hierarchicis in Collegiorum sacellis , & in publicis templis : hæc si fronte perfrictâ millies inficeretur Durellus , plures oculati testes & fide digni coram affirmabunt : illa verò quam effrons est calumnia , arcere Presbyterianos à communione Sacramentali eos quorum vita est inculpara ? Legantur *Directorium cultûs* , *Declaratio Fidei* , *Catechismus major* , constabit eam semper fuisse *Classicalium* sententiam , neminem dignè participare corpus & sanguinem Christi , qui non est fide præditus , quem non paniter peccatorum suorum , qui non totus amore Christi incenditur : posse tamen in Ecclesia externa communionem admitti , qui verâ sanctimoniam destituuntur , modo sint integri vite , scelerisque puri : sigilla fœderis nullis esse deneganda , nisi qui ignorantiam , vel hæresi , vel impurâ conversatione , Christianissimum dehonestant.

Sed & alia neque vera neque verisimilia nobis affingit Durellus , quale est illud pag. 37. *Directorianos* plerosque , si non omnes , orationem dominicam per longum tempus in cultu publico non usurpasse : erat quidem in Angliâ Theologus nominatissimus , *Academia Oxoniensis* per *Quinquennium Vicecancellarius* , qui censuit , *Orationem Dominicam non præscriptam esse , ut*

formulam verborum à nobis in precatione observandam, sed ut exemplar vel ideam juxta quam Orationes nostras dirigere debemus. Atque hæc opinio tam altè animum infedit suum, ut, semel cum divinissima illa verborum formula à Presbyteriano recitaretur, caput induere non vereretur, illi ut subpalparent concionatores quidam, in Academico templo orationem Dominicam nunquam recitârunt, sed preces suas ad illius normam, aliis verbis conceptas, ad Deum fuderunt: sed nullo hoc Presbyterianorum vitio accidit, quorum aliqui præsentem magno illo viro, orationem dominicam cum suis conjungere non dubitarunt, aliqui pro eâdem apologias evulgarunt elucubratisimas; & sanè nescio, an unquam extiterit veri nominis Presbyterianus, qui eam ipsam orationem, quam Christus Discipulos docuit, Deo sæpius non offerret. Robinsonus Brownistarum Primipilus Apol. cap. 3. non dubitat. Quin ritè & pie usurpari possit in precando Deum hac ipsa verborum formula, modo absit opinio partim necessitatis, quâ sese astringi putant superstinosi homines voculis & syllabis, partim perfectionis, quâ plurimi existimant, se tum Deum perfectè precatos esse quando hanc formulam conceptis verbis recitarunt. Ab hisce superstitionibus per Dei gratiam quam longissime absum: non credo Precationes meas sanctificari, aut odorem fragrantiae aliquem contrahere ex
pro.

pronunciatione orationis dominicæ ; Christi interpellationi meritorix hunc honorem deferre didici ut per eam solam credam cultum divinum , Deo gratum , acceptumque fieri. Interim cum vix, aut ne vix quidem possit quis omnia quæ ad vitam & pietatem spectant particulatim à Deo petere, mihi tutissimum visum est quâ publicè , quâ privatim , preces meas istâ oratione concludere , ut quæ in iis omisi, summatim à Deo postulem : si tamen aliqui meæ non accedant sententiæ , non ausim eos ex albo Christianorum delere. Ecclesia sanè antiquissima in cætu promiscuo qualem vulgò in Anglia habemus , non recitavit orationem Dominicam , eâ enim usi sunt veteres ad sacrificium faciendum, quod non antea celebratum est, quam recederent catechumeni & pœnitentes. De ecclesiis reformatis sic Durellus pag. 36. *In Lithuania & Polonia oratio Dominica concludit omnes alias , adeoque sæpius repetitur , & in Ecclesiis Gallicanis reformatis Minister communiter eam iter repetit ; antequam è suggestu descendat. Idem fit in Hollandiâ, aliisque locis, in Hollandiâ adeo sollicitè cavetur ne in ullo officio desit , ut addatur ad finem præscriptarum formularum, quæ adhibentur in admissione tum Pastorum tum seniorum & dignum observatu est quod Batavi , aq; ac Lutherani usurpant hanc orationem in refectionibus post finitam gratiarum actionem. quod idem faciunt Transylvani & Hungari.*

At-

At paulo aliter Voetius Eccles. polit. pag. 498.
 „ In Ecclesiis Belgicis , orationi quæ Baptismo
 „ præmittitur , communiter non subjungitur
 „ Oratio Dominica. Ex luce factorum constat
 „ aliquos Ministros pro libertate suâ , & pro
 „ particularibus temporum , locorum , rerum
 „ personarum circumstantiis , aliquando solam
 „ orationem Dominicam ante aut post con-
 „ cionem pronuntiare , aliquando orationem
 „ ante concionem , aliquando post concionem
 „ sine oratione Dominicâ : aliquando oratio-
 „ nem ante & post celebrationem cænæ , ut
 „ & ante ac post celebrationem baptismi sine
 „ eâdem : confessionem peccatorum , quæ in
 „ Ecclesiâ Gallicâ diebus Dominicis præ-
 „ mitti solet orationi ante concionem , sine
 „ eâdem.

2. Comminiscitur Durellus *Presbyterianos*
valdè irreverenter precari in catibus suis , paucissi-
mis genuflectentibus , multis ne pileos quidem exuen-
tibus , sed vel nullam partem capitis nudantibus
vel tantum verticem , pag. 144. & ne fidem non
 faciat , ait ipsum se hoc observasse : ego etiam ob-
 servavi quosdam liturgicos diebus Dominicis
 ad cœnopolas & pœtivendulos se conferre ,
 quosdam confabulari & ridere in cœtu publi-
 co , nolo tamen in totam Hierarchicorum fa-
 miliam istam fabam cudere , neque erat quo-
 rundam Phanaticorum irreverentia Presbyte-
 rianis objectanda ; certe veneramur apostoli-
 cum

cum illud 1. Cor. 14. 40. *omnia fiant ὁρμημώς καὶ κατὰ τήξιν*, adeoque auditores nostros submonuimus diligenter, ut vel stantes vel genua flectentes orent, qui uterque gestus satis exprimit reverentiam & in scripturis patribusque fundamentum habet, quod infinitis pænè testimoniis (si instituti mei ratio patere-
tur) probare possim. Si quos observavit Durellus inter precandum vel sedere vel caput tegere, ii inter Presbyterianos erant potius quam è Presbyterianis, nemo enim est paulo cordatior qui rusticitatem istam non excre-
tur. Absit interim ut dum irreverentiam vita-
mus incidamus in superstitionem, à quâ nescio an immunes sint quibus religio est eodem cor-
poris situ in recitandâ oratione Dominica u-
ti, quo in aliis precibus fundendis usi sunt. Idem statuendum est de iis qui precantur fa-
cie versus orientem conversâ, siquidem ex aliquâ mystici, & sacri signi, aut medii con-
scientiâ hoc faciunt; & tamen ritum hunc ab apostolis arcessit Archiepisc. Cantuar: in ora-
tione habitâ in *Camerâ Stellatâ*. Quâ ratione dispicere prolubium est. Invaluerat apud Gen-
tiles mos adorandi versus plagam orientalem, cum iis ne Symbolizaret Ecclesia Israëlitica cavit Deus, constituto sancto sanctorum ad oc-
cidentem, è contra antiquissimi Christiani ne cum Judæis symbolizarent versus Orientem adorarunt, quæ causa erat cur Solem colere
crede.

crederentur, (vid. Tertul. Apologiam) animo procul dubiò factitatum hoc minimè superstitioso, nihilominus vix video quare elegerint Ethnicam superstitionem potius quam Judaicam imitari; Certe profligato per Dei gratiam & triumphato Judaismo, illud unice cavendum reformatis videtur, ne communicent cum Pontificiis versus chorum adorantibus, ubi Christum sub speciebus panis corporaliter habitare credunt. Nec ea libertas quam Christus sanguine suo acquisivit, res tantilla est, ut non sit asserenda adversus Papaturientium ἑθελοθησκείαν. Excutiamus tamen rationes quibus hanc consuetudinem πατροδεδω-
των incrustant ceremoniales *Oriens* (ait Dr. Sparrow in rationali libri liturgici) *est pars honoratior mundi*: argumentum ne titivillitio empirandum, orientis enim præ occidente præstantia, imaginaria est, quam ex professo oppugnavit eruditissimus author Pseudodoxiæ Epidemicæ lib. 6. cap. 7. sed concedamus ex mera liberalitate Orientis præ Occidenti prærogativam, nunquam inde Orientem versus adorandum esse conficietur: possit enim præstantia illa Physica esse, aut Politica, quæ adoratorem Deo neutiquam commendat. Johannes Gregorius in notis & observationibus Criticorum sacrorum, pag. 2794. &c. contendit ritum hunc *Originalem, principalem, & æternum esse*, argumento historico, *certum est*,
inquit,

inquit, *Adamum in Paradiso adorâsse Deum versus Orientem, quod & omnes fecerunt ante Abrahami tempora, at cum ex errore Persarum & Caldeorum Sol coleretur, Abrahamus (referente Maimonide) instinctu Dei, occidentem Hebrais suis designavit quo adorarent: ideo Tabernaculum & Templum ad illam celi plagam locabantur, Deo interea locum suum in Oriente quasi deserente, & ad populum hunc obdurum descendente. Resp. Non tanti est apud nos Maimonides, ut omnia ejus historica statim recipiamus; saltem hæc de adoratione versus orientem traditio nullum habet vel in lege naturali vel ratione fundamentum, adeoque pro temporum ratione variari potuit & debuit. Quid ergo si Deum nostrum versus aliam celi plagam adoremus ne videamur paria facere cum Papistis, qui frustulum panis Orientem versus colunt? urget idem Doctissimus vir stellam Christi apparuisse in Oriente, & magos inde venisse, angelos etiam à Deo missos cum evangelio natiuitatis illius venisse ab oriente, natum etiam esse in partibus orientalibus mundi, imo natum in orientali angulo civitatis Bethlehæm. Celi etiam (inquit) terra occurrebant, nam autumnalis intersectio (aliter oriens *Æquinoctialis*) erat ascendens natiuitatis illius, inter pios quoque receptum est à majoribus Christum sepultum esse facie & pedibus ad orientem, verum ascendisse in orientalem celi partem vetus est *Universa Ecclesia consensus, si autem*
ascenderit*

ascenderit in calum per partem Orientalem, non est cur dubitemus quin per eandem revertetur: hanc ultimam consequentiam probat ex Damasceno & ex duobus manuscriptis. Resp. qui Bavium non odit, amet. Qui Ætiosi Fabulis delectatur, moveatur hisce traditionibus, fateor me infirmiorē esse quam ut tam cruda concoquere possim. Sed quid est quod intelligit V.D. per plagam orientalem de quā tam mira narrat; Respondebit (opinor) partem cæli altissimi per illam designari, quæ respondet Æquinoctiali orienti terræ Sanctæ, sive locum illum super quem sol oritur mense Nisan: at pauci opinor cathedralium nōrunt quænam pars cæli respondeat Æquinoctiali orienti terræ sanctæ, saltem nemo qui Mathematicam primis labiis degustarit, credit omnes nostros choros versus quos vulgo adoratur, respondere isti loco, super quem oriebatur sol mense Nisan, sive Æquinoctio verno.

At certe Hierarchiam ipsā canitiæ venerabilem eliminavimus: ne id quidem: causā cadam ni liquido evincam episcopatum quem ejuravimus à præsidentia quæ in antiquissimā ecclesia obtinuit, toto cælo diffidere.

Quænam ergo tandem causæ ob quas deprivamur? dicam, & quidem animo defæcato, & ab omni partium studio alieno: illud tamen præfatus, *justum esse Deum, & justa ejus judicia*, peccavimus enim, modo non uno
con-

tra Majestatem Divinam, facta eorum imitantes quos terra ante oculos nostros evomuit, forasque projecit, fratrum lapsus, quos velo charitatis contegi oportuit, propalavimus. Nec ploravimus propter superbiam, & contumaciam populi nobis comissi, nec publicitus vel domesticè peccatores satis fideliter monuimus ut caveant sibi ab irâ venturâ, quare silemus coram Deo, pernegantes interim Præsules nostros satis justas habuisse causas cur silere nos facerent, & profano vulgo deridendos propinarent.

Gliscente bellorum incendio, quidam e nostris per meros Presbyteros ordinati sunt; hisce neque concionari neque Sacramenta administrare permittitur, nisi velint reordinari; at hæc quam dura & iniqua sit conditio, totius antiquitatis Ecclesiasticæ judicium esto; nominatim provoco 1º ad Canones (sic dictos) Apostolorum, Can. 67. *Si quis Episcopus, aut Presbyter, aut Diaconus secundam ab aliquo ordinationem susceperit, deponatur tam ipse, quam qui ipsum ordinavit.* 2º Ad Concilium Capuæ. 3º Ad August. contra Epistol. Parmen. lib. 20. c. 13. Gregorium Epist. lib. 2. Epist. 32. *Sicut Baptizatus semel iterum Baptizari non debet; ita qui consecratus est semel, in eodem iterum ordine non debet consecrari.* Taceo scriptorem de operibus Christi Cardinalibus, sive Cyprianum, sive alium. At in Ecclesiis Gallicanis si qui sacrificuli nuntium

B

tium remittant Papismo, non prius conceditur iis sacra officia peragere, quam novis ordinibus consecratifuerint. Resp. Vulgo hoc dictum, at falsò, quod constat ex thesibus Sedanensibus. In nostrâ Ecclesiâ Anglicanâ, regnante Jacobo, nonnulli à meris Presbyteris ordinati Sacerdotes, sese consecrandos Episcopos sistingebant pro Ecclesiâ Scoticanâ, quærebat Lancelotus Andrews Episc. Eliensis, *Annon deberent primo per Episcopum ordinari Presbyteri, ut gradus Episcopalis capaces fierent?* Respondit Bancroftus (Episcopatus rigidissimus assertor) *Illud non omnino necessarium esse ut per Episcopum constituerentur in ordine Presbyterorum, quum ordinatio per meros Presbyteros sit valida*, cessit Eliensis, & confestim nullâ præeunte reordinatione Presbyteri Scotici consecrati sunt Episcopi, contra quam fiebat nuper in consecratione Jacobi Scharpii, quem Episcopi nostri (quasi prius fuisset rasa tabula) crearunt 1^o Diaconum, 2^o Presbyterum, 3^o Episcopum. Petiit à Mortono Episcopo Dunelmensi Spalatensis dum apud nos ageret, ut dignaretur quendam in Ecclesiis transmarinis ordinatum, denuo ordinare Presbyterum, quo liberior esset ei aditus ad beneficia ecclesiastica. Rescripsit Mortonus, *non posse illud fieri sine gravissimo Ecclesiarum Reformatarum scandalo cuius ipse autor esse noluit.* Utriusque Historiolæ testem habeo omni exceptione maiorem, prioris Spotswoodum

in Historiâ Eccles. Scottic. posterioris Domini-
num Calendrinum Ecclesiæ Anglo-Belgicæ
apud Trinobantes Pastorem, in cujus manibus
est ipsum autographum literarum Mortonia-
rum. Hujusce reordinationis ne meminit qui-
dem Durellus, credo quia invenire non potuit,
quo nomine prætexeret. Nostrates respon-
dere solent, non exigi *reordinationem*, sed or-
dinationem, eò quod ordinatio per Presbyte-
ros sit suâ naturâ irrita & nulla, quibus si repo-
natur, hac ratione conclamatum esse de Ec-
clesiis reformatis transmarinis, ilico (proh e-
normem audaciam) pronunciant Ecclesias illas
turbas esse potius quam Ecclesias, ministros earum,
pastores esse, per *moralem designationem*, potius
quam *veram, & realem consecrationem*; Si qui pau-
lò moderatiores sint, ij disparem esse clamant
nostrum & transmarinorum conditionem. E-
go minime jam quæro, quare si dispar sit ratio,
utrisque ex æquo apud nos præcludatur aditus
ad beneficia Ecclesiastica, qui tamen patet ordi-
natis in Ecclesia Papanâ, sententiam eâ de re
ferat Hoornbeckius disser: de Episcopatu pag.
79. Nihil intolerabilius quam si ordinati in Ecclesia
Romanâ ab episcopis recipiantur. ἀναμφισβήτητος ideo
quod ab Episcopo nempe ordinati, ordinatis verò a Pres-
byteris, sua in discrimen vocetur ordinatio, imprimis
dum hi admittunt ordinatos ab Episcopis in Ecclesiâ
reformatâ, hos vicissim non oportet disputare de or-
dinatione factâ in eadem Ecclesiâ a Presbyteris, tan-
quam

quam si esset invalida ac nulla. Ego penitus negotiorum nostrorum & transmarinorum disparem esse rationem, quod enim *Schismatis* notam inurunt nobis præsules, faciunt id sine omni ratione: exors enim & supereminens Præfulum potestas autoritate Parliamentariâ abolita est, cum ii de quibus loquimur manum ferulâ vix subduxerant: *Serenissimus* etiam *Carolus* in *Colloquio Neoportensi* concesserat ut per triennium obtineret regimen Presbyteriale, ad quod promovendum, juramento postea in Scotia sese obstrinxit *Carolus secundus*. Verum dato, non concessio, illos Schismaticos esse, & a Schismaticis ordinatos, an ideo iteranda est ordinatio? at obstat Synodus Nicæna quosdam in Heresi Novatianâ, ab ipsis Catharicis five Novatianis ordinatos pastores, ad Ecclesiam postea redeuntibus recipiens absq; novâ ordinatione; manuum enim impositio de qua loquitur, non erat *ordinatoria*, sed *reconciliatoria*: Paulianistæ quidem erant reordinandi, sed iidem erant rebaptizandi, Quid ita? quia in nomine Patris & Sp. Sancti minimè baptizabantur. Ad alia lubens descenderem nisi obiter perstringendus esset author tractatuli, cui titulus *The grand case*. Multus ille in eo est, ut probet propter adiaphora non esse deferendum Ministerium; concedo. *Adiaphora* autem ea esse concedit, quæ pro adiaphoris a Patribus & recentioribus Theologis habita sunt, neque illud inficias ibo, sed

sed istis duobus suppositis sic argumentor :
*Qua Patres & recentiores Theologi non reputârunt
 adiaphora , illa non sunt adiaphora ; reordinationem
 non reputârunt Patres & recentiores Theologi adia-
 phorum.* Ergo non est adiaphorum, Major
 sequitur ex secunda hypothefi per regulam con-
 trariorum, minorem tam liquido probârunt
 R. A. & R. J. ut si aliquid adjicere velim, in-
 tempestivè abuterer & otio & literis. Ex hoc
 Labyrintho si honestè se expediat Archidiacono-
 nus; erit mihi magnus Apollo; Interea sciat
 omuium horarum homo, desperatæ prorsus esse
 causæ, lectorem ad *Humfrejum* amandare, quî
 enim ille alteri satisfaciat, qui adeo sibi non
 placuit in secundis suis ordinibus, ut eos abdic-
 averit, abrenunciaverit, & quantum in se est,
 irritos planè fecerit. At ordinationem iterari
 posse pertendit; pertendit equidem, sed ex fal-
 so supposito sc: *Ordinationem nihil esse aliud quam
 orationem super hominem jam in ministerio constitu-
 tum ;* quis vero unquam dubitavit an liceret sæ-
 pius precari, ut velit Deus favere conatibus
 eorum, quos ad ministerium vocavit, at or-
 dinatio augustius quiddam sonat, est enim col-
 latio spiritualis potestatis, separatio, & consecratio
 personæ idoneæ ad munus sacerdotale: Adeoque
 primitiva Ecclesia non minus a 2da ordinati-
 one, quam ab iterato Baptismo abhorruit.
 Neque tamen reordinationem deglutire sufficit,
 omnibus enim utut per Episcopum ordinatis,

incumbit in hæc verba declarare.

Ego A. B. præbeo meum non fictum assensum & consensum omnibus & singulis contentis & præscriptis per librum cui Titulus, Liber communium precum, & administrationis sacramentorum, aliorumque rituum & ceremoniarum Ecclesiæ, secundum usum Ecclesiæ Anglicanæ, Vnâ cum Psalterio sive Psalmis Davidicis punctatis prout vel cantandi vel legendi sunt in Ecclesiis, & formâ & modo faciendi, ordinandi & consecrandi Episcopos, Sacerdotes, & Diaconos.

Est & secunda declaratio ea continens quæ viro bono scrupulum injicere possint, eam tamen consultò prætermitto, tum quia aliquâ ex parte civilis est, & nolo ego in Juristarum messem falceam meam immittere, tum quia obligatio ligæ & fœderis solennis, ab aliis ventilata est non indiligenter.

Primæ declarationi quo minus subscribamus multa faciunt, quæ tamen ad duo capita revocari possunt; quædam spectant modum imponendi librum Liturgicum, quædam, materiam in eo & ordinationis formulâ, contentam:

Modum imponendi meritò improbamus, Temporis enim vix satis habuimus ad deliberandum de re tanti momenti, præbendus erat assensus & consensus 24. Augusti, at aderat iste dies, antequam multi ex ejectis librum viderent. Petiit quidam ab Episcopo Bathonenfi & Wellensi, ut liceret ei antequam cogeretur assentiri,

sentiri, librum saltem legere, respondit Episcopus, jam legisti, quia convocatio in qua representaris, legit, regeffit Theologus, Sufficiat ergo quod ore convocationis testatus fuerim assensum & consensum, at hac ingeniosa retorsione nihil obtinuit, necesse habuit vel cœcam obedientiam præstare, vel sacerdotium satis amplum deferre. Deinde quamvis non sit idololatrium ex libro precatorio certas statasque precandi formas legere, imo utile & pænè necessarium sit præscriptæ liturgiæ formulis quorundam Pastorum inscitiam consulere, adeo rigide tamen Ministros certis precibus alligare, ut nunquam liceat in orando propria dona ad Ecclesiæ ædificationem exercere, immaniissima tyrannis est.

Dices, non eum in finem præscribuntur formulæ, ut omnis precum proprio Marte conceptarum usus ex Ecclesiâ eliminetur. Potest pastor immediate ante vel post concionem, preces quas ei suggerit spiritus, fundere, & sit hoc a plerisque qui curam animarum in se suscipiunt.

Ego sanè fieri hoc & video & gaudeo, neque enim dubito quin eâ ratione populi zelus & pietas singulariter excitetur; video nihilominus & doleo hujusmodi preces a filiis Ecclesiæ susque deque haberi, & sane si Canonibus & Constitutionibus Ecclesiasticis anni 1603. standum sit, ministris & lectoribus non conceditur

Deum invocare, sed populum ad Deum invocandum movere & invitare (vulgò *To Bid Prayer*) nec aliud sonare videntur Canones Elizabethæ, Eduardi VI, Henrici VIII. Vide sis Tractatum Domini Heylin de hoc Argumento, in quo probare satagit, invocationem quâ utuntur concionatores, novitiam esse, & Puritanorum factioni originem suam debere, & quamdiu ea obtinet, non posse Ecclesiam assequi fines, quos sibi in componenda liturgia proposuit, adversari denique statutis Eduardi sexti & Elizabethæ: scripserat idem contra Burtonum, non esse publice petendum precibus auxilium Spiritûs ante inchoatam concionem, aut finitâ concione, ejusdem opem ad audita in praxin referenda. Cozenius (ad cujus nomen venerabundus assurgit Durellus) in devotionis præfatione monet pastores doctissimos, ne privatim in conclavibus aliâ precum formulâ utantur, quam quâ in liturgiâ præscribitur, aliàs sciant se conatu temeratio Dei Majestatem contemnere: quid fieri aut non fieri secundum canones debeat, viderint qui juramentum canonicæ obedientiæ præstitêrunt, ego rationes, quibus contra preces proprias concionatorum dimicat Heylinius æquâ judicii lance perpendam. *Eccles. Rest.* pag. 341. 1^a ratio historica est. „ Non constat in ullâ unquam ecclesiâ „ formulam precum per modum invocationis, „ aut usurpatam, aut usurpandam esse ante „ concionem, lecturam, exercitium, Homiliam. Tempore Ezræ expositio legis nudè

„ nudè proponebatur sine ullâ prece , ut &
 „ omnes prophetarum conciones. Ante con-
 „ cionem Servatoris quam in monte habuit ,
 „ nulla facta est oratio præambula quæ qui-
 „ dem occurrit , erat tamen in eâ invitatio
 „ ad preces & particularis forma præscripta
 „ secundum quam orandum est , dicitur e-
 „ nim ad hunc modum orate. Apostolo-
 „ rum etiam conciones eodem prorsus modo
 „ habitæ sunt. Quamvis istis temporibus
 „ in quibus nondum consensus erat in publi-
 „ cam Liturgiam, formata oratio ante concio-
 „ nem reputari potuit magis necessaria. Pro-
 „ xime insequentibus sæculis cum stabilitæ Ec-
 „ clesiæ , & certæ precum formulæ præscriptæ
 „ essent (compositæ vel per Apostolos , vel
 „ per Apostolicos) nullam reperimus quæ huic
 „ proposito quadret, imo nihil, quod huc ten-
 „ dat, occurrit in Concionibus , Homiliis ,
 „ aut Expositionibus antiquorum Doctorum,
 „ sive Græcorum sive Latinorum. Tandem
 „ pag. 342. Concludit morem hunc precandi
 „ ante concionem, Genevæ ortum suum debe-
 „ re, & in sola Geneva, aliisque Ecclesiis quæ
 „ eam sequuntur, retineri.

Resp. Totum hoc argumentum ducitur *ab*
autoritate negative, quale non valere est e trivio
 dialecticorū. Non legitur ante concionē decan-
 tatum esse Psalmum a plebe Christiana, aut præ-
 dicatorem in genua procubuisse quam primum

suggestum conscendisset, terræne vero Doctor eum quinde concluderet hæc, aut facta non esse, aut fieri non debere? Nec concionum nostrarum eadem est ratio, quæ Propheticarum, & Apostolicarum, rarò aut nunquam habebantur illæ in cætu fidelium ad Dei cultum congregato. Falsum denique est, precum ante concionem neque volam extare, nec vestigium in sacrâ paginâ, cum enim legatur Nehem: 8. vers. 7. *Benedixit Ezra Iehova Deo maximo, cui respondentes totus populus Amen, Amen, cum elatione manuum suarum verticem inclinarunt, & incurvarunt se, honorem exhibentes Iehova, facie demissâ terram versus.* Quid impedit quo minus illa vox originalis quam transferimus *benedixit*, complectatur tum preces pro auxilio divino conceptas ante legis enarrationem, tum gratiarum actionem pro singulari beneficio quo Deus fideles dignatus est inter audiendum.

Beatissimus Servator dicitur Math. 5. 1. *ascendisse in montem*: & tamen Luc. 6. 17. *Descendisse de monte, & stetisse in τῷ τόπῳ τοῦ αὐτοῦ*. Sunt qui putant diversi temporis esse narrationes apud Mathæum & Lucam *Sed me* (inquit Grotius) *ne diversas esse narrationes putem, movent, non tantum idem exordium, eademque peroratio, sed multo magis quod uterque Scriptor hoc sermone habito Christum ait rediisse Capernaum, atque ibi sanasse Centurionis servum.* Quare quid si dicamus
Chri-

Christum ascendisse montem ut oraret, finitâ oratione descendisse ad locum illum campes- trem, in quo concionem habuit ad discipulos? Nec desunt apud Scriptores Ecclesiasticos quæ evincant preces ad Deum conciones sem- per antecessisse quæ videri possunt apud erudi- tum Hamon l'Éstrange in *Affinitate divinarum Officiorum*. pag. 183. Ecclesiæ reformatæ Bo- hemicæ Calvino multò sunt antiquiores, in iis verò formacætus sacros agendi, hæc est. *Congregato populo decantatur hymnus, vel cantilena (in concionē magna & pomerianā etiam Psalmus) tum Concionator e suggestu præmissâ seu oratione cum po- pulo seu voto solum textum pralegit.* Comenius pag. 41.

Satis hujusce primæ rationis nervos incidi- mus, risum enim nobis debet Reverendus Doctor, cum morem hortandi ad preces è Math. 6. vers 9. fatagit probare, fiat enthyme- ma. *Christus semel in media concione formulam præ- scripsit, in cujus partes omnia oratu digna digeri possint, ergo bene faciunt qui in initio cujuslibet con- cionis, non invocant Deum sed populum docent quanam sit materies precum.* Quis consequens albis den- tibus non rideat?

Accedam ad alias rationes quas ducit pag. 345. 346. a loco in quo habentur conciones & a concionatoris gestu.

Locus (inquit) in quo habentur conciones, est suggestum, rostrum, pulpitem; non autem

con-

„convenit istiusmodi locus precibus, in pul-
 „pitis enim solemus ad populum ora oculosque
 „convertere, quo melius videant, & audiant
 „concionantes, in precibus autem debet Sa-
 „cerdos faciem ad Orientem convertere, dor-
 „sum ad auditores, si velit sequi præscrip-
 „tionem, vel huiusce ecclesiæ, vel verissimæ
 „antiquitatis.

Ast hæc argutiola frivola est, omniumque
 virium inanis, petit enim τὰς δ' ἑξῆς, *preces*
fieri debere facie ad orientem versa, quod nos non
 concedimus, imo si quis credat preces ideo
 quod fiant Orientem versus Deo acceptiores
 esse, illi superstitionis nota jure meritissimo
 potest inuri. Dein oratio Dominica recitanda
 est in suggestu, quare non & aliæ orationes?
 „Ex formis antiquissimorum templorum (ait
 „Bucerus in censura) atque scriptis S. Patrum
 „satis cognoscitur fuisse stationem Cleri apud
 „veteres in mediis templis, quæ fere rotunda
 „erant, ex eoque loco sic sacra divina populis
 „esse exhibita, ut exaudiri planè possint quæ re-
 „citabantur, & intelligi, ab omnibus qui erant
 presentes. Sanè cū Concionator ab auditoribus
 conspicitur, fieri non potest, quin reverentia
 quam exprimit, excitet in iis affectus: si sacerdo-
 tulus relicto populo ad cancellum se conferat,
 aut averfa facie precetur, credet plebs Christia-
 na, eum arcanum quid ad Deum effari velle, &
 cum auribus verba ejus non percipiat, non ma-

gis ædificabitur, quam si linguâ Phœniciâ celebrarentur sacra. De fratribus Bohemis prius audivimus e suggestu ab iis fundi preces.

Pag. 147. argutatur vir doctus a fine quem sibi proposuit Ecclesia in præscribendâ precum formulâ, *ne forte aliquid contra fidem, vel per ignorantiam, vel per minus studium sit compositum, at si indulgeatur concionatoribus licentia precandi ante concionem, nunquam Ecclesia assequetur hunc finem.*

Quid ego audio? Si cerebrosus aliquis ea inter orandum effutiat, quæ pias aures offendunt, nullius ministri in posterum arbitrio permittetur preces concipere prout afflaverit spiritus? eadem ratione si qui inter concionandum ea blaterent quæ fidei analogiæ minus consona sunt, nemini concedendum est hortari, aut monere, prout secundum mensuram donorum potest.

Si qui respondeant *concionatorem proferre verba sua, non Ecclesia, & ad homines loqui non ad Deum, adeoque minus peccare quam qui inordinatè precatur*, ii non videntur satis honorificè de prædicatione Evangelii sentire; perpendendum est, non modò *ad quem*, sed etiam *a quo* eloquatur Concionator, loquitur *ut Christi minister ejus vice ac nomine* 2. Cor. 5. v. 19. 20. Non est (me iudice) magis augustum & venerandum nomine totius populi preces fundere ad Deum, quam Dei nomine ad populum concionem habere.

Me-

Merito ridetur qui vires abscidit eo quod vitium fructu mortales inebriari cerneret: haud minus ridiculi qui omnes conceptas preces & conciones sublatas volunt, quia ministri nonnulli suis precibus & concionibus ea immiscent, quæ pietati & sanæ doctrinæ adversantur. Caveant ii penes quos est ordinatio, ne cui manus imponant, nisi qui *αιδνητικῶν γενηται ἀρχὴ ἵχης*, fieri vix potest ut inter precaudum scandalizentur Christiani; elegancia enim in precibus ad Deum siquidem quis afferat, non culpanda, siquidem non afferat, nec valde desideranda est; in ipso libro liturgico satis multæ sunt phrales quæ acumen criticum reformidant, nemo autem fortean est ministerio dignus, & in orationibus exercitatus, qui nequit vel ex tempore verbis apris & congruis mentem suam efferre: aut si quis non possit propter invirilem verecundiam, ille vel memoriter, vel ex charta recitet orationem, quâ tamen ratione affectuum impetus non mediocriter impediri persentiscet.

Profligatis Heylinii rationibus, libet exquirere quodnam sit aliarum ecclesiarum de præscriptis orationum formulis iudicium; Quod ad liturgiam ab Ezrâ & viris magnæ synagogæ compositam, in quâ octodecem benedictiones seu preces contineri dicunt Thalmudistæ à summis Theologis addubitari video, an non inter *τὰ μὴ ὄντα* recensenda sit, qui Thalmudistarum autoritate sese revinci vix patientur.

Quum

Quum enim utrumque opus Thalmudicum diu post excidium urbis congestum sit, à conjurata in veritatem Christianam turba, iniquissime postulatur, ut credamus majorum traditiones in eo bonâ fide referri. Ego auctor non essem, ut omnia Thalmudis exemplaria comburantur, quod tamen factum esse jussu Paparum quorundam ajunt, sed quantum conjicere licet, ex iis quæ inde citant *φιλολογίας*, adeo scatet mendaciis, a librisque fabulis, ut, quod ejus solâ autoritate adstruitur, eodem loco habere soleam, quo legendas vulgares de Doctore Fausto, & Thomâ Pollice. Satis senserunt Rabbi Jochanan, & Ashi hic Babylonici, ille Jerosolymitani Talmudis compiler, populum Judaicum ambitioni deditissimum, a vide arripere omne quod divinam originem præ se ferret. Quicquid ergo illis laudabile visum est, vel in ipso Evangelio, vel in Christianorum libris, illud sed pro suo libitu detortum atque immutatum Gemaris suis inferuerunt. Quum ergo viderent ab Ecclesiis aliquibus formulas precum usurpari, ipsi suas composuerunt, sed quas videri voluerunt ab Ezra hausisse: hæc conjectura mea non te statim (R. T.) trahet in assensum, at longe probabilior est eorû sententiâ qui contendunt Christum ipsum, verba, & petitiones, quæ constituunt orationem dominicam, ex formulis precum apud Judæos usitatissimis desumpsisse. In purissimâ antiquissimâque Ecclesia

Chri-

Christianâ non constat ullas precum formulas humanas obtinuisse; imo constat, τὴν ἀρχαίαν orasse prout præsentî actioni, circumstantiâ loci, temporis & personarum conveniebat. De Apostolorum sæculo, nemo, cui aliquid vel nati vel frontis, hoc inficias ibit, Si quæ liturgiæ ab Apostolis vel viris Apostolicis compositiæ fuissent, & tanti sint usus in Ecclesiâ, quibus quæso commissæ fuerunt? quare ad manus nostras non pervenerunt? Non solet Deus permittere ut quæ compositionis sunt Apostolicæ, pereant. Sane quæ nomina *Iacobi*, *Petri*, *Matthæi*, *Marci*, præ se ferunt liturgiæ, Spiritum Apostolorum, aut Evangelistarum neutiquam redolent, ab inimico potius homine profectas esse, cum Andræa Riveto dixerim.

Reverendus tamen Heylinius in historiâ Liturgiarum. pag. 214. *Liturgiam Sancto Iacobo ascriptam, vel Iacobi fuisse, vel saltem Ecclesiæ Hierosolymitanæ, cuius Iacobus supremus erat Pastor, affirmat, ecquare? Quia Cyrillus Hierosolymitanus catechesi quinta mystagogicâ, plura ex illâ Liturgiâ mutuatus est. At 1º suspicantur viri docti illas ipsas Cyrilli catecheses mystagogicas supposititias esse. 2º In catechesi illâ nulla fit mentio istius Liturgiæ. 3º Valde probabile est, compilatorem Liturgiæ quæ Iacobo ascribitur, suffuratum esse aliqua ex catechesi mystagogicâ, quæ centoni suo inseruit; Sed nec ullius ponderis sunt quæ ex concilio*

cilio Trullano, & Hegesippo adferuntur: dicunt enim Patres Trull: Iacobum *μυστήριον ἱερουργίας* tradidisse: dicit Hegesippus (si Cassandro Eusebium transferenti fides) Iacobum ab Apostolis constitutum fuisse Episcopum, & Liturgum, *λεειτουργός* enim non semper significat conditorem precum, neque *ἱερουργία* unquam præscriptas precationum formulas. Si consulamus epistolas ecclesiæ Smyrnenfis, aut Lugdunensis, quas reperire est apud Eusebium, vel Epistolas Clementis & Ignatij, vel scripta Justin, Clementis Alexandrini, [Tertulliani] altum in hisce omnibus de præscriptis formulis est silentium. Originis illa in cap. 15. Hier. 11. *Frequenter in oratione dicimus, da omnipotens, da partem cum prophetis, da cum Apostolis Christi tui, tribue ut inveniamur ad vestigia Vnigeniti tui*, formam præscriptam nullatenus evincunt, hæc frequenter occurrunt in orationibus extemporaneis. Imo Tertullianus & Iustinus Martyr Origine antiquiores, ea scribunt quæ satis inuunt Pastores nullis certis verbis astrictos fuisse. Tertull. Apol. cap. 30. *Illuc suspicientes Christiani, manibus expansis quia innocuis, capite nudo quia non erubescimus, denique sine monitore quia de pectore.* Martyr. Apol. 2 a *ὁσιος δούλου ὅση δυνάμεις αὐτῷ εὐχαρίστησι* pro virili suâ preces fundit, & gratiarum actiones, ad quas populus *ἐκδοφμεῖ λίγων τῶ ἀμύλω*. Artificia Hierarchicorum quibus testimonia hæc effugere conantur, ostendit Smechymnus,

& refutat prolixè. At Constantinus unam orationem communiter dicendam præscripsit referente Eusebio de vitâ Constantini lib. 4^{to} cap. 19. Præscripsit quidem, sed non Sacerdotibus, verùm militibus, iisque cum adhuc essent ethnici.

In plerisque reformatis Ecclesiis certæ extant precationum formulæ, sed quæ non obtruduntur ut religionis partes, aut essentialia cultus divini media: sed commendantur tantum ad ordinem, & decorum, & Sacerdotes alias de proprio penu adjiciunt. De Belgicis audiaturn Hornbeckius Epist: de Independ. p. 361. „ In „ nostris Ecclesiis longè abest a formularum „ usu necessitas, vel tyrannis, vel religionis „ opinio, vel superstitio, & a primis inde temporibus quomodocunque judicârint majores „ nostri, eâdemque causa Calvinus in Epistolâ „ ad Protectorem Angliæ, Anno 1548. Propter recentem reformationem, hominumque „ multifariam imbecillitatem, formulas in liturgiâ easdem plerumque adhibendas, tamén istâ cautione quæ in harmoniâ Synodorum Belgicarum legitur Cap. 11. Art. 11. „ Et hinc observata istum in modum fuit ubi „ vis. *Minister preces vel dictante Spiritu, vel „ certâ sibi propositâ formulâ, concipiet.* Et postea „ Summoperè cavenda sunt extrema; nam & „ in excessu peccatur, & in defectu, alii nimium extollunt compositas istas & semper „ eas.

„ easdem formulas , alii nimis averſantur ; nec
 „ dicendum nos debere iſtis uti , neque quod
 „ iis debemus abſtinere , cogi ad alterutrum
 „ pariter nefas eſt : aio licere tum hoc , tum
 „ iſtud ; ſed iterum dico : quando eo non con-
 „ tenti homines , pro libertate neceſſitatem
 „ ſubſtituunt , & ſic , vel aliter fieri debere con-
 „ tendunt , non liberum relinquentes utro
 „ quid agatur modo , inde tum exiſtunt lites
 „ & diſcordiæ , uti quando imprudenter ze-
 „ lantes Judæi urgebant quod deberent circum-
 „ cidi homines , & quod niſi circumciderentur ,
 „ haud poſſent ſalvari , cauſa hoc exitit *στασις*
 „ , & *συζητήσις* *ἐν ὁλίγῃς* non Paulo tantum & Bar-
 „ nabæ , ſed & Hieroſolymæ poſtea in Synodo.
 Art 15. in ſententiæ ſuæ confirmationem ad-
 ducit Ameſium , Eccleſias Wallachrianas ,
 Profeſſores Leydenſes in Synop. diſput. 36.
 Giſbertus Voetius in Polit. Eccleſ. pag. 484.
 ex profeſſo tractat quæſtionem. *An conceptis &*
præſcriptis formulis miniſtri aſtringi debeant quoties
orantes præeant eccleſiæ ? cui reſpondet per con-
 cluſiones aliquot , quarum 5^a eſt. *Imperitiæ*
eſt , aut invidia , aut præſtantiorum donorum in aliis
ſuppreſſio , aut Spiritus extinctio , aut moris Iudæo
Rabbinici , Mahumedici , Papalis κακοζήτις ſi quis
univerſam eccleſiam , ejuſque miniſtros etiam maxi-
me exercitatos , ad unas eaſdemque formulas perpe-
tuo & recurrente opere operato quaſi trabalibus clavis
aſſigat : imo tantam ſanctitatem ac perfectionem in

formularum recitatione, ac lectione collocet, ac si immediate a Spiritu S. dictata, & cum Scripturis Canonicis, quæ in Ecclesia legi debent, paripietatis affectu & reverentiâ suscipienda essent; addo aut crassum stuporem, aut insignem maledicentiam esse, si quis auditam precationem absque libro, enthufasmi, aut periculosa novitatis gnorifina faciat, & vel hoc solum nomine optima ingenia, nescio cujus sanatiifimi, habeat suspecta.

De Ecclesiâ Scoticanâ David Calderwood in Altar. Damas. pag. 613. Habemus nos quidem in Ecclesiâ nostrâ Agendas, & ordinem in sacris celebrandis observandum. sed nemo alligatur precibus aut Exhortationibus Liturgiæ nostræ, proponuntur tantum ut paradigmata quibus precum aut exhortationum materia & forma quoad substantialia indicantur: non ut iisdem verbis astringantur ministri, totos ego tredecim annos, quibus functus sum ministerio, sive in sacramento, sive in aliis sacris celebrandis, exhortationibus quæ extant in Agendâ nostrâ nunquam usus sum, sic etiam alii complures, & omnibus etiam liberum est idem facere. Adeo non erat cur Presbyterianos autoritate Ecclesiæ Scoticanæ premeret Durellus.

Atqui iudicarunt Comites & Barones, expedire, ut in omnibus paracijs regni, communes preces, diebus Solis, aliisque festis, legantur publice in Ecclesiis Parochialibus, una cum lectionibus veteris, & novi Testamenti secundum ordinem libri Liturgici hæc addit Dur: erat reformatio alia plane ab eâ quam

quam designarunt nuperi fœderati reformatores, reformatio ad exemplar optime reformatarum Ecclesiarum, Pag. 21. Quæ tam delirum caput sanabit anticyra? illane erat reformatio ad exemplar optime reformatarum Ecclesiarum quam soli consilarii decreverunt invitâ & reluctantè Rege? in quâ instituendâ ne unus Theologus in consilium adhibitus est? in quâ expresse cavebatur ne quis vel prædicaret, vel Scripturas interpretaretur, nisi in privatis ædibus, usque dum Regens ulteriorem concederet libertatem? cur non etiam Angliam nostram revocat ad Reformationem factam sub Henrico VIII. cum repudium nondum missum esset idolomaniæ Papali.

De Gallicanâ en Capellum Durello meo toties laudatum. Thes. Sal. par. 3tia. Resp. pag. 713. *Licetum & consentaneum planè censemus ut qui id possunt, suum in precando, ut in concionando donum & industriam prodant, atque exerceant ad Ecclesiæ adificationem: itaque eorum qui certâ & præscripta liturgiæ formula prætextu omnem precum proprio Marte conceptarum usum ex ecclesiâ eliminare student, ἀνομιαν, & rigorem meritò damnandum censemus.*

At Capellus graviter increpat Theologos Westmonasteriensis Synodi, qui Ecclesiæ usurpatam Liturgiam non modo improbârunt, verùm etiam planè abrogarunt, & penitus oblitterarunt, in cuius locum *Directorium* quod vocant,

substituerunt. Resp. Increpat sane, inaudiverat enim fortè Cameronis sententiam procurante Andræâ Riveto a Synodo illâ damnatam esse, quem imaginarium anathematismum quia concoquere non potuit, evomuit acerbitalis suæ virus in Conventum optimè de Ecclesia Christi meritum; nisi mihi religio esset manibus Reverendi Viri litem intentare, facilè possem ostendere eum *οχιμαζῶν* quamvis enim in *Directorio* nullæ scribuntur orationum formæ, sed delineantur tantum argumenta in precibus singulis ad quasunque occasiones observanda: non tamen (quod supponere videtur Capellus) usus libri Liturgici inter res illicitas numeratur: imo ab ipsissimâ illâ Synodo compositz sunt precandi formæ in subsidium Sacellanorum, quorum operâ utebantur nautæ. Retractare Capellum in istis thesibus suam sententiam de identitate Presbyteri, & Episcopi, merum somnium est, quod tamen sibi fingit Durellus pag. 193. 194.

E Lutheranis multos laudare possem qui a nostrâ Sententiâ non abhorrent, sufficiat quædâ ex Actis Synodicis Wittebergenfibus adnotare.

„ Mauricius Elector Saxoniz apud Theolo-
 „ gos suos conquestus est de quibusdam qui
 „ belli tempore preces pro ipso facere omis-
 „ sent, monuitque eos ut in concionibus sacris
 „ a contumeliis non necessariis abstineretur, &
 „ postulavit ut de publicâ precum formulâ con-

„veniretur. „*Petimus & postulamus a vestrà be-*
„*nevolentia & vobis, ut in aliquam precum formu-*
„*lam consentiatis, quâ concionatores non tantum*
„*in hortationibus ad preces faciendas utantur, sed*
„*quâ de charta etiam praeatur, ut populus non tan-*
„*tum hortationes audiat, sed etiam quod ore seque-*
„*tur, & ita preces faciat.* Huic tam importunæ
„petitioni & postulationi ne non fieret satis, for-
„mula a Theologis in conventu Lipsiensi com-
„posita & approbata fuit, quâ Ecclesiæ piè uti
„possint, quæ de Principe id precatur quod
„scripta responsio a Theologis exhibita orat;
„at extiterunt nonnulli qui extrema potius
„omnia sibi accersere vellent, quam formu-
„lam illam usurpare aut sequi, quorum zelus
an omni culpâ vacaret nolo pronunciare, for-
mula certè orthodoxa est, & Presbyteriano-
rum quam Hierarchichorum orationibus simi-
lior. Eam non exhibeo, eo quod extare vide-
am in Consiliis Theologicis Philippi Melan-
cthonis collectis & editis a Christophoro Pe-
zelio Neustadii Anno M: D: C. parte priori
pag. 661. 662. Quid plura? ut nihil per-
mittatur arbitrio Sacerdotis, res adeo absurda
visa est Hammondo, ut in Catechismo practi-
co scribere non vereatur lib. 3. Sect. 2. „Eccle-
„sia modò in publico observetur liturgia quam
„præscripsit, libertatem facit aliarum precum,
„aliquando in publico cætu &c. modò fiat pru-
„denter, piè, reverenter, & ad ædificatio-

„nem, & in familiâ, & in ægris visitandis,
 „modo particularis conditio vel familiæ, vel æ-
 „groti, id postulet. Ægrotantium autem & mori-
 bundorum conditiones postulare preces alias ab
 iis quæ in libro liturgico extant, testatur Nobi-
 lis ille, qui cum sibi in mortis confinio posito
 audiret ab Episcopo legi, *A tonitru, & corusca-
 tione, & subitâ morte libera nos Domine!* dixisse
 fertur, quid hæc ad me moriturum! & statim
 suis verbis, animam ad Deum commendavit.
 Testatur Sanderfonus, cui lectæ sunt a Sacel-
 lano preces e libro dicto. *VVhole duty of man.* Ut
 nihil dicam de illo, qui duobus tribusve ab hinc
 annis (testante Ægidio Firmin) minitatus est
 præsentare Pastorem nisi ad Pentecostes festum
 legeret librum Liturgicum: at cum videret an-
 te illud festum moriendum sibi esse, accersivit
 Reverendum illum Concionatorem, & sub-
 misse rogavit, ut velit verbis non præscriptis,
 sed propriis efflagitare a Deo animæ suæ salu-
 tem. Adeo non est eadem valentium & ægro-
 tantium de Liturgiis sententia.

Accedamus ad secundum caput, *Materiam*
in libro Liturgico contentam, & per eum præscrip-
tam; Stomachum movit Durello pag. 60.
 quod Præsbyteriani in petitione pro pace, scrip-
 serint, *Pastores plerarumque Ecclesiarum exte-*
rarum judicare conformitatem cum Ecclesiâ Angli-
canâ in iis de quibus ipsi dubitant, illicitam esse.
 pag. 61. *Quærit quo argumento moti hoc scripserint?*

An possint proferre unum articulum publicarum Confessionum, Injunctionum Ecclesiasticarum, ullam Rubricam librorum Liturgicorum &c. unde constet conformitatem quam hodie Præsules exigunt ab Ecclesiis reformatis damnari? pag. 62. addit, si nihil tale proferre possint ex publico aliquo Registro, quomodo ausi sunt illud dicere & scribere, in magnum præjudiciumpacis & veritatis, imo propriæ famæ? Id scilicet agit Durellus ut magnis inimicitiis inclarescat, ut cum Baxtero certâsse feratur: At nihil opus ut ad rem tantillam otiosè sese demittat tantus Theologus; ego Theologorum minimus cum hoc *animali gloriæ* in arenam descendere non dubito, quamvis enim novi quam sit tenuis mihi Bibliotheca, non tamen metuo ne non possim in medium adducere cum Professores, tum totas Ecclesias, a quibus damnata sunt multa quæ in Liturgia nostra continentur & præscribuntur; Impræsentiarum sufficiat Appollonium nominare, cujus scriptum Delegati classis Wallachrianæ perlegerunt & probârunt pag. 171. ,, Rejicimus tales precum ,, & administrationum sacramentorum formulas ,, quæ quoad materiam sunt vitiosæ, non enim ,, permissum in precibus aliisque publici cultus ,, divini partibus aliquid illegitimum imper- ,, tinens, & indecorum proponere, quod vel ,, superstitionem, idolatriam, vel hæresin, ,, carnalem prophanitatem, typhumque munda- ,, num sapit, & communionem cum infrugi-

„feris illis tenebrarum operibus inducit: &
 „hanc ob causam rejicimus cæremonias, cul-
 „tusque publici formulas in Ecclesiâ Angli-
 „canâ, hisce ultimis corruptis temporibus ab
 „Episcopis Hierarchicis inductas, quæ super-
 „stitiosæ & Idolatricæ deformarunt Ecclesiam
 „& cultum Dei, & obscurârunt gloriosæ re-
 „formationis faciem & faciem.

Ne in generalibus diutius verfer.

In Calendario duo precipuè improbamus

1. Festa. 2. Capita Apocrypha.

Et Festa quidem ideo nobis displicent,
 quod.

1. Majori numero apud nos quam apud Ec-
 clesias puriores celebrentur. Beneficia Christi
 in lapsum genus humanum, nulli unquam gra-
 tior animo recoluerunt quam Apostoli, ii ta-
 men nullos ad singulorum illorum beneficio-
 rum recordationem annuatim recurrentes Dies
 observârunt, nullos ab aliis observandos consti-
 tuerunt: mox post decessum Apostolorum, unus
 aut alter Dies observari cepit, Pascha puta &
 Pentecoste; de festo Nativitatis, Ascensionis in
 Cælum, Conceptionis, Circumcisionis &c. in
 Scriptoribus 1^æ aut 2^æ centuriæ nullum extat
 verbulum, nulla literula; seculis 4^o & 5^o factæ
 sunt commemorationes Apostolorum, Evan-
 gelistarumque; Festivitates, & feriæ ab iis de-
 nominatæ, tum, demum introductæ sunt, cum
 imminuta erat pietas, & in locum ejus succe-
 vit

vit superstitio: quare verò nos Angli qui reformationem profiteamur, potius imitemur sequiora secula quæ multa festa, quam 1^a & purissima, quæ vel paucissima vel nulla celebrârunt?

2. Displicet, quod festa hæc diei Dominicæ (quæ dubio procul institutionis est divinæ) æquantur aut etiam præferantur; videntur præferri, nam si in Diem Dominicam incidat festum aliquod humanitus institutum legenda ista capitula, non quæ diei Dominicæ, sed quæ festo Ecclesiastico designabantur, Quid quod festa quædam habent sua vigiliarum jejunia, dies Dominica non habeat? at saltem æquantur, tam festa enim quam dies Dominica habent *proprius lectiones, collectas*, in utrisque sub eâdem pænâ præcipitur abstinere ab omni opere servili.

3. Displicent festa, quod in iis populus luxu diffluere soleat, quod rudis plebecula credat dies illos Sanctis quorum nomen præ se ferunt, dicari, & inde propensior fiat ad Sanctos invocandos. Respondent Hierarchici, *maneatur usus, tollatur abusus*, in eâdem & nos esse sententiâ si de iis ageretur, quæ in verbo Dei fundamentum habent, & pietatem valde promovent: at cum abolitis festis, æque ac retentis, vigere possit & *disciplina divinis*, quorsum ob rei non necessariæ, nec utilis observationem, vulgus licentiæ periculo exponimus?
suffra-

suffragatur Zanchius in 4^m præceptum. Tenenda est regula, Quæ in abusum venerunt & superstitionibus contaminata fuerunt, si necessaria sunt in cultu Divino, penitus tolli, a nobis nec debent nec possunt, itaque abusus tantum & superstitionibus repurganda sunt, velut est Baptismus, & cana Dominica, & publicæ preces, & alia nonnulla: si verò sunt adiaphora tolli ea prorsus possunt, & sæpè etiam debent, sicut fecit Ezekias, in hoc secundo genere, sunt præter alia multa etiam dies festi præsertim qui Diei Dominicæ additi sunt, non malè igitur fecerunt qui omnia præter diem Dominicam aboleverunt. „ Nec non Lud. Cap. Thes. „ Sal. pag. 65. Consultius fortè fuisset & „ Ecclesiæ Christianæ conducibilius non admitti, „ sisse illam dierum distinctionem & peculia- „ rem observationem, quia ex eâ, etsi initio in- „ noxiâ, adeoque non inutili consuetudine, „ enata est postmodum superstitio, & Ido- „ latria, quæ totam ecclesiam Pontificiam „ jam a multis sæculis occupat, & pervasit, „ a quo fermento non satis forte tutæ esse videntur (N: B.) ecclesiæ illæ quæ primitivum istum „ dierum aliquot festorum usum retinuerunt, ut „ propterea aliæ, ne quid contagionis ex illâ „ consuetudine contraherent, maluerint in re- „ formatione suâ usum illum penitus abolere, „ non quia simpliciter illum damnent, ut ma- „ lum, sed ut periculum ex eo caveant, in religi- „ one enim quando vel tantillum a Dei præ- „ cripto disceditur, & homines aliquid sibi li- „ cere

„cere volunt & putant, omnia tuta timenda
„sunt, ut satius esse videatur bono aliquo utili
„sed minus necessario carere, quam ex illius
„usurpatione incurrere in grave grandis alicujus
„mali periculum. Si qui metuant ne abolitis
festis excidant nobis è memoria beneficia Dei,
& Sanctorum, Martyrumque res gestæ, nã illi
timent ubi nulla est justa timoris causa; fiat enim
examen, constabit Ecclesias illas quæ nullos vel
textus Diebus, vel textibus Dies affixos habent,
probe in memoriâ retinere historias fundamen-
tales Evangelii. *Resurrectionem, Passionem, Temptati-*
onem, Nativitatem, occasione lectionum, & con-
cionum Catecheticarum recurrentium explica-
mus quotannis, & fidelibus inculcamus. Ecqua
alia causa dies festos celebrandi? Hookerus lib. 5.
Eccles. polit. pro eo quo pollebat ingenij acumi-
ne, aliam excogitavit, Deus, inquit, in tempore agit
& operatur, & quidem non aequaliter, nam uno die
aut tempore plura & majora & insigniora, alio
verò die & tempore pauciora & minora minusque
illustria operatur, & producit, pro suo benepla-
cito, quibus operibus & productionibus, tempora
in quibus fiant signat veluti atque insignit; & non
ita multo post. Deus non omnia tempora pari-
ter sanctificat, sed ea duntaxat in quibus singula-
riter operatur, & modo aliquo extraordinario agit,
& opus aliquod mirabile producit, unde est quod
Propheta David Psalm. 118: 24. non de omnibus
anni diebus, sed de uno aliquo singulari duntaxat,
dicit

dicat cū admiratione, Hic est dies quem Dominus fecit, venite exultemus in eo ; huic ratiocinationi robur & lucem fœneratur ex dicto Syracidis Ecc. 33. 7.

At is quem modo in causæ meæ subsidium adduxi Ludovicus Capellus, hujusce rationis meminit, eique responsurus, talia præfatur, *est quidem viri illius ratiocinatio subtilis & arguta, sed longè petita, parumque solida, ne dicam futilem & evanidam, quæque humanam magis sapientiam & argutias Philosophicas redolet, quam Christianam ex scripturis divinis prudentiam* Thes. Salmur. part. 3. disp. de Festis. Nolo ego auctoris cæteroquin judiciocissimi argumentum depræciare, ut tamen eo movear non a me impetro, quamvis enim dies illi quos Deus institutione sua distinxit, & ab aliis separavit (quales erant fortassean quos respexit Syracides loco citato) possunt dici aliis sanctiores, vehementer tamen absurdum est, omne Dei opus extraordinarium imprimere dignitatem, sanctitatem, reverentiam, non modo ipsi tempori in quo factū est, sed & omnibus postea annuatim recurrentibus diebus : Deinde si omne opus, Dei requirat festi anniversarii observationem, quis erit finis festorum? actum erit planè de permissione illa, *sex dies operaberis*, dies feriati erunt Christo dedicandi ob Baptismum, ob transfigurationem, ob insufflationem Spiritus in Apostolos, ob sanationes miraculosas, ob excitatum Constantinum, Wicklesum, Lutherum, & alios

He-

Heroas, qui de Ecclesia Christianâ optime meruerunt. Denique ne nimius sim, quæro opera Dei mirabilia num signant, & sanctificant illum ipsum diem in quo patrata sunt κατ' ἀληθείαν an illum in quo κατὰ δόξαν patrata sunt, si dicantur sanctificare diem in quo patrata esse creduntur, profecto unum Dei opus sufficiat omnibus diebus anni sanctificandis, nullus enim est dies in quo credi non potest patratum esse: si dicantur sanctificare diem in quo revera patrata sunt, unde nobis constabit de illo die? adeo nihil certò definiri potest de die nativitatis Christi, ut nec de mense conveniat, sive sit Aprilis, sive Majus, sive Januarius, sive Decembris, sive Septembris.

Durellus quod unum potuit, compilavit testimonia Pag. 25. 26. 27. Quibus comprobare vult observationem Festorum reformatis Ecclesiis non displicere: At recordari potuit bonus vir, nos non damnare simpliciter observationem aliarum dierum præter dominicam, modo non æquentur diei dominicæ, nec nimium multiplicentur, nec homines, ad strictam abstinentiam ab omni opere servili cogantur, nec denique ex necessitate imponantur, observandæ cum ad ruinam potius quam ædificationem facere, ipsâ experientiâ deprehenduntur: præmissa hâc sententiæ nostræ explicatione, non veremur ad Ecclesias reformatas provocare.

Qua-

Quædam enim nullas dies ſolennes præter diem Dominicam obſervant. De Eccleſiâ Genevenſi hoc teſtatur Calvinus Epist. ad Hallerum 1551. „ Priuſquam urbem ingrederer, „ nullæ prorſus erant feriæ præter diem Domi- „ nicam, quæ apud vos celebrantur, eodem „ plebiſcito acceptæ ſunt, quo ego & Farellus „ fuimus expulſi, idque improborum violentiâ „ extortum magis fuit, quam legitimo ordine „ decretum. in Epist. ad Miniſt. Burenſem. „ Antequam urbem hanc primo adventu in- „ greſſus eſſem, abrogati erant dies feſti om- „ nes præter Dominicum. Farello & Vireto „ hoc utile viſum fuerat, ego receptæ conſue- „ tudini acquievi, nec verò hæc ſola fuit Eccleſia „ quæ nullas præter diei ſeptimæ ferias retinue- „ rit, Argëtorati enim olim idem inſtitutum „ fuerat. Eccleſia Scoticana nulla feſta agno- „ vit, nulla celebravit, quamvis enim quod verè „ annotavit Durellus pag. 27. in Synodo nationa- „ li Edenburgenſi, Confeſſio Helvetica ap- „ probaretur, diſertè tamen cum exceptione „ Feſtorum Chriſti facta eſt approbatio, adeo „ non erat, cur, concluderet Durellus hodie- „ nos miniſtros Eccleſiæ Scoticanæ ab antiquis „ diſt. 2. g. *πρωτον* diſtare. Imo ipſe Rex Jacobus an- „ nuente tota Synodo nationali pie & prudenter „ jactitabat. (N:B.) „ Se Regem natum in Eccleſia „ totius orbis ſinceriore, ſinceriore vicina An- „ gliâ, cujus Liturgia nihil erat aliud quam „ miſſa

missa vulgari sermone malè versa, sincerio-
re ipsâ Genève, quæ paschatis, & natalis
Christi diem observabat.

In constitutionibus Ecclesiasticis Dordrecht
anno 1574. Art. 53. Statutum est, ut contenta
essent Ecclesia observatione diei Dominica; inde est
quod Lutherani communiter numerent inter
errores Calvinianorum, quod omnes ferias
præter Diem Dominicam sustulerint, at si hoc
sit tam grande scelus, videant quomodo Lu-
therum suum eo purgare possint, qui in libro ad
Nobilitatem Germanicam scribit, consultum
esse, ut omnia festa aboleantur, solo Dominico diè
retento, & in libro de bonis operibus, utinam,
apud Christianos nullum esset Festum, nisi dies Do-
minicus. Cui planè geminum est Bucerii votum
in Math. 12. ferias alias (præter diem Do-
minicum) sive Christi &c. optarim abroga-
tas universas. Zelus ille quo introductæ
fuere, omni verbo & exemplo scripturæ ca-
ruit, mereque rationem secularem sequuta
est, ut ferias Ethnicorum seu clavum clavò
truderet.

2. Quædam Ecclesiæ retinent alia festa
præter diem Dominicum, sed invitæ, quia
sine metu majoris mali non possunt illa abolere,
huc facit quod legimus in constitutionibus Dor-
draci 1578. Art. 7. Optandum esset liberta-
tem sex diebus operandi a Deo concessam, in
Ecclesiis retineri, & solam diem Dominicam

„feriatam esse, sed cum N. B.) autoritate
 „Magistratus nonnulli alii festi dies observen-
 „tur, nativitatis &c. Operam dabunt verbi
 „ministri, ut concionibus inutilem, & noxiam
 „feriationem seu otium, in sanctum & utile
 „exercitium commutent; idem facient ministri
 „in civitatibus ubi plures festi dies autoritate
 „Magistratus servantur, interim annitentur
 „omnes Ecclesiæ, ut consueta festorum om-
 „nium observatio (excepto die nativitatis)
 „quantum fieri potest, quam commodissimè
 „aboleatur; In Gallia si observentur nativitas
 „&c. Audivimus prius Capellum Durello satis
 „laudatum auctorem, judicium suum ferentem,
 „*Consultius fortè fuisse: &c.* Zanchius etiam subacti
 „judicii Theologus, quamvis pro more suo in-
 „dulgenter scribat de festis in antiquâ Ecclesiâ
 „receptis, in explicatione tamen 4. præcepti sa-
 „tis aperte profitetur, magis consentaneum
 „esse cum primâ institutione, & cum scriptis
 „apostolicis, ut unus tantum dies in septi-
 „mana solenniter totus sanctificetur, quam
 „plures.

3. Aliquæ Ecclesiæ festa Christi observant
 „omnibus iis quæ Apostolis nuncupantur insu-
 „per habitis, Ecclesia Helvetica confessionis
 „sux cap. 24. ait. „Si Ecclesiæ pro libertate
 „Christianâ memoriam Dominicæ nativitatis,
 „resurrectonis &c. religiose celebrent, ma-
 „ximoperè approbamus, festa verò homini-
 „bus

3, bus aut divis instituta, non probamus. Ba-
,, filiensis five Milhusiana confessio artic. 10.
ait. 3, Credimus quod quemadmodum nemo
,, potest mandare quæ Christus non mandavit,
,, ita etiam nemo prohibere possit quæ ipse non
,, prohibuit, scriptum enim ipsum audite Mat. 3.
,, Deut. 18. Act. 7. itaque cultum & invocatio-
,, nem demortuorum, Sanctorum venerationem,
,, & extructionem idolorum & id genus impro-
,, bamus, ob hanc causam, & auricularem con-
,, fessionem, sanctorum ferias, & quæ ejus ge-
,, neris ab hominibus exorta sunt &c. Sanctos
,, alioquin fatemur coram Deo esse &c. Idem
,, pronunciare videtur de Bernensi Ecclesiâ A-
retius in problem. part. 2. tit. de feriis. De Ti-
gurinâ Bullingerus in epist. ad Calvinum An.
1551. 3, Nostra Ecclesia ante annos ni fallor 12.
,, plura habuit festa, sed abrogatis his solum reti-
,, nuit diem Dominicam, & festa Christi, nativi-
,, tatis viz. circumcisionis, & ascensionis
,, Domini, adjecit & missionem Sp. Sancti su-
,, perioribus propter celebrationem cœnæ, a-
,, brogavit autem festa alia, quod vicini inter-
,, pretarentur, nos ferias agere divis, ergo ut pa-
,, lam profiteremur nos non colere divos cultu
,, soli Deo debito, omnia in universum abro-
,, gavimus. De Ecclesiis Hungaricis videat cui
,, tanti est Canones 1642. editos. Mihi cum
hæc scriberem ad manus non erant.

4. Ecclesias Bohemicas aliasque ejusdem uni-

tatis in Moraviâ, retinere Apostolorum, & aliquot Martyrum dies, non est, quod dissimulem, sed ordinis solum causa, non ex conscientia aliquâ. *Consuetudo circa dies festos*: „ pag. mi- „ hi 51. Inter dies festos primam dignitatem „ tribuimus septimo diei Dominico, quem arbitramur nemini hominum ad operas externas „ & serviles ullo etiam libertatis Christianæ præ- „ textu, adhibere licere, idque propterea quod „ institutionem ejus non pro ceremoniâ, sed pro „ parte legis moralis æternum inviolabilis ag- „ noscimus. & pag. 54. Celebramus præterea „ præcipuorum Christi operum memoriam „ certis diebus, nempe adventus Christi &c. „ præterea Apostolorum & aliquot Martyrum „ dies, sed hoc eâdem libertate, qua cæteri, „ memoriæ solum causâ, & in occasionem „ constantiæ atque patientiæ exempla in Mar- „ tyribus proponendi, atque subinde aliquid „ utile populum admonendi, peractâ enim con- „ cione & precibus æque ut cæteris diebus ad „ operas omnes se conferunt. Ad operas se conferunt, non (ut apud nos fit) quod reliquum est diei in commensationibus turpiter consumunt, nullos habent *apparitores*, qui explorent, an aliqui post recitatas preces opus suum faciant, ut coram Episcopo aut Cancellario citent, vel cum ipsis certo pretio paciscantur.

Eat jam Durellus & Hierarchicis suis suas narret victorias, & triumphet etiam si velit, de
Eccle-

Ecclesiarum reformatarum circa dies festos consensu, Presbyteriani certe non verentur sese coram tribunali earum sistere.

Duo addo Primum fatres Bohemos & Waldenses passim a Papistis reprehendi ac damnari, eo quod nulla festa præter diem Dominicum celebarent, verum hæc eorum sententia Erasmo Roterodamo non valdè improbatur, in Epistolâ ad Johannem Slectam de festis diebus, „ Non multum abest istorum opinio a seculo „ Hieronymi, nunc in immensum crevit, festorum turba, cum nullis diebus plus scelerum committit vulgus, & quod est inhumaniſſimum (N. B.) coguntur esse otiosi totos „ dies, nec victum alendis suis quærunt: Scripsit idem in notata per Bedam, Dies festos „ non damno, numerum imminui velim, præsertim quod videamus multos dies festos „ non ex necessitate, nec ob magnam utilitatem, Ecclesiæ, sed ob humanos affectus vel „ institutos, vel extortos ab Episcopis, quod si „ quis hic quoque metuit Ecclesiæ ruinam, cogitet qualis fuerit Ecclesiæ status aliquanto „ post tempora Hieronymi, cum orbis (N.B.) „ Christianus nesciret ullos dies præter Dominicum, & duos tresve alios.

Secundum, in Oriente Armenos diem Natalis Domini nescire, nulla festa vel vigilias custodire, nec quatuor tempora nosse, testante hoc de iis Thomâ a Jesu de Convers. Gent. lib. 7. c. 18.

Erat animus hic loci manum de tabulâ tol-
 lere, nisi incidissem in *Reverendi, doctissimi-
 que Hammondi responsiones ad sex quasita*, in qui-
 bus rotundè asseritur. „ Eos qui expungunt
 „ festum nativitatis Christi ex Calendario Ec-
 „ clesiæ, imò omnes qui festivitatem illam
 „ vel deponunt, vel non observant reos esse
 „ divisionis & separationis, vel saltem Sym-
 „ bolizationis cum divisione, & separatione
 „ a particulari Ecclesiâ Angliæ, & ab Univer-
 „ sali Ecclesiâ Christi in omnibus seculis, præ-
 „ cipuè primis & purissimis. Lectâ hac periodo
 totus obstupui, verebar enim ne ob ea quæ de
 festo nativitatis scripseram inter Schismaticos
 numerandus essem, verum statim liberatus
 sum illo metu, nam pag. 440. videbam le-
 ctorem ablegari ad *Catechismum Practicum*, in
 quo, (inquit prædictus author,) *produxi testi-*
monia multa ex Origine, Cypriano, Chrysosto-
mo, quorum singuli arcessunt observationem hujus
festi à primâ antiquitate, & ex Augustino, apud
quem character est filii Ecclesiæ, solemniter cele-
brare festivitates, nominatim festivitatem nativi-
tis. At prius securus factus eram, ex istis
 autoribus qui in *Catechismo practico* laudan-
 tur, nihil tale colligi posse: Origines lib. 8.
 contra Celsum enumerat celebriores festivi-
 tates Christianorum, nullâ mentione factâ
 Nativitatis, undè saltem probabiliter colli-
 gitur tempore Originis festum illud recen-
 tius

rius esse; inferunt etiam viri non ineruditi tale quid ex Tertull. de Idololatr. cap. 14. At Origines meminit festi innocentium, aitque sanctos Patres præcepisse secundum voluntatem Dei ut in perpetuum celebretur in Ecclesia. Hom. 3. in Matha un; At primo; quis fidejubebit homiliam hanc esse Originis, & non, quod Erasmo visum est, authoris cujusdam Latini Originè multò recentioris? Secundo quid hoc ad festum Nativitatis, cujus ne nomen quidem occurrit? imo inquit. R. D. *festum Innocentium non potuit esse antiquius festo Nativitatis, at hoc gratis asseritur, adeoque facile contemnitur.* Tertio si fieret Syllogismus, constaret illico nihil ex hoc quidem loco concludi posse, pro annuatim recurrente die ad celebrandâ memoriam *Innocentium*; pergite Doctores, non ita multo post Originem Cyprianus habet sermonem de Nativitate, videturne ergo iste sermo de Nativitate Spiritum Cypriani redolere?

Hoc Ithacus velit, & magno mercentur Achivi.
inde enim Pontificii Scriptores opinionum suarum portenta inferunt, at tota Reformationum cohors sermones illos, de Cardinalibus operibus Christi, tanquâ supposititios damnat: restat unus Chrysostomus, qui quidem habet homiliam in Natalem, sed ex quâ nihil elici posset pro antiquitate antiquissimâ festi, cujus novitatem potius excusat; constitutiones consultò prætermitto, quamvis enim & eę a R. D. in causę suę subsidiū adducan-

tur nimis tamen manifestum est, eas Clementis non esse, sed nec antiquissimi Scriptoris, Videatur Dallæus. Quare mirum est R.D. tantillis rationibus adductum, Schismaticorum stigmatem omnes inurere qui Natalitiam festivitatem annuatim non observant, quam observare non est character filii Ecclesiæ apud Augustinum, sed apud nescio quem *scriptorem sermonum de tempore*. Concludo cum doctissimo Vossio de mense dieque natali Christi pa.45. *initio Ecclesiæ Natalem Domini celebratum non videri, ac fortasse nec seculo secundo & per consequens ludibrium nobis debent qui Catholicismum aut traditionem Apostolicam crepant.*

Ad scripta Apocrypha jam veniendum: non negamus, quin in iis occurrant, quæ utiliter cum in privatis familiis, tum in publicis templis legi possunt. Paulum tamen magis suspicimus quam Presules Anglicanos, monet ille Epist. ad Tit. cap. 1. commate 14. *ne curemus fabulas Iudaicas, & præcepta hominum avertentium a veritate*, at præsules jubent (quod obsignatis tabulis probare parati sumus & probavimus) ea ex Apocryphis legere quæ fabulosa sunt, absurda, impia, judicet orbis Christianus Deo, *an homini obediendum sit?* præterea quis ferat ut capitibus veteris instrumenti 188. vel neglectis, vel prætermiſſis, 121. capitula Apocrypha legantur? *nullam talem consuetudinem habent Ecclesiæ Christi.* In Judaicâ per omne Sabbatum legeban-

bantur voces Prophetarum, testante S. Lucâ Act. 13. 27. in primitivâ Christianâ referente Justino in Apolog. 2^a legebantur τὰ ἀποκηρυγόμενα τῶν ἀποστόλων, ἢ τὰ συχρόμματα τῶν ἀποφαιτῶν. Video a zelotâ Liturgico D^o Barbon objici confessionem Belgicam in qua dicitur art. 70. *Libros Apocryphos Ecclesia legere, & ex iis documenta de rebus cum Libris Canonicis consentientibus, desumere potest*: Si hinc conficeretur Syllogismus, vel nihil contra nos concluderetur, vel plus esset in conclusione quam erat in præmissis, at respondeat Voetius magni nominis apud Belgas Professor, de Sabbato, & festis pag. 1313. Si in praxi aut constitutionibus Ecclesiasticis nostrorum alicubi quid occurrat de Apocryphorum editione cum eodem corpore Biblico, & quidem nixtim cum Libris veteris Testamenti, quinimo publicâ eorundem lectione, hymnis publicè decantandis, qui ab hominibus concinnati erant, cogita id de tolerantia & limitatione eorum accipiendum. Idem Voetius Pol. Eccles. lib. 2. cap. 3. pag. 599. 600. 602. magno zelo contendit legendos esse in Ecclesiâ solos libros canonicos; & sanè nisi statutum esset præsulibus nostris τὴν θείαν ἀγ-φυλάττειν, pensitarent non modo quid liceat, sed etiam quid expediat; non autem expedit proculdubio ut in templis legantur Libri Apocryphi, ne rudiores tandem pari pietatis affectu & reverentiâ cum canonicis suscipiant, & venerentur: abundantem cautelam hic

hic non nocere fatebuntur ii quibus cum rusticis res est, nec Sixti Senensis confessio est prætereunda, quos (inquit ille lib. 1. pag. 2.) olim præsci Ecclesiæ patres tanquam Apocryphos & non Canonicos habuerunt, eosque apud solos Catechumenos nondum Canonica electionis capaces, primum legi permiserunt, deinde procedente tempore apud omnes fideles recitari concesserunt, non ad dogmatum confirmationem, sed ad populi instructionem, & quia publice & in Ecclesiâ legerentur, Ecclesiasticos nuncuparunt, demum inter Scripturas irrefragabilis auctoritatis assumi voluerunt.

In limine libri liturgici præcipitur ut omnes Presbyteri & Diaconi in precibus, matutinis & vespertinis, administrandâ cœnâ, & baptismo superpelliceo utantur.

Nos dicimus ritum hunc male precipi: probatur 1. quia materia præcepti Ecclesiastici debet esse aliquid utile, utile (ut loqui amant Scholastici) secundum prævalentiam graduum: sunt enim rectores Ecclesiæ Ministri Dei nobis ad bonum, & auctoritatem habent ad ædificationem: ipsæ ceremoniæ quas Deus instituit abrogatæ sunt, quamprimum desierunt esse utiles: sit irritum præcedens præceptum propter ipsius infirmitatem, & inutilitatem, ait Auctor Epist. ad Hebr. Cap. 7. v. 18. Qui etiam vocat Hebræos a cibis eo quod non profuerint iniis occupatis. 13. Heb. 9. Atqui nulla in superpelliceo utilitas; Respondent Hierarchi utile esse
ad

ad ordinem & decorum observandum, ad clericos & laicos distinguendos; ad significandam, si non efficiendam puritatem. Quid ego audio? non possunt divina officia decenter, & ordinatè peragi nisi induatur superpelliceum? at præceptum illud. 1. Cor. 14. 40. *Iuris naturalis* (fateente Hookero) *par est*, & per consequens illam solam decentiam respicit, quæ vel in lege naturali, vel in institutione Divinâ, vel saltem in consuetudine generali & rationabili, fundamentum habet: at hujusmodi decentiam superpelliceo nemo ascribit, nisi qui studio partium abripitur; habent Sacerdotes Anglicani conciones non induto superpelliceo, & tamen satis decenter habent, verbo dicam, Apostolicum illud *πᾶν* &c. est propositio universalis affirmativa, adeoque simplicis conversionis non capax, quidquid fit, fieri debet decenter, at non quicquid decens est, fieri statim, aut ab Ecclesia præcipi debet. Plurima satis decora sunt, quorum contraria sunt æque decora; aut saltem non indecora; contra libertatem Christianam Ecclesia peccat, si illud præcipiat sub ratione decori, quod vel adesse vel abesse potest sine indecoro, alioquin potest præcipere, ut omnes chirothecæ sint ejusdem coloris, omnia collaria ejusdem prorsus formæ, & figuræ, &c.

2. Cum ajunt utile esse superpelliceum ad clericos à laicis distinguendos, frustra sunt, quid

quid enim opus est eos vestibus distingui, quos satis distinguunt sedes, quas in Ecclesiis occupant, & officia quæ administrant. Deinde linea vestis clericum nequit distinguere a Laico, quia multi Laici in Academiis & Ecclesiis cathedralibus, tenentur istiusmodi vestes induere, æque ac clerici.

3. Neque utile est superpelliceum ad puritatem & Sanctimoniam significandam. Quæro enim num albedo in superpelliceo clarius significat puritatem, quam albedo in parietibus templorum, &c. Si non clarius, quorsum multiplicantur entia sine necessitate, si clarius significat, quæro in quo fundetur major ista claritas; Deinde num Ecclesia, liberum relinquit Ministris suis, quotiescunque vestem hanc induunt cogitare de puritate? si Liberum relinquat, tum medium instituit sine ullo ordine ad finem, si non Liberum relinquat, tum peccant qui vestem illam induunt nullâ habitâ cogitatione de puritate, at quis unquam Presbyterum aut Diaconum hocce peccatum confitentem audivit?

2. Malè precipitur, quia sub severiori quam æquum est penâ precipitur; Si statuissent præsules ut omnes sine lineis vestibus sacra peragentes solvant 12. denarios toties quoties pauperibus, potuit ferri Sanctio, at ut propter omisas vestitûs ineptas, quis libertate concionandi multetur, & schismaticus audiat, planè intolerabil e

bile est! Si quis nequeat, aut nolit, quolibet mense concionem habere, sufficit si alium con-
ducat, qui istud officium peragat, at non suffi-
cit si quis curet Liturgiam legi per alium, nisi
illud per se suâ propriâ in personâ, & quidem
albam vestem indutus faciat, indignus habetur
qui ullo beneficio Ecclesiastico gaudeat. Ecquid
hoc non est per traditiones humanas præceptum
Dei evacuare?

3. Malè præcipitur, quia præcipitur contra legem
charitatis, quæ vetat in rebus non necessariis, offen-
diculum præbere infirmioribus. Si præstet alligatâ collo-
molâ asinariâ demergi quem in profundum maris,
quam scandalizare unum e pusillis Christi, [quam
horrendum est flagitium leges ferre, & obli-
gare Ministros ad scandalizandos alios? res-
pondere solent ceremoniarum architecti, qui
scandalizantur non esse Pusillos, sed Phariseos.
At 1. hujusmodi censuris anteverunt quantum
in se est Diem judicii, & ereptum Christo
officium temere usurpant. 2. Si concede-
retur Phariseos esse qui se scandalizari pa-
tiuntur, nunquid nulla habenda est Phari-
sæorum ratio in condendis legibus? inimi-
ci infensissime sunt diligendi, si diligendi,
non sunt offendendi, si scandalum eorum
cum nullo vel pene nullo detrimento potest
impediri, at potest Ecclesia cum nullo suo
detrimento abstinere a condendis legibus de
veste lineâ,

4. Malè

4. Malè præcipitur, quia Papistarum fan-
nis & ludibrio Ecclesiam nostram exponit.
Hinc enim est quod Westonus Anglos *furti*
insimulet (in theatro vitæ civilis & sacre pag.
564.) & *sifures haberi nolunt, Antichristi tamen si-*
mias eos esse contendit, falsè satis à quodam apud
eundem Weston. dictum est, *Videntur Angli Pa-*
pam è suo regno fugasse adeò festinè, ut eum cogerent
vestes à tergo relinquere. Ego facilis largior pri-
mos reformatores retinuisse hunc ritum, alios-
que nobis cum Papistis communes, ut facilius
Pseudocatholicos ad Ecclesiam allicerent, at
Deum huic consilio non benedixisse utinam ex-
perientia non ita nimis testaretur: Quis non
videt vestigia omnia Romam versus spectare,
nulla retrorsum? non mediocriter confirman-
tur in superstitione Romanenses & spem concipiunt
redituros ad castra sua Anglos, ex eo quod
vident cultum nostrum non sine ritibus eorum
celebrari.

Dico 2. Hic ritus bonâ conscientiâ à nobis
observari nequit. Probatur: *Ritus qui ab homini-*
bus instituitur, & tamen ordinatur ad significandum
aliquid mysticum, & soli Dei cultui appropriatur,
is bonâ conscientiâ nequit observari: at talis est su-
perpelliceum, ergo: Minor in confessio est.
Major explicanda primum, dein confirman-
da; 1. Per ritum ab hominibus institutum, in-
telligo omnem ceremoniam, quæ lege Dei
vel naturali, vel positivâ non præcipitur. 2. Per
ritum

ritum ordinatum ad significandum volo ritum qui etsi natura aptus sit ad significandum, actualiter tamen non significat sine speciali applicatione, unde ceremoniæ quæ naturaliter significant ante & citra omnem humanam institutionem, a nostris religiose observantur. 3. Per ritum ordinatum ad significandum aliquod mysticum denoto ritum qui significat vel favorem & gratiam Dei, vel hominis Officium, talis ritus (inquam) nequit observari bonâ conscientia, quia derogat perfectioni sacramentorum scripturarum, & Officiis Christi Prophetico ac Regio detrahit, Apostolica denique Ecclesiæ negligentiam ascribit. Omnia hæc media lubens prosequeretur, nisi operam meam fœliciter antevertissent Amesius, & Henr. Jeanes, in agro Somersetensi concionator, quibus nescio an unquam respondere aggressi fuerint Hierarchici, Primum medium attingere non gravabor, ea est divina Scripturæ perfectio, nihil ut ei addi debeat, nihil detrahi, at hujusmodi ritu fit additio verbo Dei. Respondetur communiter partes cultûs addi non posse, ceremonias cultus addi posse; at membra hujusce distinctionis coincidunt, ceremoniæ enim sunt pares cultûs, qui dividitur in naturalem & ceremonialem, Pedem ergo hic conferamus. Si partes cultus non possunt addi, tunc hæc ceremonia non possit addi: probatur consequentia, hæc ceremonia est pars cultus, Ergo. Imò, ait Mortonus, & ejus Hyperaspistes Burgesius, est pars, sed

non propriè dicta, Regero. Cujus proprius usus est honor Dei, & quod in sua natura formaliter elicetur a religione, est cultus externus propriè dictus, Ceremonia, de qua agimus, proprius usus est &c. Ergo.

Dicimus 3o Superpelliceum primis & purissimis Ecclesiis non fuisse in usu. Probatur hoc satis quia non probatur contrarium. Probatur etiam testimonio *Primis temporibus communi indumento vestiti missas agebant, sicut & hætenus quidam Orientalium facere perhibentur*, inquit Walafridus Strabo de rebus Eccles. cap. 24. Vestis albæ primi meminerunt, Hieronymus & Chrysostomus, sed dubitat ipse Hookerus an ex horum Patrum testimoniis concludi possit ministros tunc temporis vestem candidam Divinis exercitiis propriam induisse, sed esto, sequatur illud. Novimus Hieronymum & Chrysost. illis sæculis floruisse in quibus multitudine ceremoniarum oneratam esse Ecclesiam conqueritur Augustinus Epist. 119. ad Januarium „ Verba exhibebo integra. Quamvis enim „ neque hoc inveniri possit quomodo contra „ fidem sint, ipsam tamen religionem quam „ paucissimis & manifestissimis celebrationum „ Sacramentis, misericordia esse liberam voluit, servilibus oneribus premunt; ut tolerabilior sit conditio Judæorum qui etiamsi „ tempus libertatis non agnoverint, legalibus tamen sarcinis, non humanis præsumptionibus subjiciuntur, sed Ecclesia Dei inter
multam

multam pœcam, multaque zizania constituta multa tolerat: Hæc Augustinus, plura (quod non obscure in eâdem Epistolâ innuit) scripturus, nisi temporum iniquitas prohibuisset. Et tamen nostrates sine rubore vociferantur, novum instrumentum non perfectam esse regulam ceremoniarum Evangelicarum, sed multiplicandas eas esse prout præsulum lascivientium ingenio videbitur expedire.

Quando ergo leges pœnales latæ sunt de superpelliceo induendo in sacris administrandis?

De hæc questione non eadem est doctorum sententia. Gul. Prynus, in brevi & pacifico examine ceremonialium appendicum libri Liturgici, videtur omnia antiquitatis monumenta quæ huc faciunt consuluisse, eum dum perlego video An. 1215. in Synodo Gallicanâ decretum esse ne sacerdotes, Sacellani &c. sine suppliciis extra Domus suas incedant, ast istiusce Synodi auctoritatem refugient ipsi Hierarchici, præscribit enim, ut sacerdos indutus superpelliceo corporalia abluat in vase mundo specialiter ad hoc deputato, & ut omnes ablutiones si fieri potest in piscinâ reponantur, vel saltem prima, ceteræ autem in Baptisterio. Idem author meminit Synodi Gallicanæ sub Americo congregatæ A. 1367. Quæ præcipit sub pœna excommunicationis quod Clerici honestè superpellicii sint induti, at nulla unquam Synodus generalis & orthodoxa de hisce nugis quicquam præcepit, saltem sub tantâ pœnâ. Reformatæ Ec-

clesiæ Doctores, quicquid contra ogganniat. Durellus, vestem hanc vel planè damnant, vel minus probant, vel saltem ea scribunt quæ cum ejus usu nequeant consistere. Voetius Disput. de idolatria indirectâ & participatâ pro. 7. p. 267. *An vestes sacerdotum pseudosacræ & alia ornamenta (ex gr. album indumentum) quibus in cultu idolatrico suo uti solent Gentiles aut Pontificii, si adhibeantur in cultu publico a nostris, aliquâ ratione symbolizent?* „ Resp. Affir. H. Altingius „ in Controv. de ceremoniis pag. 153. & 154. „ Ministri vestitu albo non induendi. Rationes, „ 1^o. Quia vestes albæ nec a Christo, nec ab Apostolis ejus, præscriptæ vel usurpatæ, sed „ ab hominibus superstitiosis institutæ sunt, „ ergo nec nobis usurpandæ. 2^o Vestes albæ „ partim sacerdotium leviticum, partim papismum redolent, Ergo non tolerandæ. Antecedens constat, quia & peculiaris Levitarum „ vestitus & color ille Missificis proprius est, „ ad Missæ commendationem confectus. Lutheranorum rationes refutat idem pag. 155.

Ecclesiæ Scoticanæ judicium notius est quam ut de eo testimonia adhibere necessum sit, extant in Rev. fidissimique Petræi historiâ Eccl. par. 3. cent. 16. p. 348. 349. Literæ a Synodo nationali Edenburgi congregatâ An. 1566. datæ, ad Episcopos & Pastores Ecclesiæ Anglicanæ, qui profitentur sincerè Dominum Jesum Christum, in quibus serio eorum cau-

fa agitur, qui vestem lineam non recipiunt, eas, ne exteror lateant, in Latinam linguam conversas, attexam.

Superintendentes, una cum aliis Ministris, & Commissionariis Ecclesiarum Dei in Regno Scotiano, Fratribus eorum, Episcopis & Pastoribus, qui nuncium miserunt Romano Antichristo, & profitentur eundem cum iis Dominum Jesum Christum in sinceritate, optant perpetuum augmentum Spiritus Sancti. Verbo & Scripto certiores facti sumus, Reverendi Pastores, aliquot e Fratribus nostris charis (quorum nonnulli sunt inter eruditissimos Regni vestri) privari Ecclesiasticâ functione, mulctari libertate concionandi, & eâ ratione impediri à vobis in promovendo Regno Jesu Christi, eo quod non possunt per conscientiam assumere, ad mandatum regale, ea vestimenta quibus idololatræ usi sunt, in diebus cæcitatibus, in cultu suo idolatrico: Qui rumor nequit corda nostra dolore non afficere, qui recordamur sententiæ Apostolicæ, *Quod si alii alios mordetis & exeditis, videte ne vicissim alii ab aliis consumamini*. Non animum induximus, in præsentiarum, penetrare in fundum istius quæstionis quæ majori vehementiâ quam quæ nobis placet, agitur, *an illa vestimenta numeranda sint inter res simpliciter indifferentes*. Sed in visceribus Jesu Christi petimus, ut Christiana caritas in vobis regnet (in vobis qui Pastores & Duces estis gregis in eo regno) ne aliis faciatis, quod ab aliis vobis fieri nolletis; non potestis ignorare quam tenera res sit conscientia humana, omnes qui conscientiam habent, non idem sentiunt: Vos non reclamante conscientia ista vestimenta induitis, at multi mille tum pii, tum docti, aliter sibi persuadent, quorum conscientias perpetuo pulsant Paulina illa, *Qua communio lucis cum tenebris? & qua concordia Christi cum Belial?* Si superpellicum, pileus angularis, & liripidium fuerunt symbola idololatrarum in ipsissimo actu idololatræ, quid prædi-

catori Christianæ libertatis & reprehensori omnimodæ
 superstitionis cum hisce sæcibus istius bestię Romanæ?
 Imo quis non vereatur recipere vel in manum, vel in fron-
 tem *χαράγμα* istius bestię odiosæ? Fratres nostri qui
 inutilem illum habitum respuunt, neque damnant, ne-
 que molestias creant vobis qui à vanis istis nugis non ab-
 horretis. Siquidem eandem vos istis mensuram mensu-
 retis, non dubitamus quin & Deo placituri sitis, & con-
 solaturi corda multorum quos affligunt extrema illa quæ
 patiuntur fratres isti pii & dilecti. Colores Rhetoricos aut
 persuasiones humanas nullas adhibuimus, sed ex caritate
 obsecramus, ut revocetis vobis in memoriam illud Petri,
*Pascite Dei gregem qui penes vos est, illum in inspectioni vacan-
 tes non coacte, sed libenter: neque dominantes clēris, sed ut
 qui sitis exemplaria gregis.* Porro oramus ut meditemini illud
 dictum Apostolicum, *Estote sine offensusculi iudais, & Gracis,
 & Ecclesia Dei.* Quo temporum statu utrique nostrum la-
 boremus in propagando Christi Regno, opinamur, vos non
 ignorare, quare audacius hortamur vos, ut circumspēctius
 ambuletis, quam ut ob vanitates illas vexeris pios, omnia
 enim quæ licita sunt, non ædificant: si lex eorum qui in po-
 testate sunt, premat conscientias vel vestras, vel fratrum ul-
 tra quam ferre possunt, animo non simulato obtestamur ut
 recordemini appellari vos *lucem mundi, & Salem terra.* Lux
 Dei non semper affulget oculis eorum, qui civili autoritate
 gaudent, in legibus & statutis condendis, sed affectus eo-
 rum nimiam sapiunt terram & mundanam sapientiam:
 Quare arbitramur vestrum esse audacter vosmet opponere
 non modo iis qui sese tollunt adversus Deum, sed & illis qui
 audent conscientias fidelium onerare, ultra quam Deus o-
 neravit in verbo suo. Sed speramus vos excusatam habitu-
 ros libertatem nostram qui in ratiocinando progressi sumus
 ulterius quam proposuimus & promissimus in exordio: Qua-
 re breviter revertimur ad priorem supplicationem, ut
 fratres nostri qui inter vos panniculos Romanenses res-
 puunt, eam apud vos Prælatos inveniant, gratiam quam
 Caput & Dominus noster præcipit singula sua membra
 erga

erga se mutuo præbere. Hoc expectamus à benignitate vestrà, non modo quia veremini ne Divinam Majestatem offendatis, si vexeris fratres ob nugas, sed etiam quia non rejecturi estis humillimam petitionem fratrum vestrorum & comprædicatorum, in quibus etsi nulla conspicua sit mundana pompa, vos tamen non ita contemneris ut non numeraturi sitis inter eos qui militant adversus Romanum Antichristum, & laborant ut Regnum Christi passim augeatur. Dies mali sunt, abundat iniquitas, caritas cheu frigescit, idcirco diligentius vigilandum est, incertum est quâ horâ revelabitur Christus coram quo rationem reddituri estis dispensationis vestræ. Ut concludamus, Petimus iterum ut fratribus faveatis, cui petitioni si annuat, jubebitis nos in Domino rem duplo majoris momenti. Dominus Jesus dirigat corda vestra in timore vero Dei in finem usque, & vobis nobisque largiatur victoriam super conjuratum illum hostem omnis veræ religionis, super Romanum Antichristum, cujus vulneratum caput denuo sanare allaborat Satanas, sed destruetur ille cum omnibus membris virtute Domini nostri Jesu, cujus potentissimæ protectioni vos commendamus. Dat. Edinb. E generali Synodo Sess. 3. Dec. 17. 1566.

At elevasse fortassean sibi visus est Durellus hæc literas testimonio Reverendi Episcopi (ex communicatum illum de candida Casa intelligit) *Qui retulit Ecclesiam Scoticanam à principio subscripsisse cultui Dei, & ritibus in Ecclesiâ Anglicanâ usurpatis, cujus subscriptionis testem laudat in margine Buchananum, Chron. lib. 13. vid. p. Dur. 21. Sc.* quæ de religionis cultu ritibusque divinitus institutis, conscripsit. Buchananus, ea ad ceremonias nescio quas purioris religionis vomicas trahunt pater & filius. Nullus unquam probatus Historicus asseruit Ecclesiam Scoticanam vel

uni ceremoniæ subscripsisse quam nobis hodie obtrudunt Prælatici. Anno quidem 1559. subscripserunt Comites duo & Barones quidam, aliique nomine plurium congregationum confœderationi cuidam, *sed de mutuo sibi operâ conferendâ in faciendis omnibus quæ Deus in Scripturis requirit, & in destruendis abjiciendisque omnibus quæ divinum nomen polluant, ut Deus purè & verè colatur.* Nec dedignatus est Serenissimus Jacobus, Elizabetham pro Cartwrighto & Udallo semel atque iterum interpellare. Scripsit enim ad eam literas Anno. 1590. Scripsit Anno 1591. priores nunquam vidi, posteriorum (quarum exemplar ex eruditissimo Fullero suppeditavit Petrus à *maxipins* parte 3^a Histor. pag. 485.) visum est partem longe majorem in Latinum sermonem transferre.

Quum audiam apprehendi Cartwrightum, Udallum, aliosque Ministros Evangelii intra Regnum vestrum quorum eruditionem, fidelesque labores in Ecclesiâ viri credibiles nobis commendarunt, non obstante quod dissensus eorum ab Episcopis, aliisque vestris Clericis, effecerit, ut tibi displicuerint, impræsentiarum non possumus (perpendentes officium illud quod debemus afflictis ob conscientiam in ista professione) efficacibus obnixisque literis nostris nosmet non interponere, ne durius hanc ob causam tractentur, orantes vehementer, ut nostrum gratiâ & intercessione placeat vobis, permittere ut liberentur de præsentibus angustiis, omnibus accusationibus, & processibus exinde natis, respicientibus tum priora eorum merita in annunciando Evangelio, tum simplicitatem conscientiarum in hac defensione, grandeque scandalum quod sine dubio sequetur si hanc ob causam ulterius arctentur, &c.

At

At idem Jacobus puritanorum mores sic describit, ut majorem ingratitudinem aut perfidiam inter *Montanos*, aut *Limitaneos* Latrones, reperiri posse neget, quam inter Fanaticos illos nebulones, nec filius possit pati ut eadem cum illo patriâ fruantur si pacate vivere decreverit. Recte: at si ipsi Regi seipsum explicanti fides in Præfat. ad βασιλ. δάρον, per Puritanos intellexit „vilissimam Anabaptistarum Sectam quam „*familiam amoris* vulgo nuncupant. Ut & „istiusmodi Concionatores cerebroso qui „cum ipsum nomen averfarentur eadem dogmata cum Anabaptistis, eandem disciplinam „pertinacissime propugnarunt, & non minores tragædias in quibusvis Ecclesiasticæ „politiæ minntiis tragædias excitarunt, quam „si de Trini Numinis *ὑποστάσις* digladiarentur. „Quod ad cæteros Concionatores aliosve etiam, quibus simplex illa Ecclesiæ nostræ politia Anglicanæ ceremoniis præfertur, quibus „Episcopalis dignitas papalem fastum redolet, „pileus quadratus, & superpellicum, & „& id genus alia papatus insignia videntur, hos „testor honorem meum, nunquam intellexi. „Imo vero tantum abest, ut de talibus rebus „quas semper adiaphoras æstimarim, rixandum putem, ut utriusque partis eruditos & „graves assertores, pari honore & amore prosequar.

In Angliâ nostrâ martyres non pauci, quod

e Foxo discimus, ab hâc veste abhorrerunt: nec alia mens Hoopero martyri pientissimo: In eandem sententiam concessit Ridlejus cum in carcere detineretur brevi lignis fœlicibus utulandus. Flagellavit enim eum tunc temporis conscientia ob nimium rigorem erga fratrem tenerimum quem noluit non indutum habitu Episcopali (ne Rege quidem Edvardo petente) consecrare, adeo ut necessum haberet palinodiam canere, datis ad Hooperum literis in quibus cum ejus sapientiam deprædicat, tum propriam fatuitatem damnat. Videantur in Actis & Monumentis Martyrologi nostri, vol. 3. in quibus etiam Regis literas in gratiam Hooperi conscriptas reperire est.

Taceo ipsum *Iobannem Foxum*, *Laurentium Humfredum*, Doctorem *Fulconem*, reformatæ religionis propugnatores acerrimos, quos hæc vestrum nugas non tulisse constat. *Foxus* in Martyrologio *Escas Papatus*, *Humfredus* in Epistola ad Episcopos (cujus exemplar in Amesii triplicatione videre est) *tunicas papales*, appellitant: *Fulco* maluit *Collegium deserere*, & in domo privatâ victum & cubile suscipere, quam *superpelliceum induere*, vid. Ames. pag. 473.

Oggerit *Durellus* pag. 215. &c. itemque pag. 23. displicuisse *Bucero*, & *Petro Martyri*, pientissimi *Hooperi* de re vestiaria morositatem: Respond. *Martinum Bucerum*, nunquam sine hono -

honoris præfatione nominare soleo, audiatur
tamen de eo Calvinus Epist. 13. Tamo studio pro-
pagandi Evangelii flagrat Bucerus, ut quæ precipua
sunt contentus impetrasse interdum sit a quo lenior in iis
concedendis, quæ minutula quidem ipse putat, sed
habent etiam suum pondus. Sed & audiatur de
eodem clarissimus Beza Resp. ad Balduinum,
„ Quod ad Anglicanam reformationem attinet,
„ quum dicis eam ex Buceris consilio ac volun-
„ tate fuisse institutam, magnam optimo viro
„ injuriam facis, qui quum in illo regno ver-
„ faretur, propagati illic Evangelii initio dici
„ non potest quot & quam gravibus gemitibus
„ inter cætera deploraret disciplinæ, & puritatis
„ rituum in constituendis illis Ecclesiis majorem
„ rationem non haberi. Imo etiam non pigebit,
„ ut de tuo mendacio melius appareat, quædam
„ ascribere ex ipsius literis ad hominem amicis-
„ simum Cantabrigiæ scriptis Ian. 12. 1556. in
„ quibus hæc etiam scribit; *Quod me mones de*
„ *puritate rituum, scito hic (N. B.) neminem ex-*
„ *traneum de his rebus rogari, tamen ex nobis ubi*
„ *possumus officio non desumus scriptis & coram,*
„ *ac imprimis, ut plebibus Christi de veris pastoribus*
„ *consulatur, deinde etiam de puritate purissimâ &*
„ *Doctrina & rituum.* Quid autem Bucerus
„ maximè probarit, & quid factururus fuisset si
„ licuisset, unde tandem melius quam ex Ar-
„ gentinensis Ecclesiæ ritibus discemus? quan-
„ quam ne hic quidem eum obtinuisse bonam

„ eorum partem quæ optimo jure desiderabat,
 „ sermonibus &c. testatus est, sed tamen in
 „ Ecclesiæ Argentinensis ritibus ubi tandem il-
 „ las putidas, quas jactas, sponsiones, ubi
 „ cruces, ubi Chryisma comperies?

Petrus Martyr, affectu præpostero potius quam
 solidâ aliquâ ratione ductus, ejus erat *Hooper*
 auctor consilii, ut superpelliceum potius in-
 dueret, quam ministerium defereret: at vero in
 ipsamet Epistola quam ad eum hâc de re dedit,
 haud dissimulat ritum illum sibi minus probari:
 „ Ægrè patior (inquit) ab eâ simplici puraque
 „ consuetudine avelli, quâ tu nosti Argentinæ
 „ nos omnes diu usos esse, ubi vestium discrimi-
 „ na quoad sacra erant sublata, morem illum ut
 „ candidiorem, & maximè resipientem Aposto-
 „ lorum Ecclesiam semper probavi, atque Deum
 „ immortalem rogo, ut & ibi quam diutissime
 „ conservetur, & ubicunque restituitur Ecclesia
 „ Christi, tandem recipiatur. Et in aliâ Epistolâ
 „ ad Amicum quendam datâ, 10 Julii An. 1550.
 „ Magis expedire judico, ut ea vestis & alia plura
 „ id genus, cum fieri commodè poterit, auferan-
 „ tur, quo res Ecclesiasticæ multo simplicissime
 „ gerantur. Videamus an judicium retractarit
 cum regnante Elizabethâ de vestibus hisce con-
 troversia redintegraretur; In Epistolâ ad ami-
 cum quendam in Angliâ Tiguri datâ An. 1559.
 „ Hæc scribit: De vestibus, ut sacris in mini-
 „ sterio ipso adhibendis, cum speciem missæ
 „ refe-

„referant, & sint mera papatus reliquia, Do-
„minus Bullingerus censer, non esse illis uten-
„dum, ne tuo exemplo res quæ scandalo
„est, confirmetur: ego vero, etsi usum ejus-
„modi ornamentorum semper sum adversatus,
„quia tamen videbam esse præsens periculum
„nè concionandi munere abdicareris, & spem
„fortassis aliquam fore, ut quemadmodum
„Altaria & imagines ablatae sunt, ita etiam
„illæ species missæ auferantur, si tu, & alii E-
„piscopatum adepti, prorsus in id incumberetis,
„quod minus fortè procederet, si loco tuo alter
„successerit, qui non tantum illas reliquias re-
„pelli non curaret, sed potius defenderet,
„foveret ac tueretur, idcirco tardior eram ad
„persuadendum, ut potius Episcopatum recu-
„sares, quam ut illarum vestium usum recipe-
„res: attamen quia scandala ejus generis vidi
„prorsus evitanda, propterea in sententiam
„ejus (N. B.) facile cessi; hæc sunt quæ pos-
„sum de re præsentis scribere, tu verò id vide-
„to ne adversus conscientiam tuam quicquam
„facias. Ad extremum ego te id scire velim,
„quæstiones hujus generis nobis quoque duras
„esse, ideo consilium non tam facile dari potest:
„ego cum essem Oxonii vestibis illis albis in
„choro nunquam uti volui quamvis essem Ca-
„nonicus, facti mei ratio mihi constabat. In E-
„pistolâ ad eundem datâ Calendas Febru: 1568.
„De vestibis, quas vocant sacras, fateor aliquid
„duri-

„durius, & quod meipsum non nihil pertur-
 „bat, ut mirer illas adeo mordicus retineri,
 „cum tamen cogito &c. Vestibus ergo iis uti
 „posses, vel in concione habenda, vel in cœ-
 „nâ Domini administrandâ, sic tamen ut dis-
 „cere & docere contra earum usum pergas:
 Summa est, vestem lineam nunquam appro-
 bavit Martyr, vix aut ne vix quidem ausus est
 dicere, ministerium non esse deferendum ci-
 tiùs, quàm ut quis eam induat.

Iohannes Alasco, cujus celebre est apud An-
 glos nomen, serenissimo *Eduardo* Regi Episto-
 lam conscripsit bene longam, quam tamen in-
 tegram transcribere in gratiam *Durelli* mei non
 gravabor.

Rectè facit pater, laudemque meretur proculdubio,
 si filiam virginem, dolis lenonum ad ganeas forte abreptam,
 rituque jam meretricis ornatam, protinus illinc eximat
 incolumi adhuc pudicitia illius, inque suas rursum ipsius
 ædes reducat: sed idem satis non esse putat, ad tuendam
 suam, filiaque illius, & totius adeo familiae suæ hone-
 statem, exemisse è ganeis filiam, inque suas ædes redu-
 xisse, nisi illi id totum planè detrahât, quod in ganeis
 illis pro ornatu meretricio haberi videt; neque disquirat,
 undenam ornatus ille originem suam habeat; sed inde-
 corum sibi, adeoque & castitate filiae suæ, & familiae etiam
 totius indignum esse iudicat, ut aliquid omnino ejus-
 modi domi suæ conspiciatur, undecunque tandem de-
 ductum esset, quod in ganeis ipsis pro ornatu meretricio
 haberi non ignoret. Neque hic audit eorum persuasiones,
 qui omnia ex patris arbitrio domi suæ æstimanda esse
 dicunt & proinde ornatum quoque meretricium illum in
 ganeis, honestissimum jam fore putant domi paternæ,
 cum filia illi, tum etiam reliquæ toti familiae, siquidem
 paternâ

paternâ authoritate comprobaretur ; eo quod in patris id potestate positum esse videatur , ut quæ illi probantur , ea jam honesta etiam domi suæ omnia esse censeantur : intelligit enim , etiamsi domi suæ pro honestis haberentur omnia quæ ipse suâ authoritate comprobâisset , honestatem tamen filiar illius , & familiar suæ totius , non intra domesticos sibi duntaxat parietes suos , sed per totam etiam civitatem reliquam , tuendam esse , ut omnem malam suspicionem apud omnes omnino cives , a domo suâ depellat : Et cavet ne ullis rursus lenonibus , ullam deinceps etiam reposcendæ denuò ad ganeas filiar suæ occasionem quoquo modo relinquat , pro jure ipsorum , si quæ apud illam notæ adhuc tales , ganeis familiares conspicerentur : Ita verò etiam parentum loco sunt in Dei Ecclesiâ , veluti in civitate quadam , & verbi & gladij ministri omnes ; habentque sibi concreditum , ab ipsomet Domino Deo , veluti filiar loco , purum ac legitimum ministerium sacramentorum : hic igitur istorum Ecclesiæ parentum (ut ita jam loquamur) fidem ac studium nemo non meritò laudaverit , si concreditam sibi ab ipsomet Deo (veluti filiam quandam) purum ac legitimum sacramentorum ministerium , ab Antichristi Romani , & lenonum suorum ganeis , in quas vi actyrannide ipsorum abductum fuerat , in suas ipsorum domus rursus , in curam (inquam) ac custodiam suam reduxerunt. Sed hic cogitare debent utrique , potissimum autem ij , qui non frustra præcipientes Dei Ministri Altorefque Ecclesiæ Dei a Spiritu Sancto vocantur , Reges (inquam) ac Monarchæ Christiani , satis non esse , si filiam illam a ganeis papisticis , in ædes rursus suas ipsorum , hoc est , in curam custodiamque suam recipiant , nisi eam etiam omni illo ornatu planè exuant , quem in ganeis ipsis metricium ornatum & esse & haberi sciunt , nequid ejusmodi domi ipsorum conspiciatur quod pro mereticio haberi posset : in eâ potissimum civitate , in quâ varia sunt adhuc judicia hominum , neque ab uno homine gubernari possunt , & in quâ adhuc multam infinitamque lenonum turbam superesse constat ;
neque

neque hic audient persuasiones eorum, qui ornatum ejusmodi (undecunque tandem desumptus esset) honestum nihilominus domi paternæ fore existimant, si patris ipsius autoritate comprobetur: intelligunt enim, non toti se civitati omnino, non toti (inquam) Dei Ecclesiæ, sed parti duntaxat illius alicui, veluti Domui ac familiæ cuidam præesse: & proinde etiamsi domi suæ, pro honestis jam haberi videant, quæ ipsi suâ autoritate comprobassent, sui interim officij, esse agnoscunt (quatenus equidem castitatis amantes, publicæque honestatis studiosi haberi volunt) ut filia illius totiusque adeo familiæ suæ honestatem, non inter domesticos tantum parietes suos, sed per totam illam civitatem etiam, omni studio ac curâ tueantur, nihilque domi suæ conspici patiantur, quod in ejusdem civitatis ganeis ac lupanaribus, maximo lenonum omnium conatu ac tyrannide, pro meretricio haberi interim, urgerique ac propugnari vident; postremo, cavendum sibi modis omnibus esse putant, ne eisdem lenonibus rursus, aut eorum similibus, ullam omnino occasionem (pro jure ipsorum) relinquunt, quoquo modo reposcendæ filia illius suæ, si quæ notæ adhuc (ganeis illis familiares) apud illam conspicerentur.

Jam vero tu quoque unus es ex hisce Ecclesiæ Dei Altoribus (Rex Serenissime) quo quidem nomine, summas Deo patri nostro cælesti gratias agimus, & concreditum tibi in præcellenti vocatione hac tuâ a Domino Deo, Sacramentorum ministerium, veluti filiam quandam ganeis jam Papisticis, in tuas rursus aedes (divino beneficio) hoc est in curam ac custodiam tuam domesticam reductum habes. Hic tu igitur tibi quoque sequendum esse cogitabis, in his quæ adhuc restant, propositum jam boni Parentis exemplum, in tuendâ reductæ filia, totiusque adeo familiæ tuæ, publicâ honestate, non tantum in Regno tuo florentissimo, sed in Catholicâ etiam Christi Ecclesiâ, cujus alioqui & ipse civis es, ejusque partem pulcherrimam, veluti insignem illius fami-
liam

liam tibi concreditam habes. Hoc vero abs te pii omnes, toto orbe Christiano, expectant: & quidem tanto majori desiderio, quanto majoribus atque excellentioribus donis te a Domino Deo nostro ornatum, ac sublimiore etiam, supra alios fere omnes, loco, positum esse, non ignorant: nempe ut sacramentorum ministerium, illecebris meretriciis, in Papæ ganeis nefandissime profanatum, omni illarum ornatu meretricio exuas, suoque illud ornatu virgineo, rursus inducas, quo videlicet a Regum omnium Rege ac Nomothete, Christo Domino, in suis institutionibus ornatum esse constat. Sic enim nota demum erit toti Ecclesiæ Christi, fides tua in tuendâ filiæ tibi concreditæ, non modo domi tuæ, sed toto etiam orbe terrarum, publicâ honestate.

Hanc ad Eduardum Epistolam excipient Hieronymi Zanchii ad Elizabetham Reginam scriptæ literæ Anno 1572. refertæ argumentis contra vestem lineam quibus Episcopi Anglicani nunquam erunt respondendo.

Quod si res ita se habeat, non video quomodo possit tua S. M. bona conscientia vestes de quibus quæstio est, & alia id genus papisticam adhuc superstitionem redolentia, & semel ab Ecclesiis profligata, iterum piorum Episcoporum conscientiiis proponere resumenda, atque ita proponere, ut illos suo cogat mandato ea recipere. Principio enim hoc pugnat cum prima & principe Regii officii parte. Si enim curandum est imprimis Magistratui, ut purus putus conservetur Dei cultus, & si ob hanc causam ableganda sunt omnia quæ hunc cultum aliquo modo vel per se, vel ex accidente violare possunt, eoque omnia ad regulam verbi Dei & ad priorem atque Apostolicam, ideoque puriorem & simpliciorum religionis formam pro virili revocanda sunt. Denique si ut Apostolus præcipit, abstinendum est non solum ab omni malo, verum etiam ab omni specie mali, quorsum, obsecro, Sere-

Serenissima & piissima Regina ea in Ecclesiam Dei ex mandato Regio inducere, quæ cum puritate cultus Apostolici pugnant, quæ superstitionem Papisticam redolent, quæ neque ad ædificationem piorum, neque ad ordinem aut ad ornatum, nisi meretricium faciunt; quæ denique nullam Ecclesiæ utilitatem adferre, sed contra, multa ei mala dare possunt? Certum est ista de vestibus lege pios quosque omnes offensum iri, impios autem gaviuros in sinu & plura inde speraturos: medios verò h.e. eos qui recens ab impietate ad pietatem conversi sunt, sed nondum bene firmati, periclitaturos: & si ex humano judicio aliquid dicendum sit, magis ad veterem superstitionem, ad quam natura ferimur, respecturos, quam in veram religionem oculos fixuros, ac firmaturos. Ac proinde istud decretum ad pietatem omnino nihil, ad impietatem verò fortassis multum, profuturum. Et si enim vestes istæ per se hoc est sua natura malæ non sunt, aut immundæ, tamen propter præcedentem eumque recentem abusum immunditiæ prorsus non carent. Certè negari non potest, quin saltem occasiones sint apertæ multorum malorum, & gravissimarum superstitionum. Sunt autem etiam occasiones malorum vitandæ. Quorsum igitur illa Ecclesiæ obtrudere, è quibus utilitatis nihil sperari potest, damni autem plurimum; hoc est enim tentare Deum. Meminerit Sereniss. M. T. non sine causa scriptum fuisse: *Qui tangit picem inquinabitur ab ea.* Neque temere Apostolum jussisse, ut *expurgemus vetus fermentum, quod modicum fermenti totam massam corrumpat.* Neque stultè improbari Judæos ab Osea, quod *surculum* (superstitionum) *ex Israël transulerint in hortum suum*, hoc est in veram Ecclesiam. Nihil planè piissima Regina nobis negotii esse debet cum Papistis, ad religionem quod attinet, nisi in iis quæ communia habent cum Apostolis. Cur, obsecro, improbantur in scripturis Reges aliquot, tametsi alioqui pii, quod sana in montibus, ante ædificatum templum à sanctis patribus extructa, in quibus soli solitus erat Jehova, non sustulerint?

stulerint? nimirum quodd edificato jam & ordinato templo nolebat Deus ulla alicujus alius sacelli vestigia extare. Ergo patefacto etiam regno Christi locum habere amplius non debuerunt ceremoniæ & vestes Aaronicæ. Proinde meritò curarunt Apostoli eas post Christi ascensionem tollendas, ut ne ullæ quidem superessent reliquię. Si verò illi piè sustulerunt, impiè igitur Papistæ illas revocarunt. Utrum autem melius sit sequi Apostolorum piam simplicitatem; an verò Papistarum impiam pompam, quis est qui nesciat? Gravius malum fuerit credat S. M. T. ista talium vestium Papisticarum revocatio, quàm prima fronte fortassis, oculatissimis etiam hominibus videri queat. Videor enim videre & audire monachos è suggestis vociferantes, & suos in sua impia religione T. S. M. exemplo, confirmantes & dicentes. Quid? quodd ipsa quoque Regina Angliæ doctissima & prudentissima paulatim incipit ad sanctæ Romanæ ecclesiæ redire religionem; resumptis jam sanctissimis & sacratissimis clericorum vestibus; Sperandum est fore, ut reliqua etiam omnia sanctæ R. E. dogmata, ritus, sacramenta, tandem aliquando postliminio revocet. Has & similes voces proculdubio prudentissima Regina, Monachi & Jesuitæ è suggestis usurpabunt. Nullam enim occasionem prætermittunt suas confirmandi superstitiones. Quid igitur aliud est hæc vestes putidas, & alia Papisticæ ecclesiæ rudera in Ecclesiam Christi revocare in hoc tempore; quam occasionem, eamque optimam, Papistis se & suos in suis superstitionibus confirmandi dare? Et vero etiam ad hanc rem, quasi opem ferre? Audiamus autem Prophetam, quid ad Josaphatum Regem Juda opem Achabo præbentem dixerit. *In impio auxilium ferre, & diligere eos (audes) qui Dominum oderunt? Ob hanc rem super te indignatio à Domino.* Quid item aliud fuerit hæc res quàm infirmos à studio puræ religionis revocare, & ut retrò in Ægyptum respiciant ac redeant, tacite monere? Facilis enim est ad impietatem relapsus infirmis hominibus, quippe qui ad superstitionem nostrapte natura sumus propensi.

Tollendæ igitur sunt occasiones a l'impicitatem relabendi: tantum abest, dari debeant. Quid sibi obsecro voluit Deus, quum vetuit ne *araretur in bove & asino*; & cavit, ne *idem ager diverso sereretur semente*, & ne *quisquam vestiretur veste ex lana & lino contexta*? Rescit D. o odiosa & execrabilis, si idem ager Domini colatur ab Episcopis impiis simul & piis, si in eadem Ecclesia cum doctrina Evangelii doctrina etiam papistica doceatur, si denique sacramenta ceremoniæ, & ritus ex Apostolicis & Papisticis conflati, usurpentur, & ex iis ceu veste ex lana & lino confecta, ecclesia vestiatur. Quæ enim convenientia lucis ad tenebras? Detestanda igitur nobis etiam esse debet talis, hoc est, turpis & impia mixtio. Ac proinde quæ Dei non sunt, sed eorum qui cultum Dei contaminarunt, prorsus abjicienda; id quod & Dominus fieri iussit, quum mandavit, ut eorum qui *suaserunt, ut post Deos alienos iremus, omnia funditus perderentur, & vestimenta totaque suppellex igne cremaretur, idque in medio foro*: nempe in abominationem talium seductorum, & ut sint anathema Domino. Quis autem ignorat inter suppellectilem seductoris Romani, istas etiam vestes contineri. „ Nec adhærebit, inquit, de illo anathemate quicquam in manu tua ut aver- „ tatur Dominus ab ira furoris sui, multiplicetque te sicut „ juravit patribus tuis, &c. Quid igitur inducere vestes „ has Antichristi suppellectilem in ecclesiam Christi aliud est quàm Deum ad iracundiam provocare, & ejus furorem adversus nos accendere? Certum est, si quis verus sit amicus Christi eum nunquam curaturum, ut ornamenta Antichristi in ædibus suis habeantur, nedum ferat in templo Christi. Quis enim sui hostis insignia in suis ædibus, præsertim verò in locis honoratioribus ferat? Ac si quid Deus destructum & abolitum velit, qui sumus nos, qui illud denuò audeamus ædificare? Deus autem post Christi mortem vestimenta omnia Aaronica atque Levitica abolita voluit; & nostro tempore, Evangelii splendore fugatas velle se omnes, cum impias tum vanas Papisticas ceremonias, pompas, imposturas, fucos, satis aperte

apertè ubique declaravit: quòd hæc nihil ad pietatem accendendam, multum autem ad restringendam valeant. Neque certè videre possum quo tandem istæ spectent vestes, nisi reipsa (ut jam ad alterum caput veniam) ad pulchram istius Anglicanæ Ecclesiæ ex Evangelio reformatæ faciem, imo totum corpus dedecorandum ac dehonestandum: non secus atque si pudica ac honesta alicuius Regis filia, vestimentis quibus scortum aliquod famosum & insigne solitum erat ornari, induatur, & ita induta, in medium prodire jubeatur. Quis verò hoc probet, aut tolerandum esse censeat? Ergo etiamsi nullo alio, hoc saltem nomine, obtrudendæ non sunt Ecclesiæ Christi, id genus vestes; quod meretrix Romana, iis ut sua natura minimè malis, ad malum tamen, & ad suas tegendas scortationes, vel potius ad alliciendos homines ad scortandum, abusa est, & adhuc abutitur. Sunt enim pompæ istæ omnes & ceremoniæ papisticæ nihil aliud quàm fuci meretricii ad hoc excogitati, ut homines ad spiritualem scortationem alliciantur. Annon igitur turpe est hos habere in Ecclesia Christi? Si serpens æneus, qui institutus fuerat a Deo, & quidem ad salutem Israelitarum, per pium regem Ezechiam, quia illo contra verbum Dei abutebantur Israelitæ, sublatu est: & ab hoc facto summè laudatur Ezechias, quod illum scilicet serpentem redegerit in cineres, eosque in profluentem, ne ullum unquam ejus extaret vestigium, projici jussit: quanto magis istæ impuræ vestes profligandæ sunt ex Ecclesia Dei, quibus Apostoli nunquam usi sunt, usi est autem meretrix Romana, in cultu idolatrico & ad homines seducendos? Neque enim honestum est, ut quæ in Dei contumeliam usurpata diu fuerint, si res sint per se ~~ad usum~~ ea in Ecclesia, cum discrimine etiam salutis piorum, retineantur. Multò vero minus istud vestium genus, quod nihil aliud est, quàm inventum hominum vel Satanae potius, ad simplicium seductionem excogitatum. Nemo nostrum est qui nesciat, quanto laude dignæ sint illæ Respublicæ, quæ legibus cavent ne cives exoticas

induant vestes, neve eas in Rempub. inducant, quòd cor-
 ruptelæ sint donorum honestorumque morum adeoque ip-
 sarum Rerump. Quomodo igitur laudari u. quam poterit
 istud, quod tuæ M. proponitur consilium, nempe ut vestes
 Reip. Christianæ tempore Apostolorum & Apostolicorum
 virorum incognitæ in ecclesiam Christi introducantur? Si
 verò exoticum vestiendi genus in Republica bene instituta
 non toleratur, quanto minus idololatriæ & gentilitiæ
 vestes in ecclesia, ubi Deus in spiritu & veritate colendus
 est, & ubi paucas easque simplicissimas ceremonias esse vult,
 ferendæ sunt? Si item lege cavit Deus, *ne virilibus vesti-*
mentis induatur mulier, neque vicissim cum muliebribus
viris, quòd utrunq; sit pèr se turpe atque inhonestum, & pug-
 nans cum natura; cur igitur pii episcopi & servi Christi
 vestibus impiorum sacrificorum, & Antichristi mancipio-
 rum vestiantur, vel potius dehonestentur, ac deformentur?
 Cur non potius ab illis, sicut diversæ sumus religionis, sic
 etiam externis symbolis, veluti sunt vestes, in officiis saltem
 ad Dei cultum pertinentibus, obeundis, discernamur?
 Voluit hoc certe Deus & exegit à tuo populo, ut ipso quoque
 diverso vestiendi genere à prophanis gentibus discernere-
 tur, atque ita se nihil velle habere cum gentibus commune,
 hoc etiam publico symbolo protestaretur, Quidni enim
 idem & nos faciamus? An non sumus populus Dei? An
 non manet æquitas ejusdem præcepti? Ac si honestum ab
 honore dicitur, qualis honor, quæso, fuerit Ecclesiæ Christi,
 quòd Episcopos in administratione evangelii & sacramen-
 torum habeat larvis Papisticis indutos & personatos; ita ut
 risui potius omnibus sint futuri, quam in aliqua apud po-
 pulum veneratione? Quilibet & tuæ S. M. apud veras eccle-
 sias, verosque fideles laus, quod tales nugas in suam eccle-
 siam revocari permittat? Non est igitur res honesta, ut ad
 tales larvas suscipiendas sancti cogantur episcopi. Neque
 enim revera, res est honore & laude digna, neque nomen
 virtutis meretur. Quis enim, si tua S. Majestas mandaret,
 ut omnes Angli posito avito, & illo quidem gravissimo &
 honestissimo vestitu, Turcicas induant tunicas, aut habitu
 ut

ut vocant stratiotico vestiantur; Quis, inquam, elictum hoc ut honestum approbaret? Multo certè minus laudari potest, si pii episcopi jubeantur posito vel saltem alterato honesto & vetusto quem etiam Apostoli usurparunt, vestitu, communi, sc. sed gravi & honesto, ridiculas & execrabiles, impiorum sacrificorum vestes induere: Quod verò ad tertiam officii Regii partem attinet, nihil isto consilio ad turbandam publicam ecclesiæ pacem accommodatius. Omnis enim novitas præsertim in religione, vel per se, si mala sit, bonam turbat pacem, vel si bona, occasionem dat ex accidenti committendis inter se hominibus, malis nimirum cum bonis. Sed sicut in rebus per se bonis, ut in reformandis ad voluntatem Dei ecclesiis contemnenda est pacis illius impiæ, h. e. rouni turbatio, (*Christus enim non venit suo evangelio ut pacem servet, sed potius ut tollat & gladium mittat*) ita certè rebus adiaphoris urgendis, turbare pacem ecclesiarum, & bonos cum impiis, aut etiam bonos inter sese committere, usque adeo iniquum est, ut defendi nullo modo possit: ut non immerito Victorem Episcopum Romanum hoc nomine reprehenderit Irenæus, sicut antea dictum est. Est enim necesse, ut tunc ecclesiæ scindantur in partes quo quid detrimentosius? Exemplum quæ passim occurrunt in historiis ecclesiasticis, satis apertè & dilucidè, quod dico, confirmant. Quot & quantæ, obsecro, turbæ in primitiva ecclesia, inter eos qui præter evangelium ipsam quoque urgebant circumcissionem & legem, & inter illos, qui eas merito rejiciebant excitatæ fuerunt? Quanta porro mala hæc dissensio dedisset ecclesiæ Christi, nisi Apostoli maturè occurrissent, Synodo Hierosolymis coacta, & causâ apertis scripturarum testimoniis & firmis rationibus legitime cognita atque discussa? Si tua S. M. sicut debet & esse videri vult Apostolica, imitetur in hac parte Apostolos, neque aut imponet ipsi jugum hoc cervicibus discipulorum Christi, aut etiam ab aliis imponi permittat. Quod si videat Episcopos de hac re inter se dissidere cogat synodum, & curet controversiam scripturis disc-

ceptandam & cognoscendam, ac tum demum quod per-
 spicuis testimoniis & rationibus non infirmis fuerit demon-
 stratum: illud etiam omnibus servandum proponat, & ut
 servetur, edicto mandet: atque ita ex Ecclesia tollat dis-
 sidium. Est enim omnino tuæ S. M. curandum, ut nihil
 in religione immutetur aut innovetur nisi ex verbo Dei.
 Hac ratione vera Ecclesiarum pax atque concordia &
 unitas conservabitur. Contrà verò si fiat, quid aliud
 id fuerit, quam unitatem tollere & Christianam pacem
 turbare? Neque illud mihi videtur silentio prætereun-
 dum, quòd ista rei novitate, non solum publica in isto
 regno pax turbabitur, verum etiam alibi extra regnum
 multis occasio dabitur novas in Ecclesia excitandi rixas:
 idque non sine magno pietatis detrimento, & cursus Evan-
 gelici retardatione. Nemo enim hominum nescit, ple-
 rasque omnes Ecclesias, quæ propter Evangelium a Ro-
 mano Pontifice defecerunt, non solum talibus vestibus
 carere, verum etiam illas abominari. Neque tamen
 etiam alias deesse, quamquam priorum respectu perpau-
 cas, quæ vestes illas in papatu repertas adhuc retineant,
 quemadmodum & alia nonnulla mordicus retinent: idque
 propterea, quod de principio reformatores illarum Eccle-
 siarum viri alioqui magni, & servi Dei fidelissimi, non
 ausi fuerint (nam neque illud expedire judicarunt) omnia
 papistica penitus tollere. Verum, ut sit, sua cuique placent.
 Sua autem voco, non tam quæ quisque excogitavit, quam
 etiam quæ sibi quisque ab aliis inventa deligit, accipit, re-
 tinet, persequitur. Si verò accedunt aliorum quoque
 exempla magis ac magis in iis obfirmantur; nec solum
 obfirmantur, verum etiam ut reliquos omnes in suam per-
 trahant sententiam, omnem dant operam: & vocibus ac
 scriptis imo manibus & pedibus nullum non movent lapi-
 dem. Quid igitur futurum sit, si tua S. M. quòd ei à
 nescio quibus suadetur de recipiendis vestibus, & aliis
 papisticis nugis consilium illud admiserit, facile videmus.
 Exemplo enim tuæ S. M. excitati nonnulli homines malè
 feriat, scribent & spargent per totam Germaniam libellos

de his rebus quas adiaphoras vocant; nimirum licere eas admittere: imò quò minus Papistæ à nobis alienentur, atque ita propius ad concordiam accedatur, omnino esse admittendas. Quasi verò papistæ, etiam si nos omnia ea admitteremus concordiz causa, correcturi unquam sint doctrinam, & falsa impiaque dogmata, apertas, abominabilesque superstitiones & idolomanias è suis Ecclesiis profligaturi vel ulla ratione deponituri. Non deerunt igitur, qui talibus libellis si spargantur, respondeant. Ita ex Anglicano isto igne novum quoque in Germania & in Gallia fiet incendium, cui suffundent frigidam Papistæ. Egregium verò beneficium. Quis igitur jam non videat istud consilium non aliò spectare quam ad omnium Ecclesiarum perturbationem? Ad summam verissimum & certissimum longaue experientia probatissimum est aureum illud docti cujusdam viri dictum: Res adiaphoras hoc est quæstionem de rebus adiaphoris esse *τὸ χρῆσις τῆς ἐρίδος μᾶλλον*. Atque hæc de publicæ pacis perturbatione satis. Quid verò de privatorum fidelium conscientiis dicam? eas isto de superinduendis lineis vestibus mandato supra modum turbari res ipsa docet. Conquerentur enim vehementer; ita ut eorum querelæ voces ac gemitus in Germaniam usque penetrent & audiantur. Quam grave autem sit, ideoque ingratum flagitium, piorum conscientias turbare, docet scriptura sancta: partim cum jubet ne contristemus spiritum sanctum, neve pusillos scandalizemus; partim cum graves minatur pœnas iis qui hæc non verentur facere: partim etiam cum exempla sanctorum proponit, atque Pauli, qui sic loquitur. *Si esca, inquit, scandalizat fratrem meum non manducabo carnes in æternum, ut non scandalizem fratrem meum*, Regulam enim iis verbis suo exemplo tradit generalem ex doctrina Christi desumptam, nempe nullam rem adiaphoram esse admittendam, nedum aliis urgendam, multò verò minus edicto mandandam, si in ea admittenda, urgenda, mandanda, animi bonorum & conscientiz fidelium offendantur. Res enim pretio-

fiffima est & Deo carissima, tenella, Deique timens con-
 scientia. Quomodo igitur probari potest consilium de lege
 vestium sacerdotalium in ministerio utendarum per Regi-
 um mandatum edicenda? Nam (ut multa in pauca con-
 traham) si sunt hujuscemodi vestes fidelibus proponendæ,
 aut proponendæ sunt ut adiaphoræ, aut ut necessaria: Si
 hoc, impiè nos facimus, quod quæ Christus voluit esse li-
 bera, nos ea faciamus necessaria. Si illud, relinquendæ igitur
 sunt liberæ Ecclesiis. Jubendo autem & cogendo, ex libe-
 ris facimus necessarias, atque ita in idem facinus delabimur.
 Deinde aut sunt à Deo per Moysen institutæ, aut sunt per
 Christum, Deum sc. in carne manifestatum traditæ, aut per
 Spiritum sanctum in Apostolis agentem & loquentem or-
 dinatæ, aut sunt ab hominibus vel piis vel impiis. Quæ à
 Deo per Moysen institutæ fuerunt ceremoniæ, & leviticæ
 vestes, illæ omnes ex voluntate Dei finem habere debuerunt
 post Christi mortem, ut passim in scripturis præsertim in
 epistolis Pauli ad Colloss. & ad Hebræos liquidò apparet.
 Quare revocari non possunt sine transgressionem voluntatis
 divinæ. A Christo fuisse traditas dici non potest, cum
 nullum de hac re exstet verbum, sed contra potius non
 semel omnium Mosaicarum ceremoniarum finem venisse;
 disertè docuit. Idem de Apostolis dico & ajo. Reliquum
 igitur est, ut dicantur esse ab hominibus. Si piis aut ad æ-
 dificationem, aut ad ordinem, aut ad decorum fuerunt ab
 illis institutæ. At nunc, neque ad ædificationem faciunt
 hoc est ad promovendam pietatem, sed contra potius ad
 ejus spectant eversionem, ut antè visum est. Neque ad
 ordinem ullum bonum, sed potius ad *ἀτάξiam*. Sic enim
 confunduntur pii cum impiis Episcopi, cum tamen etiam
 vestimentis ut alteri ab alteris discernantur, æquum sit.
 Nec denique faciunt ad decorum sponsæ Christi, quem-
 admodum paulò ante à nobis demonstratum fuit. Non
 sunt igitur nobis admittendæ. Quæ verò ab hominibus
 Spiritu Dei destitutis inventa sunt, ea nihil ad nos. Deni-
 que Apostoli iis vestimentis usi non sunt. Nullum enim
 authenticum habemus testimonium. Est autem Ecele-
 sia,

ſia, ſicut in Doctrina, ſic etiam in ceremoniis, & in veſti-
mentis ad illius Eccleſiæ Apoſtolicæ regulam, informanda.
Quorſum igitur hæ veſtes in Eccleſia? Cujusnam autho-
ritate probari poſſunt? Quæ utilitas, quiſve ſalutaris
uſus ex iis accedere poteſt populo Chriſtiano? A nobis verò
contra demonſtratum eſt iis pietatem labefactari, purum
Dei cultum violari, Papisticam ſuperſtitionem paulatim
revocari, pios offendi, impios in ſuis impietatibus con-
firmari, imbecilles in fide in diſcrimen ſalutis conjici,
occaſiones multorum malorum dari, Monachos & alios
Papisticos concionatores ad ſuos in ſuperſtitione confir-
mandos juvari, iram Dei adverſum nos provocari, quæ
Deus deſtructa vult, ea à nobis reædificari, totam Eccleſiæ
faciem commaculâri & dedecorari, contra honeſtas leges
de non induendis exoticis veſtimentis turpiter peccari,
atque ita totam Eccleſiam dehoneſtari. Ad hæc pu-
blicam Eccleſiæ, imo multarum Eccleſiarum pacem
turbari, Epiſcopos inter ſe committi, piorum con-
ſcientias gravari, & animos bonorum offendi, Spiritum
in illis ſanctum contriſtari, denique pomum *ipſos* in
menſam deorum projici.

Quid ad hanc tam nervoſam Epiſtolam Du-
rellus? ait, pag. 265. conſcriptam fuiſſe ex man-
dato Principis Palatini quumque regina in
ſuâ perſiſteret ſententiâ, Zanchium iudicaſſe,
aliâ conſcribendam eſſe epiſtolam ad aliquot pru-
dentiores Epiſcopos, ipſoſq; rogandos eſſe ut reliquis au-
tores ſint, ne ſi regina amoveri nullo modo poſſit
a ſententiâ, ipſi propterea ſuas deſerere malint ſtatio-
nes, quam edicto Regio obtemperare: quis vero niſi
emoræ plane mentis credat hâc ratione eludi
aut deliniri tam diſertum teſtimonium? Zanchi-
us argumentis non evertendis evicit res de qui-
bus controverſia movetur non poſſe ſine im-

pietate præcipi a Regiâ Majestate, at quum ani-
 mum subiret omnes subscriptionem renuentes
 gradu suo submovendos, beneficio privandos,
 cum uxoribus & liberis omnibus injuriis, &
 miseriis exponendos esse, suavit ministris ut
 mandato Regio potius obtemperarent quam
 loco cederent. Ergo Zanchius, si in vivis es-
 set pro ceremoniis Anglicanis sententiam fer-
 ret. Ecquis ita disputantem ad anticyras non
 relegaret? At saltem in illâ ad Juellum epi-
 stolâ fatetur Zanchius posse bonum virum Re-
 gio mandato de rebus hisce usurpandis obtem-
 perare recte *sed cum legitimâ protestatione, &
 si doceatur populus cur, & quâ lege tali sit à se ob-*
temperatum mandato. Quid ergo num ferent
 Prælati ut conformitati legitimam protestatio-
 nem præmittamus? num patientur ut doceamus
 populum ceremonias nostras inutiles esse?
 num sinent ut quis dicat vestem albam non
 recte revelli in Ecclesiam, assumi tamen ab eo,
 ne à ministerio amoveatur? hæc si non ferent,
 non patientur, non sinent Prælati, quorsum
 autoritate Zanchii urgemur? sed si liceat scri-
 bere quod sentio, non video quâ locum habere
 possit hujusmodi protestatio, esset enim facta
 contraria, quia subscriptione & declaratione
 profiteretur quisq. assensum & consensum non
 fictum omnibus, quæ in libro liturgico conti-
 nentur, at præbere assensum & consensum,
 & tamen credere quod obedientiam & usum ce-

„remo-

remonjarum solum spondeat, est dolo malo, uti. Non sum nescius aliter sentire plurimos e-munctæ naris Theologos, eo quod in præfatione ad declarationem hæc occurrant, Unusquisque declarabit assensum suum & consensum ad usum omnium in libro liturgico contentorum & præscriptorum. At salva Viris eruditissimis reverentia judicandum est de sensu declarationis ex verbis quibus concipitur, non ex præfatione præambulâ. Aliter nemo judicandus esset assensum & consensum præbere libro de ordinandis Episcopis, Presbyteris & Diaconis, quia istius libri non meminit præfatio, ut nec Psalterii Davidici. Deinde si approbatio non exigatur, quid opus erat Diaconos ad hanc declarationem faciendam obligare qui in ordinatione nullas omnino habent partes. Denique quid est quod spondent præfecti collegiorum qui sacris ordinibus non sunt initiati usum sine dubio non spondent, ipsis enim preces pro Ecclesia offerre nefas est, at ut ipsi approbationem spondeant aliis obedientiam & usum tantum spondentibus vehementer absurdum est. Quid plura? in inferiori domo Parliamenti disceptabatur an permittendum esset Ministris ut declarationem de solo usu exponerent & conclusum tandem istam interpretationem nullatenus admitti debere, nec tanta pollet Episcopi potestate, ut admittere possint exceptiones, limitationes, distinctiones quæ destruunt sensum legumlatorum. Quæ-

Quæres quî factum sit, quod nihil valuerint apud Serenissimam Elizabetham, vel Potentissimi Jacobi, vel Celeberrimi Zanchii literæ? Respondeo. Quia res Ecclesiasticas arbitrio Whitgisti, hominis cedere nescii, in solidum permiserat. Huic uni debebant miseras suas Nonconformistæ: petierunt ab eo consiliarii secretiores per literas ne summo jure ageret, Anno 1587. missa est à domo inferiori Parlamenti ad Dynastas petitio quæ postulavit ne teneantur Ministri juramentum ullum præstare quod per statuta Regni non præscribitur expresse, excepto juramento contra Simoniam, ne quæ iis creentur molestiæ ob omisso aliquot ritus aut portiones præscript: in libro Lit: ut omnes suspensi aut deprivati ob solam non subscriptionem restituantur, & ne liceat Episcopis excommunicare, ex mero officio pios & doctos Concionatores, nullius notorii criminis, aut manifestæ heterodoxiæ convictos.

At in Ecclesiis Lutheranis albarum vestium usus obtinet, hoc ad nauseam usque inculcat Durellus: sitque quod per me licebit Ecclesiis istis suus honos, audiatur interim de iis „ *Henr. Altingius* pag. 148. tota illa cerimonia-
 „ rum pompa pro quâ non aliter quam pro aris
 „ & focis digladiantur, ex papatu est, a quo
 „ utut in Doctrinâ secessionem initio faceret
 „ Lutherus, ceremonias tamen retinuit: po-
 „ stea cum ipso in Pathmo suo latitante, Caro-
 „ losta-

„ Iostadius hortatu aliorum reformationem ri-
 „ tutum aggrediretur, Domumque Domini ab
 „ instrumentis idololatricis repurgare incipe-
 „ ret, Lutherus ambitione magis quam justâ
 „ ratione impulsus, totum factum damnavit;
 „ instrumentaque destructa jam restituit, reli-
 „ cta confirmavit; licet & tum, & postea, &
 „ jam omnia ad Apostolicam simplicitatem re-
 „ vocanda dicitaret, quæ verò a magistro ac-
 „ ceperunt discipuli, eadem ipsi servarunt,
 „ non tantum quod discedere a placitis ejus ip-
 „ sis religio esset, sed etiam ut ob discrepan-
 „ tiam rituum, justior graviorque facti schis-
 „ matis causa videretur. Verè & ingenuè agno-
 „ scit vir Doctus *Luthero* semper in votis fuisse, ut
 „ omnia ad simplicitatem Apostolicam revoca-
 „ rentur. Nam cum quidam consultum esse pu-
 „ tarent, ut coactâ Synodo de ceremoniarum in
 „ omnibus Ecclesiis conformitate certi quid de-
 „ cerneretur ab eorum sententiâ abhorre-
 „ bat: mihi, inquit non satis tutum videtur
 „ concilium ex nostris cogi pro unitate ceremo-
 „ niarum statuendâ, est enim, res mali exem-
 „ pli quantumvis bono zelo tentata, ut probant
 „ omnia Ecclesiæ concilia ab initio, ita ut &
 „ in Concilio Apostolico fermè de operibus &
 „ traditionibus, magis quam de fide tractatum
 „ sit, in posterioribus verò nunquam de fide,
 „ sed semper de opinionibus & quæstionibus
 „ disputatum, ut mihi conciliorum nomen pe-
 „ nè

„ nè tam suspectum & invisum sit, quam no-
 „ men liberi arbitrii. Si una ecclesia alteram
 „ sponte non vult imitari in externis istis, quid
 „ opus est conciliorum decretis cogi quæ mox
 „ in leges, & animarum laqueos vertuntur?
 „ imitetur ergo altera alteram liberè, aut suis
 „ moribus sinatur frui, modo unitas spiritus salva
 „ sit in fide & verbo, quantumvis sit diversitas
 „ & varietas in carne & elemento mundi. Vi-
 „ deatur Tom. 2. Epist. pag. 243.

Norunt etiam omnes, *Confessionem Augustana-*
nam a Luthero delineatam, & septemdecem ar-
ticulis comprehensam fuisse, quorum articu-
lorum ultimus, referente Sculteto in Anna-
libus, sic se habet. Quod ceremonia Ecclesiasti-
ca, pugnantes cum verbo Dei sunt abolenda: cate-
ra autem libera permittantur, ut iis vel utamur, vel
non utamur secundum normam dilectionis: ne leviter
absque gravi causâ scandalum aliis præbeatur: & com-
munis pax sine necessitate turbetur.

Hic articulus videtur Philippum valde exer-
 cuiisse, hinc nata disputatio de traditionibus hu-
 manis agitata per literas (quarum meminit Pe-
 zelius pag. 115. & c.) durantibus comitiis Augu-
 stanis 1530. Melancthon posuerat tres casus in
 quibus sensisset traditiones licite condi posse unde
 sic argumentatus est, *Traditiones tales sunt lici-*
tae, & sunt mandata a potestate, ergo necessario ob-
servanda sunt. Cogimur enim fateri quod Episcopi
jure humano sint potestates. Respondit Lutherus
 inter

Inter alia hæc duo Episcopus ut Episcopus, nullam habet potestatem super Ecclesiam suam traditionis, aut ceremonia imponenda, nisi consensu Ecclesie, vel expresso, vel tacito. Quia Ecclesia est libera, & domina, & Episcopi non debent dominari fidei Ecclesiarum, nec invitas onerare aut opprimere, sunt enim Ministri & æconomi tantum, non Ecclesia domini si autem Ecclesia consenserit, ceu unum corpus cum Episcopo, possunt super se imponere quicquid volent, salvâ pietate. Rursum etiam pro arbitrio omittere. Sed hanc potestatem Episcopi non querunt, volunt dominari, & in suo arbitrio solo omnia habere. Hoc nobis non est concedendum, nec ullo modo participandum huic iniquitati, & injuria, seu oppressioni Ecclesie & veritatis. 2. Episcopus, ut Princeps, multo minus potest supra Ecclesiam imponere quidquam, quia hoc esset prorsus confundere has duas potestates, & tum esset vere Allotriepiscopus, & nos si admitteremus eum, tum essemus paris sacrilegii rei. Hic potius est moriendum, quam hanc impietatem, & iniquitatem committere. Loquor de Ecclesia, ut Ecclesia distinctâ jam à civili potestate. Philippus obsecrat ut non de efficiente causâ traditionum, sed de finali respondeat. Duplicat Lutherus 3. Augusti. Nullum opus cum sit, quod traditio de novo instituere possit, consequens est, ut opus jam divinitus præceptum apprehendat, & veluti prædicamentum substantia præsupponat, quod postea solenniter, ut ajunt, vestiatur quantitate, qualitate, ubi, quando, ad aliquid, ut gratias agere est

est opus traditionis, imo non traditionis, sed præcepti Divini. Fit vero traditionis, dum ea dictat, hac hora, hoc loco, hac voce, tanta mora, hoc habitu, hoc gestu volumus hoc efficere. At hac prædicamenta accidentium, in operibus suis Deus voluit esse libera, & vera accidentia, nequaquam vero substantiam. Iam redit Disputatio ad circulum suum, quod nec ipsa accidentia ullus potest aliis imponere, nisi iussus, & ut causa efficiens, a Deo vocatus, sicut dicit: Si quis loquitur, & ministrat, tanquam verbo & virtute Dei. Nihilominus Melancthon cum hanc confessionem exasciaret, & in formam redigeret, ita omnia ad Pontificiorum sensus accommodavit, ut eâ ratione magnam sibi apud suos conflaret invidiam, nullum detrectavit onus, quod sine scelere suscipi possit, ritus omnes qui videbantur à *Antiquis* promisit suos communiter cum Papistis servaturos, nec hoc male, nisi quod præ nimio pacis studio, & innata ingenii timiditate, omnia fere in indifferentium classe collocaret, adeo ut Calvinus eum hac de re acrius moneret in Epist. ad Melancthonem, &c.

„ Ego nunc te apud te ipsum accuso, ne iis, qui
 „ absentem damnant, cogar subscribere? hæc
 „ tuæ defensionis summa est, modò retineatur
 „ doctrinæ puritas, non esse de rebus externis
 „ pertinaciter dimicandum; atqui si verum est
 „ quod pro certo passim asseritur, tu res medias
 „ & indifferentes nimis longe extendis, cultum
 „ Deum mille modis apud Papistas ad u teratum
 „ non

„ non ignoras, corruptelas, quæ minimè to-
 „ lerabiles erant sustulimus, nunc impii, ut
 „ de subactō Evangelio triumphum agant, eas-
 „ dem jubent restituere; si quis recusare non
 „ dubitet, hocine pertinaciæ ejus ascribes?
 „ id vero a tuâ modestiâ quam alienum sit novi;
 „ tu si ad cedendum fuisti mollior, id tibi a
 „ multis vitio verti, non est quod mirere.
 „ Adde quod rerum quas tu medias facis, quæ-
 „ dam cum verbo manifestè pugnant; nimis
 „ præcisè fortassis quædam alii urgent, atque
 „ ut in contentionibus fieri solet, odiosè quædam
 „ exagitant, quibus non inest tantum mali:
 „ verum si quid in rebus divinis intelligo, tam
 „ multa papistis abs te concedi non oportuit,
 „ partim quia laxasti quæ verbo suo Dominus
 „ astringit, partim quia protervè Evangelio
 „ insultandi materiem dedisti. Hactenus Cal-
 „ vinus. Mihi, dum *Melancthonis* Epistolas lego,
 „ plura occurrunt loca, e quibus constat virum
 „ mitem *lineam vestem* tolerasse potius quàm ap-
 „ probâsse, non favit *Gabrieli*, & *Diacono*, qui
 „ contendebant esse *idolatriam*, & *desertionem*
 „ *veritatis*, *lineam vestem induere*, sed nec judica-
 „ vit ob hunc ritum *deserendam esse Ecclesiam*; hor-
 „ tatur interim Aulam ne hâc de re mandatum
 „ fiat, & inter ineptias, vel veriùs onera repo-
 „ nit. Cogita, inquit, Epist. pagina 106.
 „ Utè malè faciat, an ille durus & horridus, qui
 „ ut retineat laudem constantiæ, mavult eccle-

„siam deferere, quam vestem mutare, an
 „verò *patientior servitutis*, qui ut profit Eccle-
 „siae, sustinet onera quamvis ingrata, sed si-
 „ne impietate. Et pag. 134. Fateor me sua-
 „sisse Francis & aliis ne desererent Ecclesias
 „propter *Servitutem* quæ sine impietate sustine-
 „ri possit, nam quod Illiricus vociferatur,
 „potius *vastitatem fuisse faciendam in templis*, & me
 „tu *seditionis terrendos principes*, ego ne nunc
 „quidem tam tristis sententiæ author esse ve-
 „lim, alia *onera* multo duriora quàm linea ve-
 „stis est, sustinere nos studiorum & Ecclesiae
 „causâ, manifestum est. Pagina 357. Et ocu-
 „li & animi hominùm offenduntur crebris præ-
 „sertim mutationibus rituum in templis, ac
 „initio Lutherus *vestitus ineptias* etiam tulit, ne
 „novitas seu morosis, seu profanis, sermo-
 „nes præberet. Judice ergo Melancthone
 vestis linea, Ecclesiis Lutheranis, oneri erat
 magis quam ornatui, imo laudat Clarissimus
Voetius in Pol: Eccl: p. 410. duas *Melancthonis* li-
 teras ad *Illiricum*, in quibus profitetur pœnitent-
 tiam de nimia suâ in ritibus aliisque concessione
 & *omniæ* ad principalem reformationem in
 Ecclesiis obtinendam; literas hasce mihi non-
 dum contigit legere integras, sed ex earum unâ
 quæ huc faciunt excerptis celeberrimus *Hoorn-
 bekius* de Lutheranismò. Dum moras proro-
 gant operæ, per opportune accidit, ut oculos
 conjicerem in Consilia Theologica Melanctho-
 nis

nis part. 2. in quibus reperio Epistolam ejus ad Illyricum, datam Anno 1556. 4. Sept. in quâ exerte fatetur vir pius peccatum à se esse, & à Deo veniam petit, quod non procul fugit illas insidiosas deliberationes de mediis ritibus, ostendit quam probris omnibus ab Aulicis lacertus fuerit, quos ait initio ritus externos in ordine lectionum, festorum, vestitus, nominasse *ἀδιαφορα*, reperio etiam responsiones ejusdem ad Pastores Saxonicos, & ad Johannem Albertum Ducem Megapolensem, quibus transcribendis supersedeo, ut tu cogare librum Pezelii tibi comparare, est enim dignus in quo septimanam unam aut alteram ponas, tum quia responsiones Melancthi. ad quæstiones de rebus variis diggerit secundum seriem annorum, tum quia historiam plurimorum Conventuum Theologicorum complectitur.) Quid unum Melancthonem refero? universa Acadamia Wittebergensis in expositione quam ex actis Synodicis compilavit, & edidit Anno 1559. aperte profitetur, *Adiaphora* admissa (N. B.) esse cum Imperator receptionem Libri Augustani dicti Interim pertinacissimè urgeret, & metus esset ne, si non restituerentur ritus, penitus vastarentur Ecclesia, cumque postulationi principis refragari non liceret. Et tamen rebus sic stantibus Pomeranus de lineâ veste plura promittere noluit, quam a pastoribus sua inspectioni subditis bonâ eorum cum gratia impetrare possit. Verba Wittebergensium de suis Theologis hæc sunt,

„ cum repetivissent iterum atque iterum reje-
 „ ctionem ac refutationem impietatum libri
 „ Augustani , & coram Electore Mauritio
 „ mutationem in adiaphoris omnem multoties dissua-
 „ sissent, & essent deprecati : Elector verò Mau-
 „ ritius constanter se nullam facturum mutatio-
 „ nem ullius rei necessariæ ostenderet, sed in rui-
 „ bus adiaphoris velle se sua conscientia causâ præstare
 „ obedientiam Imperatori, quatenus cum pietate
 „ & religione ad Deum possit; moti ergo salute
 „ harum Ecclesiarum, (N.B.) cesserunt ei, cen-
 „ suerunt hanc potius servitutem ferendam, quam
 „ aut desertione vastandas, aut seditione com-
 „ movendas Ecclesias; addiderunt disertè se
 „ hâc sententiâ (N. B.) consulere imbecilliori-
 „ bus, non statuere modum zelo confirmatorum, &
 „ robustiorum, si qui essent, qui experiri adversa-
 „ tiones suo loco, & suo cum periculo, non alieno,
 „ quam cedere mallent, ferendo servitutem non im-
 „ piam. Ecquis non videt quam prorsus contra-
 „ rius sit præsulum nostrorum spiritus, spiritui
 „ quo acti sunt Wittebergenses? hi summis co-
 „ natibus enitebantur, ne linea vestis, aliaque fal-
 „ so dicta adiaphora mandarentur, illi Regem
 „ Senatumque ἀδελφῆταις interpellarunt, ut ju-
 „ gum hoc cervicibus ministrorum imponere-
 „ tur. Quumque emissa esset declaratio regia
 „ quæ spem fecit alicujus relaxationis, literis suis
 „ Senatores rure tunc temporis agentes sollici-
 „ tare non destiterunt, ne quid de rigore statuti
 remitt-

remitterent. Wittebergenſes laudant zelum illorum qui experiri adverſationes maluerunt, quam ferre ſervitutem, noſtri præſules omnibus qui cedere nolunt aquâ & igne interdunt, tantum abeſt, ut inter confirmatiores & robuſtiores eos numerent.

Sciat Durellus, parum nos morari, veſtis quâ in divinis celebrandis utimur, alba ſit an atra, neque enim colore offendimur, ſed ſignificatione myſticâ, ritus autem ſignificativos damnant Lutherani, pateſcit hoc è confeſſione Wittebergenſi. „ Non licet veteres ritus le-
 „gis reſtaurare, vel novos comminiſci, ad
 „adumbrandam veritatem Euangelio jam pate-
 „factam & illuſtratam, quales ſunt interdum
 „accendere cereos ad ſignificandam Lucem
 „Euangelii, aut uti vexillis crucis ad ſigni-
 „ficandam victoriam Chriſti per crucem, quod
 „genus eſt univerſa panoplia veſtium miſſa-
 „lium, quam ajunt adumbrare totam paſſio-
 „nem Chriſti. Imo in eſteticis ſuis proſitetur
Whitgiftus ſibi non placere, ut inſtituatur ve-
 ſtis ad ſignificandam puritatem, & tamen in
 præſatione ad librum Liturgicum exerte dicitur,
*hanc ceremoniam eſſe ſignificativam, & ap-
 tam ad hominis ignavum animum excitandum*, quo
 nihil fermè auguſtius dici poſſit de duobus novi
 fœderis ſacramentis.

Ne ſim nimius: nos Lutheranos judices non
refugimus modò ſuis principiis velint ſtare,

in Confessione enim Augustanâ ajunt, „ Sen-
 „ tiendum esse de rebus Ecclesiasticis, quod
 „ sint res indifferentes, quæ extra casum scan-
 „ dali omitti possunt. Et in *Formulâ Concor-*
 „ *diæ*, controversiam de rebus adiaphoris sic
 „ declarant, si quando talia sub titulo & præ-
 „ textu externarum rerum adiaphorarum pro-
 „ ponuntur quæ licet alius iis color inducatur,
 „ revera Dei verbo adversantur, ea nequaquam
 „ pro rebus adiaphoris habenda, sed tanquam
 „ verbo Dei prohibita, vitanda sunt. Et sanè
 „ inter res adiaphoras non numerandæ sunt
 „ tales ceremoniæ (N. B.) quæ speciem quan-
 „ dam præ se ferunt, aut quibus simulatur,
 „ quasi nostra religio a Pontificiâ non multum
 „ distaret, aut certè quasi ab eâ non admodum
 „ animus noster abhorreret, aut cum ejusmo-
 „ di ceremoniæ in eum finem restaurantur,
 „ & earum restauratio ita accipitur, quasi hoc
 „ ipso duæ illæ dissentientes religiones jam in
 „ unam redactæ essent, atque in unum corpus
 „ coaluissent, aut cum periculum est, ne vi-
 „ deamur rursus ad papatum accessisse, & a
 „ sincerâ Evangelii doctrinâ, recessisse, vel
 „ recessuri paulatim.

Duo adjicio. 1. superpelliceum apud nos
 imponitur non sine opinione necessitatis, cum
 enim casu quodam deperderetur hoc indu-
 mentum, decrevit Ordinarius ne in templo per
 duo Sabbatha celebrarenrur Sacra, & hodiè

urgetur hæc ceremonia etsi hæc ratione Ecclesiæ vel prorsus viduentur pastoribus, vel repleantur pastoribus nihili, *quorum brevi brachium arescet, & oculus dexter omnino caligabit.* 2. Ufu hujusce vestis ingeneratur in animis utentium superstitiosa opinio; erat non ita pridem apud *Trinobantes* Doctor non incelebris, qui asseruit *illicitum esse, superpelliceum lacerum pauperibus largiri, & suavit paræcianis ut id in cineres redactum in urnâ reponerent, & sub altari sepelirent:* quæ cum ita sint applicentur huc illa quæ in libro *Liturgico* extant, *cur ceremonia quadam aboleantur, quadam retineantur, & non erit cur ulterius hæc de re disputemus.*

Pergamus: In libro liturgico post recitatam orationem Dominicam adduntur perbreves quædam precatiunculæ, ad quarum finem præcipitur, ut omnibus erectis repetatur partim a presbytero partim a plebe *Doxologia Gloria Patri &c Sicut erat in principio &c.* eadem repetenda est etiam ad finem *invitatorii* quod vocant (i. e.) *Psalm. 95. nec non ad finem cujuslibet Psalmi per totum annum, ut & Canticorum Benedictus, Benedicite, Magnificat, & nunc Dimittis.* Nunquid & hoc in usu Ecclesiis aliis reformatis? imo inquit *Durellus pag. 41. Ecclesiæ Polonia & Lithuania, nec non Hungaria & Transylvania habent suos hymnos, quorum vel plerique vel saltem aliqui clauduntur hæc Doxologiâ.* Benè habet, nec gravarentur opinor *Presbyteriani* si idem &

in nostris Ecclesiis obtineret mos. At : 10. Ne scimus quid sibi velit quod repetenda sit hæc Doxologia ad finem precum quarundam, & Psalmorum istorum in quibus nihil omnino est *de lætitia*. E missali Romano quod evulgavit Pius V. & recensuit Clemens VIII. discimus, in missâ pro defunctis non cantari vel Gloria patri, vel Hallelujah: quid ita? quia istis significatur lætitia, at missâ pro defunctis, revocat nobis in memoriam tristitiam quâ egredimur & ingredimur mundum mortales: hæc ratio si quid valeat, incongruum profectò (nè quid durius dicam) erit hanc Doxologiam decantare, & recitare ad finem Psalmorum istorum qui e lamentationibus toti constant.

20. Non videmus quâ Doxologia hæc quoties vel decies recitari possit in eodem Officio sine insigni violatione præcepti de vitandâ Batrologiâ Math. 6. 6, 7, 8.

30. Non probamus illam assurgendi quoties hæc Doxologia recitatur consuetudinem, neque enim vel in scripturâ, vel in puriori antiquitate fundamentum habet, formula hæc sacrosanctam Trinitatem laudandi, vel Hieronymi est, vel Hieronymo fortasse an aliquanto antiquior, at ut omnes consurgant quoties hæc formula usurpatur, mera innovatio est a Concilio Gallicano Senonensi An. 1528. primum instituta, & eum in finem instituta, ut sacerdos & populus caput cruci commodius inclinarent,

40. Non

40. Non videmus cūr alternatim & per modum Antiphonæ pronuncianda aut cantanda sit hæc Doxologia. Antiquitus non ita consuevit fieri, de Leontio enim Athanasii *ὁμολογία* legimus, quod totam Glorificationem tacitus secum recitavit, adeo ut qui cum eo erant solum hanc particulam in sæcula sæculorum audirent. Theod. Eccles. Hist. lib. 2. cap. 24. At hoc fieri non potuit, siquidem tunc temporis in recitatione hujusce Doxologiæ, æquales fuissent Episcopi, & plebis partes.

50. Denique explicet nobis si possit Durellus quare Episcopi nostri, qui tam efficitim ardent hanc Doxologiam dictam *Gloria patri*, ut ad finem omnis Psalmi eam adhiberi jubeant, de Doxologiâ tamen Dominicâ quæ extat Math. 6. 13. adeò non sint solliciti, ut recitetur illa necne nihil omnino curent, imò in *Grandi Certamine* scribere non vereantur, illa verba in *Luca Evangelio* non occurrere, neque in antiquis Exemplaribus *Mathæi*, & proinde dubitari posse an sint pars Evangelii, p. 84.

Præcipitur etiam vel saltem expectatur ut consurgant omnes dum recitantur Evangelia quæ vocant. Quà quæso ratione? Papæ mancipia solent recurrere ad *Clementis constitutiones Apostolicas* in quibus hæc de re extat mandatum: at nemo est opinor inter reformatos qui spurias istas constitutiones non fastidiat, quæ tamen si recipiantur Hierarchicos nostros nihil juvant:

Evangelium enim in istâ constitutione significat secundam lectionem, sive quodvis caput ex Evangelistis desumptum, neque laici nostri quod ibi præcipitur cum magno silentio, sed cum magno strepitu assurgunt, clamantes *Gloria sit tibi Domine*. Idem dici potest de decreto Analtatii An. 404. *Evangelia significant omnia Domini servatoris nostri verba, non ea quæ in liturgiâ Anglicanâ Epistolis contradistinguuntur*. Imo (quod utinam attenderent Ceremonialistæ) in decreto illo non dissimulat Papa quosdam sacerdotes tunc temporis audivisse servatoris verba non stantes, sed sedentes, & narrasse ex Majorum traditione sese hoc accepisse. Si Durellus sit Episcopis nostris a secretis ostendat, quare Epistola ante Evangelia legantur, quare cum Epistola ab antiquis sæpius dicantur Evangelia, & ab eodem Spiritu dictata fuerint, minori cum reverentiâ aut attentione legenda & audienda sint, quam Evangelia.

Quia genuflectio ad nomen Iesu præcipue urgetur inter legenda Evangelia, non abs re erit de istâ ceremoniâ hic loci aliquid admonere: non præcipitur ea in libro Liturgico, sed in constitutionibus, & canonibus commendatur, & in visitationibus vulgò inquiritur observetur nec ne? Presbyterianis iste ritus displicet vehementer, nam.

10. Omni authoritate Sacræ Scripturæ destituitur, scio vulgò adduci Phil. 2. 10. At plures, quam ridiculi sunt Sorbonici sophistæ, qui ex præsentis hoc loco colligunt genuflectendum esse

esse quoties nomen Jesu pronunciatur, quasi
vox esset magica quæ totam in sono vim habe-
ret inclusam, satqui de honore loquitur Pau-
lus qui filio Dei, non syllabis exhibendus est,
ait Calvinus, & celeberrimus Wittakerus in
præf. ad resp. ad Sanderi demonst. de Anti-
christo, inter ridiculas Papistarum consequen-
tias hanc annumerare non veritus est. Christo
nomen datum est supra omne nomen, ut in
nomine Jesu omne genu flectatur, ergo
quoties Jesu nomen auditur, capita nudanda
& genua flectenda sunt Christo.

*At omnes antiqui (uno Origine excepto) textum
hunc literaliter exponunt.*

R. Nihil familiarius Hierarchicis quam con-
sensum totius antiquitatis crepare, at ego nul-
las infamiae notas recuso, si vel unus ex patri-
bus exposuerit locum illum de honore ullo, vel
exhibito, vel exhibendo ad dulcissimum illud
nomen *Iesu*; agnoscit hoc vir in Patribus versa-
tissimus Johannes Loyd in tract. de *Episcopatu,
Liturgiis, Ceremoniis* pa. 45. Agnoscit Valsquez in
p. 3. q. 25. disp. 111. Ex hoc loco non posse con-
cludi honorem illum exhibendum esse verbo,
Iesus. Quia tamen placuit Johanni Ellisio,
infami Apostatae, in *retractationibus suis* p. 197.
Sanctum Hieronymum in suffragium vocare, &
ex ejus testimonio concludere eos qui ad recitatio-
nem hujusce nominis non genuflectunt, reos esse vel
infidelitatis Iudaicae, vel mentis superbia, Hiero-
nymi

nymi locum integrum transcribere non pigebit; sicigitur ille ad Isaia cap. 45. v. 23. Hoc jurat quod idolis relictis omne genu ei flectat, cœlestium, terrestrium, & inferiorum; & omnis per eum juret lingua mortalium, in quo perspicue significatur populus Christianus, moris enim est Ecclesiastici Christo genuflectere, quod Iudai mentis superbiam demonstrantes, omnino non faciunt. Sed & omnis lingua cunctarum gentium barbararum, non in Synagogis, sed in Dei Ecclesiis confitetur. Profecto nisi pœnitenti huic spes dolosi affulsisset nummi, puduisset eum ex hoc testimonio genuflectionem ad recitationem nominis Jesu colligere, nam per totum testimonium nomen Jesu nunquam occurrit, dicit Pater moris esse Ecclesiastici Christo genuflectere, non dicit moris esse Ecclesiastici, ad nomen Jesu genuflectere.

2. Hic ritus Ecclesiis transmarinis (reformatas intelligo) non est in usu. De Ecclesiis Belgicis & Gallicanis res est notissima: de Bohemis audiatur Johannes Lasitius cap. 13. lec. 3. ad mentionem nominis Jesu animos non genua flectunt, corda sua non capita aperiunt, ne crebro corporis motu tam docentis quam discantium animi perturbentur, ne Iesus, ut vulgò fit, tantum ad solam ipsius nominis vocem coli videatur.

Objicit Durellus pag. 34. in Ecclesiis Lithuania & Polonia moris esse ut qui induerunt capita inter concionandum, exuant quotiesunque nominatur Iesus, Fœmina vero siquidem sedentes audiant illud nomen,

men, inclinant caput, sin stantes, totum incurvant corpus: idem fit in Ecclesiâ reformatâ Bremensi, nec non a quibusdam idem fiebat in Palatinatu.

Fit hoc, sed a quibus? non credo a pastoribus aut superintendentibus, nec eorum suasu, sed ab imperitâ plebe, quæ solet ad omnem sternutationem caput aperire. (Interim fatetur incautus Durellus non insolens esse concionem audire capite induto) Rectè Joh. Brentius Lutheranus non incelebris in Epist. Pauli ad Phil. Quod autem Paulus ait, ut in nomine Iesu omne se genu flectat &c. non sic intelligendum est quod necessarium sit, ut prolato hoc nomine, homines semper externa genua flectere debeant, hac est puerilis ceremonia, & propter pueros usupanda aliquoties.

Addam & illud, dubium esse an in Canonibus nostris locum habeat, non desunt enim qui asserunt illa omnia, quæ legimus de honore exhibendo ad recitatum nomen Iesu malis artibus inserta fuisse in Canones 1603. Majori parte Theologorum nec consentiente, nec approbante, & in ultimâ editione Biblii Anglicani cum interpretes posuissent in the name, fraude Episcopi Andrews deletam esse istam Phrasin, & in ejus loco substitutam At the name.

3^o. Hac genuflexio non potest fieri sine superstitione, vel saltem non sine aliquâ ejus specie: cum enim genuflexio illa adhibeatur in cultu publico, necessum est ut fiat, vel ad orandum, vel ad adorandum.

randum: si fiat ad orandum tum Hypocritæ sunt quotquot recitato illo nomine non orant orationem vel formatam vel ejaculatoriam, si fiat ad adorandum, quæro an adoratio ista sit civilis an religiosa? Civilem nemo dixerit, religiosam, qui dicunt, objectum ejus faciunt, vel personam significatam per nomen, vel nomen significans personam, vel utrumque simul, quodcumque membrum eligatur, sequetur, vel superstitio, vel ejus apparentia talis à quâ abstinere jubemur. Argumentum hoc fulè prosequitur Eruditissimus Voetius Selec. Disp. part. 3. p. 161, 162. *Hujus nominis, Iesus, quando in Concionibus fit mentio, Lutherani capita detegunt, & genua defleunt, aliosque idem non facientes exagitant, superstitiosa est hæc καὶ ἐξ ἰδία ex solo orta nomine Hebraico, ait, Wendelinus Christ. Theolog. pag. 649. Duo attexam, 1. accidit aliquando occasione auditi nominis sive Jesu, sive Mediatoris, sive Servatoris, corda fidelium ita affici ut non possint in aliquem gestum non erumpere, hujusmodi motus adeo non damnamus, ut, absit modo ostentatio Pharisaica, foveamus. 2. Quamvis nolumus nomini Jesu majorem quam aliis nominibus reverentiam exhibere, detestamur tamen impietatem quorundam, ne dicam plurimorum Hierarchicorum vulgarium, qui crebrò hoc nomine abutuntur ad exprimendum vel risum, vel iram, vel admirationem.*

Quod

Quod ad *Letaniam* non diffitemur eam continere petitiones multas sanctas & necessarias, at cum incumbat Ministris Euangelii ut in precando præeant, fidelibus & auditoribus ut mente devotâ attendant, ac præeuntes Ministros cogitatione sequantur, in *Letaniâ* contra sit, vel enim populus eadem pronunciat quæ prius à Presbytero pronunciata sunt, vel presbytero suggerente solam materiam precandi, populus ipsam precationem offert. Quæ consuetudo, quam sit absurda videatur Voet. Eccles. Polit. pag. 482. 483.

Accedamus jam ad Sacramenta, ordinata quidem a Christo, ad fideles uniendos sed a Liturgicis nostris, ritibus additiis in tantum fœdata, ut ea, salvâ conscientiâ, administrare nequeamus.

Ante omnia præmitto *apophthegma* illud, Doctorem Laud cum Archiepiscopus esset Cantuariensis, id summo studio egisse, ut mos venerandi mensam aut altare versus, in Ecclesiam Anglicanam introduceretur, seum in finem mensæ mutantur in altaria, vel saltem ita collocantur in templis, ut certum, & stabilem locum semper obtinerent, & quidem supremum ad parietem a meridie versus septentrionem septo quodam distinctum. Nihil hac in re tentatum esse, quod non in aliis Ecclesiis reformatis fiat, probare satagit Durellus pag. 30. & pag. 31. profitetur se nullos cognovisse excep-
tis

tis novis Scotico-Anglicano-Presbyteris, qui vel questionem unquam moverunt de *ubi*, aut *situ* mensæ Eucharisticæ. At norunt infini subfelli Theologi D^m. Heylin, & D^m. Williams episcopum Lincolniensem (quorum neuter profecto erat Presbyterianus) disputasse vehementer de situ mensæ. Præsbyteriani eâ de re controversiam non movent: Figuram enim & situm mensæ inter adiaphora collocant, nec quicquam aliud requirunt, nisi ut omnes communicantes ad eam commode accedere possint, mensas tamen altariformes, ad orientem, in choro, positas, & clathrorum septo seclusas, cum ecclesiæ nec antiquæ, nec Anglicanæ sub Elizabethâ reformatæ praxi convenire perhendunt: quare ergo in Pocklingtonum, aliosque altarium propugnatores tam acriter invehebantur? non quia vel nomen, vel formam altarium simpliciter damnabant, sed quia metuendum erat, ne si a mensarum vulgarium usu recederetur, ad idololatricam papistarum missam relaberemur: nec vanus erat metus, eò enim deventum erat, ut ejicerentur ex Academiâ qui ad altare non sese incurvarent, ut pro concione dicere non verecundarentur quidam Papaturientes Sacellani, *dari in Eucharistiâ sacerdotes proprie dictos, sacrificia, & altaria proprie dicta.*

At, vanus est omnis hac de re timor postquam in librum Liturgicum inserta est

Ru-

RubricaEdua.VI.contra transubstantiationem.

Ref. Rubrica illa non inserta est a convocatione, sed a Rege, nobilissimisque illis viris qui Regi erant a secretioribus consiliis, convocatio ea novo libro Liturgico illevis quæ papisticam superstitionem redolent. *Prescribitur enim ut panis per aliquod tempus supra mensam ponatur, & reverenter tegatur, item ut si quid panis consecrati supersit non domum deferatur* (quod olim fieri consuevit) *sed a Presbytero, & aliis quos ille advocaverit reverenter in ipso templo edatur.* Si reverenter nihil aliud significaret quam non irreverenter, haud gravaremur assentiri, at cum majus quiddam sonare videatur, suspicamur sub hâc herbâ latere anguem pontificium: Scholastici Papani in eâ sunt opinione, *rei sacra per consecrationem confervi quandam virtutem spiritua-*lem, *& sanctitatem relativam, qua indelebilis est, ut tolli non possit, nisi hanc scabiem insulatis nostris affricuissent, nunquam præcepissent, ut quod reliquum est elementorum in ipso templo, & quidem reverenter consumeretur.* Atego cum ex ephebis vix excesseram didici ex Keckermani Logica cap.de relatione, statim ac panis in usu sacramentali a communicantibus fidelibus amplius non usurpatur cessare sacramentalem relationem, nec quicquam amplius differre a communi alio pane quovis, quam quod sacer fuerit olim, nunc non sit amplius: sicut ex consul non differt a cive privato, nisi quod consul quondam fuerit: itaque superstitiose mo-

taunt, qui tam sollicitè cavent, ne panis & vinum post usum cœnæ Dominicæ reliquum ullum maneat, quin ipsi potius certatim absument, ne quid supersit. Est & aliud unde æstimari possit quanto ardeant zelo adversus Papatum Domini Convocationis nostræ: quidam ex iis librum emisit sub titulo *Ponderum & Mensurarum* in quo *Allegorizans* affirmatur Ecclesiam Pontificiam non esse Idololatricam, imo Schismaticos esse eos, qui ab ea tanquam ab Ecclesiâ Idololatriâ secedunt. Potuitne quicquam jurato Antichristi servo excidere audacius? & tamen scriptorculus ille adeo non suspenditur, ut summis in Ecclesiâ nostrâ fulgeat honoribus. Taceo librum dictum *Parallelum* inter Phantasticos novos & veteres, in quo author Anonymus nominatim perstringit Tyndallum, Latimerum aliosque præstantissimos Christi Confessores, & Martyres: nec veritus est Heylinius in Historiâ suâ de reformatâ Ecclesiâ Anglicanâ in Sacrosanctos Eduardi 6i. manes debacchari, ait enim p. 141. par: primâ eum mala principia imbibisse, & regimen ejus fuisse infortunatum, & in præfatione ad Lectorem profitetur mortem immaturam istiusce principis inter infelicitates Ecclesiæ Anglicanæ non esse numerandam.

Sed ad Durellum meum redeo. ille pag. 32. refert in Ecclesiis Gallicanis majoribus dari ingentes argenteos calices, argenteasque patinas ad celebrandam Eucharistiam, & in sacellis principum Germanorum deaurari ista utensilia: at nihil erat cur
nos

hos hoc commonefaceret, neque enim aurei calices, sed lignei sacerdotes nobis offendiculo sunt; in omnibus fere parâciis nostris, calicibus argenteis usi sumus, at si vel ligneos, vel stanneos, vel vitreos, (qualibus utuntur. Belgæ in ecclesiis minime pauperculis) adhibuissimus, nemini bono eam ob causam cultus divinuseviluisset; modo enim absit sordes, nihil pensi habent *οὐδὲ μέτρος* quam longe recedant a pompâ & typho seculari. Levioribus hisce nimium diu immoratus sum: quæ de communicantibus statuuntur in libro Liturgico, maximam nobis difficultatem creant.

Imprimis non permittitur ut distribuamus elementa nisi genuflectentibus, at non audeamus ob omissam genuflexionem viros pios communione corporis & sanguinis Christi privare; licet enim non faciamus cum iis qui genuflexionem in sacramento recipiendo tanquam Idololatricam damnant, credimus tamen ritum illum neutiquam necessarium esse; imo licitum ejus non ita liquido constare, ut non possint veritatis sincere studiosi eâ de re dubitare. Scoti multis argumentis contendunt genuflexionem Idolatriam sapere, non sunt ista argumenta (quod cum veniâ fratrum jure meritoque dilectissimorum dictum esto) insolubilia, at non omnes Christiani copollent acumine ut iis sint respondendo, nec omnes sunt adeo perspicaces, ut videant, an liceat

cum ritum, quo homines egregiè abusi sunt ad idolatriam, in divinis adhibere, nisi ad eum per jus divinum vel naturale vel positivum obligarentur, multo minus possunt omnes intelligere, an liceat eo ritu uti qui convivantibus vix convenit, & quo Romanenses in suâ Idolatriâ confirmantur. viro etiam bono aqua potest hære, an liceat alio gestu uti ab eo quo usus est Christus; scio hoc argumentum onerari totis plaustris sarcasmodum a doctissimo Sanderfsono, sed os ei obturavit Reverendus Voet. polit. eccles. pag. 820. &c. Cum ergo multi talibus rationibus freti, certo sibi persuadeant, genuflexionem non posse honestari, & petant ut iis vel sedentibus vel stantibus tradantur Symbola, quæritur, an pastores polliceri debeant se talibus Symbola nunquam tradituros? Hic verus controversiæ status est, quem Durellus ne attingit quidem, contentus pag. 46. 47. adducere *exemplum ecclesiæ Bohemicæ, in quâ sacram cœnam sumentes procumbunt in genua*; testatur equidem hoc de Bohemis Amos Comenius pag. 49. Sed addit hoc ab iis fieri, quia per temporum conditionem aliter hætenus non licuit; *maiores quippe Bohemorum Anno 1494. stando communionem introduxerunt, sed excitatâ ob id atrociori persecutione desistere*, (N. B.) *coacti sunt*. Profit Durello cum hac suâ authoritate: appellat etiam consensum Poloniæ. *ibid.* at ego totum illum

illum consensum ruspatus sum, nec quicquam in eo reperio, quod ad præsulum nostrorum salivam faciat. *Hortantur patres, omnes cætus, & fratres in Domino ut sessionem commutent in ceremonias in Ecclesiis Evangelicis per Europam consuetas: quia nempe Arriano Baptista sessione abusi sunt ad paritatem suam cum Christo statuendum, at expresse dicunt sessionem cum cæteris ceremoniis liberam esse, Ego etiam adductus auctoritate huiusce Synodi Wolodislaviensis, obtestor præsules nostros, ut velint genuflexionem in sessionem, vel stationem commutare, quia irrepsit in Ecclesiam nostram occasione, & malo auspicio illorum qui miserrime ex Ecclesiâ Catholicâ exciderunt & fructulum panis adorarunt. Et hoc ipsum factum esse video a Synodo nationali Belgicâ Anno 1578. artic. 69. „ Quandoquidem adiaphorum cen-*

„ semus in usu sacræ cœnæ stare, aut sedere
 „ (genuflexionem excipimus ob superstitionem
 „ & periculum adorationis panis) utentur Eccle-

„ siæ eo modo qui cuique videbiter convenien-

„ tissimus: saltem hoc exorandi sunt episcopi,
 archiepiscopique, ne uniformitatem ita misere
 pereant, ut anathematis fulmine eos feriant,
 qui in hoc gestu ab iis dissentiant, aut diversi
 abeunt. Hoc eo audacius peto, quia in con-

sensu Poloniæ, Patricoviensi Synodo genera-

li, video ceremonias in administratione cœnæ
 Dominicæ liberas relinqui ob hanc rationem
 „ quia vulgus, & homines simplices mutatio-

„ ne rituum offenderentur, & ad ceremonias
 „ suæ consuetudini dissimiles omnino adduci
 „ non possent, ac si cogerentur, eo forsan res
 „ deveniret, ut disciplina Ecclesiastica in eos
 „ extendenda esset, quâ quidem (N.B.) prop-
 „ ter externos ritus homines pios ferire, neque
 „ Domini est voluntas, neque purioris Eccle-
 „ siæ mos. Potuitne rigidissimus Puritanus
 „ quicquam scribere, quod præsulum Anglica-
 „ norum *ἀπολογία* magis sugillaret? esset tamen
 „ hic eorum rigor aliquanto excusatio, nisi in ad-
 „ mittendis ignavis & manifesto impiis nimium
 „ faciles sese præberent. Omnis baptizatus qui
 „ annum attigit decimum sextum, & ab episco-
 „ po confirmatus fuerit, ad sacram cœnam admit-
 „ tendus, imo cogendus est, at quis non mallet
 „ amputari sibi dextram, quam Symbola porri-
 „ gere omnibus sexdecem annos natis, & ab e-
 „ piscopo confirmatis; etsi enim confirmatio
 „ quæ in antiquâ Ecclesiâ obtinuit, utilis ad-
 „ modum fuerit, apud nos tamen otiosa cere-
 „ monia est, cujus capaces sunt omnes qui re-
 „ sponiones in vulgari Catechismo memoriter
 „ repetere possunt; at repeti eæ possunt, & re-
 „ petuntur sæpiuscule ab iis qui mysteria fidei
 „ non magis intelligunt, quam psittacus intelligit
 „ suum *χρῆμα*, nec solet episcopus inquirere, an
 „ qui sese confirmandos sistunt, sint repetendo
 „ responiones catecheticas, omnibus qui in
 „ genua procumbunt imponit manus, & bene-
 „ di-

dicat promiscue, aliquando in privatis ædibus, ut plurimum in Templis, quæ per multa miliaria distant ab Ecclesiâ cujus confirmandus est membrum. Hoccine est in conspectu Ecclesiæ confirmare ea quæ à susceptoribus Baptizati nomine promissa sunt? hoccine est ad exemplum Sanctorum Apostolorum manus imponere? hoccine est experiri an quis possit sese examinare & ad mensam Domini digne sese præparare? Omnis confirmatus ex lege Anglicanâ capax est cœnæ Dominicæ & tamen nihil a confirmando exigitur quod puer triennialis nequeat præstare; quid quod omnibus neogamis, & mulieribus purificatis modo accedant, & vel verbis, vel manu petant, cœna absque delectu distribuenda est, & tamen conjugio copulantur non infrequenter personæ flagitiosissimæ, & purificantur infames meretriculæ.

Dices in Rubricâ & in Canonibus præcipi ne pastor quenquam admittat ad sacram Synaxin publicè & notorie impium.

Resp. præcipitur quidem, sed quænam notorietas sufficit, ut pastor impune quenquam a Sacramento suspendat, non præsumptionis, nec facti, sed juris, per Confessionem factam, vel per sententiam judicis ita exponit Lancelotus Andrews, in notis super Liturgiam, nec sanè nos ii sumus qui ullum ab eucharistiâ prohiberi volumus, nisi vel sponte confessum, vel in aliquo judicio Ecclesiastico nominatum atque

convictum, at cum Gardiani perpauci ſoleant, vel proſtigatiſſimos præſentare, eaque ſit curiarum noſtrarum ratio, ut præſentati potius Cancellario & Registrario ſatisfaciant per feudorum ſolutionem, quam Eccleſiæ per publicam peccatorum Confeſſionem, neceſſario præſbyter, vel proſtituet corpus Chriſti, vel ſegregabit eos a ſacrâ communionem contra quos curia ſententiam excommunicationis non tulit. Porro in viſitatione ægroti nihil ſerè iudicio paſtoris relinquitur, ſi profiteatur ſe ſeriò reſipiſcere, abſolvendus eſt, & ſi adſint vicini, aut cognati ſufficiente numero, ſacrâ coenâ beandus eſt, imo ſi morbo peſtilentiali laboret æger, tum tenetur miniſter ſolus cum eo communicare, at proſecto non abſolvendus eſt quiſquis profiteatur ſe reſipiſcere: nulli enim ad reſipiſcentiam profitendam paratiores, quam ii quos ne unius quidem delicti ſeriò unquam pœnituit. Dici non poteſt quot in nequitia ſua induruerint, ex eo quod videant euchariftiam omnibus morituris adminiſtrari, non alligamus Synaxin publico templo, requirimus tamen ut ægrotanti alii ſeſe adjungant, ne planè privata & ſolitaria ſit adminiſtratio. *Dei enim* (ait bene Tilenus orthodoxus par. 2. diſp. 60. Theſ. 17.) *ordinatio nobis ſumma lex, ſuprema neceſſitas, cui potius parendum, quam populari ignorantia, & infirmitati indulgendum, quin & illud obſervamus morti vicinos rarius petere*

petere eucharistiam, nisi imbiberint pontificiorum errorem de alligatâ signis salute, at error per rectam institutionem ex animo morientis profligandus, non per cœnæ administrationem fovendus est. Valde, vel imperitum, vel superstitiosum esse oportet, cujus conscientia annunciatione promissionum non possit pacari, nisi Symbola solus cum solo ministro perceperit. Acutissimè Amyraldus parte 3^a thes. Salm. pag. 52. „ Quantum id quidem „ fieri potest, Baptismus administrandus est in „ cœtu Ecclesiæ, quando enim per eum in „ Ecclesiam introducimur, nihil convenientius est, quam ut illa membrum agnoscat, „ quod in se admittit. Item, quia Baptismus „ est communis tessera Christianismi, magnopere consentaneum est ut tribuatur iis presentibus, qui a reliquis hominibus eâdem tessera discriminati. Adde quod non decet quemquam Baptizari, nisi cum precibus; preces autem illas par est a multis unâ fundi, quo neophytus potentius consecratur Deo, Deique ipsius adversus eum benevolentia efficacius concilietur, uno verbo, baptismo in nobis obsignatur adoptio nostra, quid ergo ejus administrationem magis decet, quam ut fiat in ipsa Dei familia in conspectu fratrum, quibuscum olim cœlestem hæreditatem partiri, & obtinere debemus. Attamen id si locus, & tempora, & aliæ istiusmodi cir-

„cumstantiæ prohibeant, administrari potest ex-
 „tra cœtum ecclesiæ, quia declarat eum cui tri-
 „buitur, nasci quidem ad societatem colendam,
 „eam verò reapse tum & actu colere neuti-
 „quam. At in cœna res aliter se habet. Haud
 „enim ritè celebratur, nisi a multitudine
 „aliqua in formam Ecclesiæ consociatâ, quia
 „Symbolum est, non proclivitatis ad commu-
 „nionem, sed communionis actu exercitæ, &
 „celebratæ. Ideoque a veteribus appellata est,
 „*omnium* & *Collecta*, & aliis istiusmodi nomi-
 „nibus conventum multorum in societatem,
 „& communionem designantibus.

Audi Durelle, dicit Amyraldus cœnam non
 rite celebrari nisi a multitudine aliquâ in for-
 mam ecclesiæ consociata, & rationem addit a
 natura huiusce sacramenti desumptam, tu tuo
 more i. e. falsissime scribis pag. 50. *Gallicanos
 pastores ideo symbola non exhibere quia exercitium
 religionis non est eis liberum nisi in locis quibusdam pu-
 blicis a Rege concessis.* Quid quæso si nullus iis
 locus publicus concederetur, in quo divina
 officia peragerent, num ab omni communione
 sacramentali sibi temperarent? non dices opi-
 nor, sed nec debent, quia Rex non concedit li-
 bertatem synaxeos privatæ, clynicis denegare
 cœnam, nisi credant minus convenire institu-
 tioni divinæ, ut sacramentum alibi quam in
 publico conventu in unum coacto administre-
 tur. At illud profecto siquidem de eorum fide ex-

publicis confessionibus, & scriptis polemicis pronunciandum sit, credunt.

Suffragatur reverendissimus Voetius. Polit. eccl. p. 459. Et rationes Eckhardi quibus Lutheranos privatam cœnam moribundis conferentes defendit, refutat. Frustra opponunt Hierarchici veteris Ecclesiæ consuetudinem: in illa enim mos erat panem benedictum domum deferre, eumque asservare, ut quacunque urgente occasione, quisque sive vir sive fœmina sibi aut aliis in Sacramentum Eucharistiæ inde porrigere posset, idem fieri ajunt hodie a Græcis & Moscovitis, qui longo tempore induratum consecratum panem militibus, & iter facientibus in viam dant, ut modo domi confessionem ediderint, eo, quando libuerit, uti possint, hi autem custodiunt eum ut plurimum donec morbo aliquo corripiantur, ut si fortè non convalescant, tamen viatico vitæ æternæ instructi sint; tam absurdæ consuetudini ne & apud nos aditus aperiat, neque ingeneretur in vulgo opinio operis operati, & præpostera fiducia salutis per signa Sacramentalia consequendæ, optandum foret, ut Eucharistiæ solitariae penitus ab ecclesiis nostris exulrent.

In administratione Baptismi gravius erratur namque.

1. Subjectum Baptismi nimium videtur ampliari. *Omniū fidelium & fœderatorum infantes baptizandos esse,* constans fuit Presbyteriano-
rum

rum opinio, quo nomine dici non potest quanta ab Anabaptistis passi fuerint, non tamen omnes quorumcunque infantes ad baptismum admittere iis integrum est, & sane concipi non potest, quâ ratione illi qui ipsi indigni sunt Ecclesie communione, possunt aliis in eam aditum patetfacere, vix est ut in contemptum non abeat Sacramentum Baptismi, si illud impertiamur infantibus *erronum*, *machorum* &c. nullâ præeunte pœnitentiâ, aut reconciliatione parentum cum Ecclesiâ. In urbe non incelebri regni Anglicani, paucis abhinc annis, fatua quædam imprægnata est, patrem ubi peperisset assignavit nullum, vel saltem eum qui pro suo infantem suscipere noluit. Qui Liturgiæ assentitur promittit se talem infantem modo ei offeratur, baptizaturum, at quî ex fide facere hoc possit, fateor me non videre. Videantur quæ conscripserunt *Zanchius*, *Boquinus*, *Tremelius* inter Epist: *Zanchii* lib. 1. Item *Epistola Farelli ad Calvinum*, & *Calvini ad Farelum*, nec non *Beza ad Neocomienses*, de *excommunicatorum infantibus*. Dices excommunicatorum liberos apud nos non Baptizari. Recte; non Baptizantur liberi, *excommunicatorum* de facto, sed de jure *excommunicatorum* sæpissimè, & quidem antequam parentes reconcilientur cum Ecclesiâ, vel moneantur coram cœtu ad agendum pœnitentiam.

2. Nec culpâ vacat quod Liturgici *patrini* &

& *matrinis* contenti, *præsentiam parentis* in Baptismo infantis non requirant, ex parentis enim fide & professione colligimus infantem sacro *foedere* comprehendendi, & *foederali* signo obsignandum esse: non negant Presbyteriani susceptorum usum antiquum esse, non negant in aliquibus Ecclesiis bene reformatis retineri. At:

1. Petunt, ut saltem unus parentum administrationi intersit, & infantulum offerat, & si-
dem det de eodem educando in verâ pietate; ut paternitas spuria, germanam officio suo submo-
veat nullo modo æquum est.

2. Nolunt ut istud sponzorum officium pro ludo jocoque habeatur. Pro ludo autem jocoque habebitur dubio procul nisi (quod in Ecclesiis fratrum Bohemorum fieri author est Comenius) jus parariis conferant parentes, *prolis sua in fide & religione Christianâ totoque fœderis cum Deo imiti negotio, instituenda, adeoque sui quoque si negligentiores in officio liberos instituendi deprehensi fuerint, admonendi & increpandi, vicissim pararii, illis promptitudinem ad eam rem polliceantur, & facturos se circa Baptizandum (præsertim si parentes decedere contingat) gnaviter officium sese obligent, hoc cum non fiat apud nos, lustrici parentes magis ad fastum & inanem usum faciunt, quam dignitatem & splendorem rei sacræ.*

3. Si quidem susceptores assumendi sunt (qui an assumantur nec ne indifferens arbitrat

tur Synodus Emdana 1571.) hoc saltem judicant
 nullos admittendos esse ad officium illud, nisi
 in religione probe instructos, & vita inculpatos.
 Quid enim absurdius quam ut Ecclesia ejus
 sponsonem acceptilet, qui conversatione in-
 honestâ nomen illud in quo Baptizantur omnes
 quotidie coinquinat, at hac de re nihil solliciti
 sunt Episcopi nostri modo parens *αἰδοῦν* addu-
 cat albi sint, an atrii nihil sua interesse arbitran-
 tur, hinc coguntur pastores (nisi officio suo cede-
 re velint) eos quos extremè impios esse no-
 runt admittere ad *αἰδοῦν* dignitatem. Hor-
 ret fanè animus meminisse, quoties apud nos
 ab iis exigitur *abrenunciatio diaboli*, quos Sata-
 na tradi oportuit, ut *discerent non blasphemare*.
 Aliter plane fit in ecclesiis Bohemicis, apud
 nos (ait Comenius in annotatis ad caput 3.
 pag 107. *compadres & commatres non pro more
 tantum assumuntur, aut dicis ergo, nec adhibentur
 tantum ut actionis hujus testes, sed sine magis serio, ut
 revera, regenitorum Dei filiorum compadres & coma-
 tres fiant, ad enutriendum eos Deo sancte obligati. Mo-
 nentur itaque parentes, ne adhibeant ignotos, aut
 peregrinos, aut senes brevi (forte) morituros, aut
 favoris vel pecunia causâ &c. ut ne alia spuria inten-
 tiones tam sanctum opus fœdent.*

3. Signum crucis in illicitorum classe collo-
 camus, at antiquissimam esse hanc ceremoniam
 clamitant, cum fratribus Lutheranis, Hierar-
 ehici, verum nos ad hoc Gorgonis caput a lon-

„go tempore didicimus non obstupescere :
„Non est (ait Cyprianus) attendendum quid
„aliquis ante nos faciendum putaverit , sed
„quid qui ante omnes est , Christus fecerit &
„faciendum putaverit , Cui succinit illud
„Whitakeri adversus Duræum, Mea verò non
„interest , quid Clemens , quid Leo , quid
„quisquam alius Pontifex ad Sacramentum
„Baptismi adiecerit, Christus nihil Ecclesiæ de
„istis ceremoniarum nugis mandavit, nec in il-
„lis crebris quos in scripturâ legimus baptismis
„ulla harum rerum mentio reperitur, num verò
„putemus, recentiore Ecclesiam melius per-
„spectam habuisse, quibus in baptismo cere-
„moniis uti oportet, quam Christum ejusque
„Apostolos.

2. Alii multi ritus in usû fuêre veteribus ,
quos cum ipsi Hierarchici omittunt , iniquum
est ut quam ipsi licentiam arrogant ; eandem
aliis invidant.

3. Denique cum clarissimo Beza adversus
„Balduinum respondemus. „Fuerit sanè tem-
„pus in quo aliquis fuit istius signaculi adversus
„persecutores usus. Sit etiam diu ac libenter à
„Christianis usurpatus pro externâ veræ reli-
„gionis professione , cum tamen jam pridem
„desierit istorum miraculorum usus , nec inter
„eos idololatrias versemur , a quibus hoc signo
„distingui nos oporteat , cum denique eo res
„devenerit , ut cum ab ~~Christo~~ discessero,
nulla

„nulla sit sub cælo talis magiæ & idolomaniæ
 „species, qualis est illa crucis signatio & spur-
 „cissima adoratio, adeo ut quod uni crucifi-
 „xo, nunc in cœlis regnanti debetur (de
 „nullâ re magis, ut arbitror sibi plaudente
 „Satanâ) ad aurum, argentum, & lignum
 „publicè sit translatum, tunc a nobis tam
 „horrendæ Sacramenti profanationis omnem
 „memoriam & occasionem sublatam merito
 „potes indignari? scio tamen nonnullos sub-
 „latâ crucis adoratione, aliquem signi cru-
 „cis usum retinuisse, utantur igitur ipsi sicut
 „par est, suâ libertate, sed si quas, ipsi habent
 „hujus signi in Ecclesiis suis retinendi causas,
 „nos certè cur illud nullo modo toleremus, &
 „plurimas & necessarias causas habemus.

At quid illud est quod in cruce, improba-
 mus? quod ista ei ascribantur quæ nisi rei di-
 vinitus institutæ ascribi nequeant. Agnoscit
 lubens Mortonus Ecclesiam nimium sibi ar-
 rogare, quoties instituit signum sacramentale,
 at crux apud nos est signum Sacramentale, quod
 duplici medio probo.

*Signum per quod infans Deo dedicatur, est signum
 sacramentale: crux est signum per quod infans Deo
 dedicatur, ergo: hoc argumentum, quum ad-
 versus Reverendum Mortonum urgeretur a Pa-
 getto (vide ejus præfat. ad defensionem Reg.
 Preb.) ita torfit Episcopum, ut primo negaret
 per crucem infantem Deo dedicari, ac cum inspe-*
 &o

Et o Canone cerneret hoc ~~aliquid~~ affirmari ab Ecclesiâ, mirificam excogitavit distinctionem de dedicatione consecrationis & protestationis, tandemque optavit verba illa in Canonem nunquam fuisse inserta, & tamen non puduit Præsules in ultimâ hâc Liturgiæ editione, nos remittere ad hunc Canonem pro explicatione signi crucis. Quantillum est quod absumus ab Hosio cujus in Confessione fidei cap. 10. extat hoc Epiphonema de formatione crucis, ecce quanta fidei nostræ mysteria unicâ signandi nos crucis formâ Mater Ecclesia docuit, ut si nihil præterea sciret rudis homo qui satis assequi cetera non posset, vel hæc propemodum ad salutem illi sufficere queat. Hic incarnatio, hic passio Christi, hic causa passionis, hic simul extremum iudicium, unicâ significatione crucis exprimitur.

2. Signum visibile internæ spiritualis gratiæ est signum sacramentale: crucis signum est signum visibile internæ spiritualis gratiæ. Ergo: Major patet ex definitione sacramenti quæ ponitur in Catechismo vulgari. De minori non dubitabit quisquis respexerit ad formulam verborum quæ usurpanda est, quories frons infantis signaculo hoc consignatur, ea est huiusmodi. „Signa-
 „ mus signo crucis in testimonium, quod
 „ ipsum posthac non pudebit confiteri Chri-
 „ stum crucifixum, & sub ejus vexillo, con-
 „ tra peccatum, mundum, & Satanam viri-
 „ liter pugnare, fidelemque ejus ministrum,
 „ & militem, ad finem vitæ usque per-

manere: , non dicitur esse *Testimonium*, quod officium nostrum sit Christum confiteri, sed dicitur esse *Signum*, quod *confitebimur*, & quod *perseverabimus confitentes*, at mortalium nullus huiusmodi signum potest instituere, nisi ad huiusmodi institutionem faciendam potestas ei desuper concessa fuerit. Nec sane necesse est, ut ullum signum instituatur ad hoc testificandum, per ipsum enim Baptismum consignatur promissio perseverantiæ omnibus in Christum insitis, adeo ut signum crucis non modo *superfluum* sit, sed & *superfluum*. Non male Aquinas part. 3. quæst. 6. rt. 5. pag. mihi 131. In usu , Sacramentorum duo possunt considerari, sc. , cultus divinus, & sanctificatio hominis. Quorum primum pertinet ad hominem per comparisonem ad Deum, secundum autem è converso pertinet ad Deum per comparisonem ad hominem, non autem pertinet ad aliquem determinare illud quod est in Potestate alterius, sed solum quod est in suâ potestate. Quia ergo sanctificatio hominis est in potestate Dei sanctificantis, non pertinet ad hominem suo iudicio res assumere, quibus sanctificetur, sed hoc debet esse ex divina institutione determinatum. Et ibidem in resp. ad primum et si idem potest per diversa signa significari, determinare tamen quo signo sit utendum ad significandum, pertinet ad significantem. Deus autem est qui nobis significat spiritualiar

lia per res sensibiles in Sacramentis , & per
verba similitudinaria in Scripturis. Et ideo
sicut iudicio Spiritus Sancti determinatum
est , quibus similitudinibus certis Scriptu-
ræ locis res spirituales significantur , ita et-
iam debet esse divinâ institutione determi-
natum , quæ res ad significandum assumantur
in hoc vel illo Sacramento.

Durellus cum ne unam reformatam Eccle-
siam laudare potuit ; in quâ obtinet crux Bap-
tismalis , ne tamen nihil videretur dicere , ait
pag. 28. 29. *cruces in turribus templorum non sub-
latas esse , nisi fortean in populari tumultu , imò
quasdam ex optimè reformatis Ecclesiis , templis novè
adificatis cruces imposuisse , instat in eo templo in
quo congregant protestantes opidi (Cadomi) Caen
quo nihil ei excidere potuit vel falsius , vel in-
sulsius. Cl. Voetius in Thes. de staurolatriâ sive
cultu & abusu crucis pag. 902. &c. exertè pro-
bat , reformatos quantum in se erat id effecisse , ut vel
aplustre ad ventorum indicium , vel nihil omnino
super templis poneretur. Provocat ad Galliam ,
Scoriam , Hungariam , Belgium suum , addit ,
Ministros Belgicos illud sedulò egisse semper
apud Magistratum , ut cruces omnes intra , aut
extra templum in cameteriis , in loculis , in pannis
sepulchralibus &c. tollantur : & sanè constat hoc
ex decreto Synodi Suydhollandicæ Anno 1595.
Et Synodi Noordhollandicæ An. 1642. Ad-
ducit denique Voetius præstantissimos Theologos qui*

cruces in turribus templorum perstringunt, imo ex teste fide digno refert, Calvinum cum Collegis serio admodum privatim publicèque pro concione monuisse Genevenses, ut Crux in summitate templi, aut turris relicta auferretur, quod cum non fieret ab illis qui poterant casu, quodam non vulgari eam ablatam esse. Quod ad templum Cadomi attinet, crederem crucem ei impositam protestantibus nesciis, monendus tamen est Durellus Presbyterianos non penitus damnare usum crucis, imo ipsi in naturalibus & artificialibus juxta cum aliis figuris utuntur, in Sacris, & cultu divino, ubi adhibetur, vel ut signum operativum, vel ut otiosum adiaphorum, solum refugiunt. Si abesset omnis metus relabendi ad superstitionem, & *συνολατρίαν* de crucibus in templorum turribus non valdè contenderent.

4. Sed & baptismo major ascribitur efficacia quam per veritatem licet, gratiæ enim Deo aguntur, quod placuerit ei infantem regenerare per Spiritum, & rotunde asseritur constare ex Scripturis infantes Baptizatos habere omnia ad salutem necessaria, & si moriantur antequam admiserint peccatum actuale, indubiè salvari, quis verò ad hanc assertionem non cohortescit? inter Lutheranorum errores constanter numerant reformati, quod gratia regenerationis alligata sit ceremoniis baptismi, & omnes aquâ foris tincti regenerentur internâ Spiritus S. virtute. Et tamen eo jam loco res nostræ sunt, ut non possit

fit esse minister Ecclesiæ reformatæ Anglicanæ, qui non tam certò persuasus est de regeneratione cujuslibet Baptizati, ut eo nomine publicas Deo gratias agere audeat: legatur *Altingii Syllabus controversiarum* cum Lutheranis. *Amyraldi Irenicum*, *Beza responsio ad puídas Iacobi Andrai calumnias*, ut taceam *Baxterum*, & *Gatakerum*, qui errorem hunc *Lutherano-Pontificium* strenuè profligarunt. At *Johannes Ellisius* in se recipit totam illam libri liturgici periodum tueri, experiamur an quid dignum tanto hiatu protulerit. *Retract.* pag. 118. 119.

1º Pro concessio sumit *baptismum esse sigillum fœderis gratiæ*, fruatur illâ hypothesi.

2º *Supponit omnes credentes* (filii utique cum sint *Abrahami*,) *hæredes esse promissionis fœderis gratiæ tam plenè, quam ipse Abrahamus i. e. pro seipsis & posteritate eorum fidei*, Ut liberalitèr agam, & hoc concedam.

3º *Postulat sibi concedi, professionem externam fidei & Baptismi ponere hominem in esse & statu credentis*: at hoc postulatum nisi cum grano salis accipiatur planè iniquum est, externa professio fidei tam justificantis quam dogmaticæ modo sit credibilis, ponit hominem in esse, & statu fidelis in tantum, ut fruatur istis privilegiis in Ecclesiâ, quibus fruuntur verè fideles, non in tantum ut quis coram Deo ob eam solam jus habeat, vel ad promissiones remissionis, vel ad sigilla istarum promissionum.

40 Statuit infantem natum in sinu Ecclesia & sub professione Evangelii, quamvis proximi parentes, vel sint valde impii, vel excommunicati, esse membrum Ecclesia, & capax baptismi modo curet Ecclesia ut educetur in fide. Ego hunc Camelum nequeo deglutire, neque intelligere possum quomodo Ecclesia curare possit ut infantes excommunicatorum in fide educantur, quid enim si excommunicati illi a fide planè deficient, & profiteantur se in posterum nullum cum Ecclesiâ habituros esse commercium, possuntne infantes illis invititis & refragantibus baptizari, & in fide Christianâ educari?

50 Aut infantes esse aque capacia subjecta receptionis fœderis gratia, & Spiritus S. & seminis gratia, ac seminis rationis. De hac propositioe aliqua est apud reformatos lis, at datis non concessis hisce quinque, Quid tum postea? Iubet nos perpendere illos Sacra Scriptura textus de Baptismi efficaciam, quos ille in margine suo enumerat, quod si faciamus, tum inquit, secundum meam Dialecticam conclusio ecclesie Anglicana bene consequitur: secundum tuam Dialecticam, mi homo, quænam illa est? è quibus libris hausta, excerpta, arrepta? citius ex pumice aquam expresseris, quam ex locis Scripturæ quos adducis, quicquam elicias, quod concludat omnes infantes baptizatos, vel regenerari, vel salvari: audiamus tamen tuam Dialecticam, certe, inquis, qui facit regnum suum constare magnâ ex parte ex infan-

infantibus, qui bonam erga eos voluntatem declarat, & effecit eos capaces istius institutionis quæ suppeditat recipientibus, & nullum obicem ponentibus ejusdem efficacia, omnia necessaria ad salutem, quodnam vitium est in Ecclesiæ argumento viz hoc, baptismus suppeditat omnia ad salutem necessaria, sed infantes baptizantur idque de jure. Ergo si in eo statu moriantur, indubie salvantur. Parturiunt montes, nascitur ridiculus mus, vel verius monstrum horrendum, informe, ingens, hæccine est tua Dialectica? hocine Ecclesiæ argumentum? at risum debuissent recentuli Catharinales, si tali argumento usi fuissent, in nullo enim modo est, in nullâ figurâ, ego tui miserebor, & efformabo tibi tuum Syllogismum: qui habent omnia necessaria, ad salutem, ii si moriantur indubie salvantur, infantes baptizati habent omnia ad salutem necessaria, ergo infantes baptizati si moriantur indubie salvantur. Minor si sit Universalis potest vel negari, vel distingui, infantes baptizati habent omnia ad salutem necessaria ex parte Ecclesiæ, non habent omnia ad salutem simpliciter necessaria, possunt enim non obstante quod baptizantur, destitui spiritu regenerationis, & remissione peccati originalis, & per consequens nunquam ingredi regnum cælorum: quod ad loca scripturæ, quæ indigitat, non urget infrunitus hic vitiligator, sunt ipsissima illa, quæ à Lutheranis adversus reformatos adducuntur, quibus abunde responsum est ab Altingio in Syllabo Con-

troverſarum, VVendelino in *Systemate Majori*, cum multis aliis.

Possem jam Durellum meum miſſum facere, donec ad Muſicam Organicam, & formulam ordinandi, deventum fuerit, ſed ne diem mihi dicat, quod totum telum corpore non receperim, quædam adnotabo, ad ea quæ ex epistoſis Theologorum illuſtrium tranſcripſit, ſunt autem illa non unius generis, omnia tamen ejuſce indolis, ut ab animis, nec veritati, nec paci Eccleſiaſticae inimicis, proſecta videantur, quædam illud ſolum aſſerunt *miniſtros Anglicanos eſſe veros miniſtros*, & *fidelem poſſe ab iis non ſine fruſtu ſacramentum recipere*, & *admiſſos eos eſſe ab exteris Eccleſiis ad beneficia Eccleſiaſtica*, videantur paginae 64.70.71.72.82.83 84.92.93.94. ſed heus mi Durelle, quo tendis? & in quos dirigis arcum? non neſcis opinor Presbyterianos inter non conformitatem & ſeparationem accuratè diſtinguere, non poſſunt omnibus ſubſcribere quæ ab Eccleſia Anglicanâ præſcribuntur, & tamen eam pro verâ Eccleſiâ agnoſcunt, contra *Baroiſtas* non minus calamum ſtringunt, quam ipſi Hierarchici, habet tamen iſte teſtimoniorum catalogus ſuum uſum, exprobrat Prælatiſis ſuam ingratiſtudinem, cum enim ipſi admitterentur à reformatis ad exercitiũ miniſterii, reformati viciffim ab ipſis erant admittendi, abſque ulla novâ ordinatione, quod cum non faciant nec facturi ſint, ſignum eſt eos ſchiſma moliri.

20. In quibusdam epistolis Presbyteriani satis severâ castigantur ferulâ vid. epist. Domini Gayoni & de l'Angle, verum tota illa acerbitas nata est ex illiberalibus calumniis Durelli, quæ exstant p. 144. quis miretur oves Christ pelle indutas leoninâ a viris bonis dilacerari?

3. Quædam literæ ajunt, ceremonias tolerabiles esse, & librum Liturgicum nihil in se se continere venenatum. Sed non est quod hæc literæ multum moveant, cum 10 pla. uin sit autores earum librum novum liturgicum nunquam vidisse, est autem iste priori multò, & auctior & corruptior, cum etiam. 20. certum sit Durellum statum controversiæ dissimulasse, ait in concione, quæ libro appenditur, signum crucis nullam habere sibi annexam gratiam invisibilem, & Ecclesiam Anglicanam nullam ei virtutem ascribere pag. 29. at hoc falsissimum esse patuit prius. Supponunt Reverendi Theologi exteri ceremonias nostras ordinis & decori causa solum institutas, at evicimus eas doctrinales, mysticas, Symbolicas, & per consequens partes cultus esse: hæc nisi sufficerent, addere possum Reverendum illum concionatorem de cujus Epistolâ maximè gloriatur Durellus, conquestum fuisse magnam sibi ex publicatione istius Epistolæ factam esse injuriam, & verba ejus vel mutilata, vel detorta esse.

Secundum, quod in declaratione promittitur est lectio Psalterii Davidici prout jam punctatur.

Quod tantundem est, ac si quis promittat, *quamvis in grege meo marem habeam, rem tamen corruptam Deo offeram.* Habemus nos translationem Psalmorum Davidis ad invidiam aliarum gentium elaboratam, hæc posthabita volunt præfules, omnes obligari ad legendam translationem antiquam, quæ non uno loco absurda & textui originali contraria est. v. gr. legitur Psal. 58. *Indignatio vexet eum tanquam res quæ est cruda.* Nullo sensu. Psal. 133. 3. *Instar rosis Hermonis, qui cecidit supra Montem Sionis.* At quæquæso quum Sion fuerit Hierosolymis Hermon prope lacum Galilææ ros hinc illuc deflueret? Psal. 150. v. 28. Legitur *non erant obedientes, quum Hebræa veritas habeat non erant rebelles.* In Psalmo decimoquarto intertexuntur tres integri versiculi, quos tamen certum est Apostolum non inde, sed partim ex aliis Psalmis, partim ex Isaia desumpsisse. Infinitus essem si omnia loca in quibus, vel verba, vel integræ sententiæ desiderantur, percurrerem, vel singulas periodos quæ in sensum planè alienum transferuntur, notarem.

Operæ prætium fuerit dispicere quam habeant hujusce instituti rationem, ea autem hæc unica est, quia *vetus translatio punctis utique cum sit distincta, musica organica quæ in ecclesiis cathedralibus & sacellis aliquot Academicis obrinet, accommodatior est.* *Vetus translatio melius inservit musica organica, ergo retinenda est etiam in istis Eccle-*

„*siis in quibus nulla sunt organa*: Mira profectò ratio, dignior quæ risu quam responsione excipiatur. Presbyteriani certè illud seriò optant, ut omnis musica Organica e templis eliminetur. At in eo forsan habent zelum, sed non secundum scientiam. Imo zelus iste maximè est secundum scientiam. Musica enim organica qualis apud nostros obtinet destituitur omni auctoritate tum Sacræ Scripturæ, tum primitivæ Ecclesiæ, quam tamen venerari videri volunt qui jugum hoc cervicibus nostris imponunt. Aquinas Musicam hanc adeo non laudat, ut damnet etiam, & ad peculiarem ac pedagogicum veteris testamenti cultum ableget 22. quest. 91. Art. 2. Undè non inconsultò colligit Cajetanus. *Thomæ tempore Ecclesiam non usam esse organis*. Nec primus Aquinas Musicam hanc inter pueriles Ecclesiæ Judaicæ nugas numeravit, præverant ei, auctor quest. & Resp. ad orthodoxos ques. 107. & Chrysosto: in 1 Cor. 14. Non opus ut alios authores referam cum ipse Bellarminus fateatur Ecclesiam per octingentos & viginti annos, hoc instrumento caruisse. Si rationalem animi cultum, & devotionem Spiritualem confirmasset, citius dubio procul esset introductum. Ast inquit Durellus p. 39. *Habentur Organa in plerisque Ecclesiis reformatis quibus tantum pecuniæ suppetit, ut ea possint emere*. In plerisque ecclesiis habentur? Imò a plerisque in cultu publico exulant, nec retinerentur in Ecclesiis Lutheranis,

theranis, nisi Lutherum suum deseruissent, qui fatente Eckhardo, *Organa musica inter Baalis insignia retulit.* Quod adhuc maneant in quibusdam templis Belgicis fit invitis pastoribus, nam in Synodo nationali Middelb. Anno 1581. & in Synodo Holl. & Zelan. Anno 1594. decretum est *procurandam esse apud Magistratum abolitionem organorum & cantus organici in templis, etiam extra cultum, post aut ante conciones; adeo usum eorum in ipso cultu non ferrent istæ Synodi.*

Hucusque progressus sum antequam inciderent mihi in manus exercitationes Martini Schoockii quarum argumenta dum lego, video multa a viro Reverendissimo defensitari, quæ reformationi quam moliuntur Presbyteriani Britannici primâ saltem facie adversantur. Cum illo siquidem ego in arenam descendere, quis mihi non occineret illud Poëtæ

Infelix puer atque impar congressus Achilli?

Sed nec patitur instituti mei ratio omnes omnium antagonistarum exceptiones ad examen revocare. Alioqui non vereretur tantum virum aggredi, & ubi a nostris diversus abit strictim refutare, multa enim apud eum occurrunt, in quibus merito desidero *excellentiam* tum Philosophicam tum Theologicam. Alii id agunt, ut suos ab omni specie mali revocent, ille, in eo totus est, ut suos sequaces doceat (quod olim de scholasticis dixit Morus nostras) quam prope ad
pecca-

*peccatum sine peccato accedere possint. Sed non deerunt qui impetum ejus adversus praeiustas re-
tundant. Ego hic loci exercitationem ejus trice-
simam excutiam, exercitationem decimam ter-
tiam ventilaturus, cum ad librum nostrum de
ordinandis Diaconis, Sacerdotibus, Episcopis, de-
ventum fuerit. De Musicâ organicâ in templis
ita sententiam suam exponit, ut ad Presbyteri-
anos quam Hierarchicos propius accedat.
„ Admittit enim Musicam organicam in Eccle-
„ sia Christiana pro publico usu primis saeculis
„ non esse receptam pag. 532. pa. 525. culpam
„ omne illud in Musicâ quod scenam redolet
„ pag. 350. ait ubi assuevit populus absque organis
canere nec infelicitur, parci potest sumptibus, qui
plus quam ordinarii requiruntur, tum in ipsum instru-
mentum musicum erogandi, tum eum qui illud pulsat:
absonum enim videtur, ut majori salario conduca-
tur opera alicujus musici eo quod scite organum pulsare
queat, quam verbi Divini ministri, ceteroquin docti
& pii. Nec suaserim inquit p. 591, ut organum in-
troducatur ubi populus scite canere solitus est, ne pu-
tetur canentium attentio & devotio alia non esse, quam
quatenus ab instrumento musico dirigitur. Sed hoc
solum contendit, organum legitimè posse tolerari ad
moderandum cantum Ecclesiastici cœtus futurum alias
dissonum. Hanc suam assertionem, an solide
contra Voetium astruat, nolo pronunciare, ne in
alienâ Republicâ sapere velle videar. Duo sunt
in exercitatione, quæ haud dubie exciderunt*

Schoockio incogitanti, aut nimio contentione æstu abrepto. primum quod dicit *cantum in novo Testamento non nisi pro exercitio privato fidelibus iunctum esse*, & patere hoc ex omnibus locis, in quibus cantus fit mentio. Apostolus, inquit de seipso loquens, ait 1. Cor. 14. 15. *Psallam spiritu, Psallam etiam intelligentiâ*. Recte de seipso, sed de seipso quatenus in cœtu existente illa autem verba 1. Cor. 14. 26. *Quoties, convenitis, quisque vestrum habet canticum*, non cœtum æconomikum, sed Ecclesiasticum respiciunt. Ephes. 5. 18. 19. 3. Col. 16. non referuntur ad sola privata Christianorum exercitia, *ἑαυτοῖς* enim explicandum esse per *ἀλλήλοις* non modo auctor est Beza, quem non audiendum esse dicit vir doctus, sed etiam Grotius, & tota fere interpretum cohors, nec sequitur tamen quod si cantus simplex ab Apostolo non sit præscriptus quod invaluerit ex consuetudine, potuit enim obtinere ex lege aliquâ veteris Testamenti non abrogatâ, aut ex lege naturali, quæ cantum sacrum assâ voce dictat, si nulla de eo extaret lex scripta 2^o Ejusdem farinae est quod habet pag. 532. ipsum Apostolum Paulum ad Ephesios docuisse instrumentalem musicam siquidem dicit ad Ephes. 1. d. non modo *ᾄδοντες* sed *ψάλλοντες* quæ sane *Sinonyma* haberi non possunt, ita & Col. 3. meminit distincte *ψαλλῶν, ὑμῶν καὶ ᾠδῶν*. At 1^o vix video quâ hæc cum prioribus cohæreant. Si enim locus intelligendus sit de cantu fidelium

sium in privatis ædibus (quod contendit) tum credendum est fideles vel omnes, vel plerisque habuisse in suis ædibus instrumenta musica, ad quæ Dei laudes celebrarent, at hoc valdè improbable est. 2. Syrus pro eodem habet *אֲדִינָה וְפָאֵמֵי*. Si tamen differant non necesse est ut *פָאֵמֵי* sit nablizare, aut chordas lyræ, vel instrumenti musici pulsando leviter tangere, quamvis enim hoc significat ex primariâ institutione, non rarò tamen apud bonos authores significat concisum carmen Deo canere, non male ad hunc locum Hammondus noster *Differentia horum vocabulorum accersenda est a Iudais, qui habent tria genera Canticorum Mizmor a radice Zamar amputavit, carmen concisum quod hic appellatur פָאֵלֶם*, 2. Tehillah laus, depradicatio, celebratio, quod denotatur voce *תְהִלָּה* 3 Shir Canticum, cantio, cui respondet *שִׁיר*.

Quod ad *Librum de Ordinandis Diaconis, Sacerdotibus, Episcopis*, non erat olim cur ei subscribere multum detrectaremus, nihil enim in eo erat quod distinctionem inter Presbyterum & Episcopum ullo jure Divino niti innueret, imo multa erant è quibus concluderemus Episcopum & Presbyterum differre non ordine, sed gradu tantum. Dicebatur Episcopus non *ordinari* sed *consecrari*. Legebatur etiam in ordinatione Presbyteri æque ac in consecratione Episcopi tertium caput primæ ad Timotheum Epistolæ, imo eadem verborum formula usurpata est in
crean-

creando Presbytero, quæ in creando Episcopo. Et hæc opinio tam altè apud nos Radices egerat, ut cum *Laudus pro gradu Doctoratus* defenderet Episcopatum esse ordinem distinctum, *Hollandus*, qui tunc temporis cathedram ornabat professoriam, ei schisma & animum ad Papisimum propensum, publice impingeret. Quod ad primos reformatores, Cranmerum, aliosque, ex libro manuscripto (qui est penes Eduardum Stillingfleet stupendæ eruditionis Theologum) discimus, eos ad unum omnes agnovisse, Presbyterum & Episcopum *ἀπ' αὐτῶν* fuisse ejusdem ordinis & Officii, & in Regis arbitrio situm esse Ecclesias suas, vel per meros Presbyteros, vel per Presbyteros cum Episcopo regere.

Idem falsi sunt celebriores Theologi regnante Elisabethâ. Non nego Bancrofto semel ea pro Concione excidisse, quæ jus Divinum *ἐπισκοπικόν* Episcopalis viderentur adstruere, at quantum ab illâ sententiâ abhorruerint alii, discat Lector ex incomparabilis Johannis Rainoldi ad Dominum Franciscum Knollium, Thesaurarium domus regalis, & Equitem Periscelidis rescripto, quod sic se habet:

Quamquam (honoratissime) mihi magis placeam in operâ illâ quam impendo declarandis evertendisque eioribus Jesuitarum Papistarumque (adversariorum veritatis) quam ministrorum Christi, quia tamen placuit honori tuo à me postulare, ut animi mei sententiam exponam, de nonnullis quæ quidam ex posteriori genere tuentur, & propugnant, officii mei esse putavi (exemplum præunte Levi Deuteronomii, Cap. 33. qui dixit Patri suo, & Matri suæ nescio vos, & fratribus suis, ignoro illos)

ven-

Veritatem aperire, nullo habito respectu personarum, è duobus ergo dogmatis in concione Doctoris Bancrofti quorum honor vester meminit, prius illud est, quod videtur asserere superioritatem illam, quam inter nos habent Prælati, supra Clerum, divinam esse institutionem, non quidem hoc verbis disertis asserit, sed tamen per necessariam consequentiam, eo quod affirmat opinionem eorum qui istam superioritatem impugnant hæresin esse, qua in re profiteor ipsum paroroma admisisse, me quidem iudice, ipseque (credo) si quis eum de eo certiores faciat, agnoscat, postquam enim prius dixerat, illud esse Aërii placitum, non differre secundum Dei verbum, Sacerdotem & Episcopum, dein Martinum, & qui eum sequuntur hanc opinionem Aërii defenditare, adjicit Aërium in eâ perstantem damnatum esse tanquam hæreticum; generali consensu totius Ecclesiæ, similiter Martini ejusque sequacium opinionem damnatam esse tanquam hæresin; Quod ad Martinum si quis alias se gerat, quam per prudentiam aut charitatem licet, qui crimen admisit, reatu teneatur, ejus causam in me non recipio, sin obiter intermisceat veritatem ratio non postulat ut quod Divinum est, damnetur ob admistum aliquid humanum, non magis, quam ut doctrina de resurrectione redarguatur, quod propugnata sit à Pharisæis, quare separato odioso nomine Martini, ab eo quod sincere & amice tractandum est, ex superius recitatis verbis Doctoris Bancrofti, apparet videri ei *ex* *lu* quam Episcopi habent supra Clerum institutionem esse Divinam, qui enim propulsant istam superioritatem reprehenduntur, eo quod sentiunt cum Aërio differentiam esse nullam secundum Dei verbum, Sacerdotem inter & Episcopum, hoc autem nullâ ratione facere potuit nisi ipse reciperet superioritatem Episcoporum tanquam verbo Dei stabilitam, additque contra sentientium opinionem hæreticam esse, unde sequitur quod credat eam adversari verbo Dei, cum hæresis sit error pugnans cum veritate

verbi Divini, quemadmodum secundum Scripturas nostras edocet Ecclesia; Argumenta verò quæ adducit, ut probet opinionem illam hæreticam esse, partim imbecilla sunt, partim falsa; Imbecillum est illud ex Epiphanio desumptum à quo orditur; Falsum est illud quod attexit de universali consensu Ecclesiæ. Quamvis enim Epiphanius assertionem Aerii accuset stultitiæ, nullatenus tamen refutat rationem qua ex Scripturis innixus est Acrius, imò dum rationem illam refutare conatur, cum se præstat, ut Bellarminus Jesuita, Tom. I. Controv. 5. lib. I. c. 15. quamvis opinionem ejus adversus protestantes tuteur, cogatur fateri, Epiphanii responsionem non esse prudentem, & nullo modo textui quadrare. Quod ad generalem consensum Ecclesiæ, quem Dr Bancroftus ait, damnasse opinionem Aerii tanquam hæreticam ipsumque eo quod in illâ perstiterit tanquam hæreticum, liberalis est illa oratio, unde verò probabit hoc ab Ecclesiâ factum? Constat inquit ex Epiphanio, At non constat, imò contrarium constat ex Hieronymo in Epistolâ ad Titum, & ad Evagrium, aliisque aliquot qui vel Epiphanio ~~controversi~~ *controversi* erant, vel post ipsum floruerunt, ex ipso Augustino quamvis Dr Bancroftus ipsum citat tanquam testem una cum Epiphanio de hoc perpetuo Ecclesiæ consensu testantem: fateor D. Augustinum in libro de hæresibus, Aerium hæresis postulâre eo quod dixerit Præsbyterum ab Episcopo nullâ differentiâ debere discerni, aliud verò est dicere nullum debere esse inter ipsos discrimen, (quod cum affirmaret Acrius damnavit ordinem Ecclesiæ & Schismatis author erat, quo nomine Augustino vapulat qui in nume randis hæresibus Epiphanium sequitur cum ipse quod non diffitetur in præfatione de Hæresibus ad *Quid vult Deum*, nesciret quam late nomen hæresis pateret) aliud dicere secundum verbum Dei nullum esse inter eos discrimen, sed tantum secundum consuetudinem Ecclesiæ, Hoc posterius ipse Augustinus virtualiter adserit Ep. 19. tantum abest ut testetur generalem con-

sensum totius Ecclesiæ id hæresis postulare. Sed quam nullo jure hæc erronea opinio adscribatur Augustino & Epiphanio, (quos solos Dr Bancroftus testes vel adduxit, vel (quantum scio) adducere potest) inde patebit, quod contrarium noster P. M. Episcopus Juellus def. Apol. part. 2. c. 9. lib. 1. postquam Hardingus eosdem testes laudans eandem opinioni hæresis notam inusserat, ipse autem in contrarium citasset Chrysostomum, Hieronymum, Augustinum, & Ambrosium, absolvit responsionem hisce verbis, omnes huiusmodi plures pij patres, una cum Apostolo Paulo, si per Hardingum stat Judicium, ibunt inter hæreticos.

Michael Medina vir summæ notæ in Concilio Tridentino hac in causâ magis ingenuus quam alii Papistæ, affirmat, non modo priores antiquos scriptores quos laudat Episcopus Juellus, sed & Theodoretum, Sedulium Primasium Theophilactum in eandem consensisse sententiam cum Aerio consentiunt insuper Oecumenius in Tim. 3. & Anselmus Archiepiscopus Cantuariensis in Epist. ad Titum, alter Anselmus Collect. Can. lib. 7. C. 87. & 127. & Gregorius Polit. lib. 2. tit. 19. 39. & Gratianus Ca. legimus dist. 39. & Ca. olim dist. 95. & post ipsos multi alii, in corpore Juris Canonici extabat semel hæc sententia, proque sanâ & Catholicâ doctrinâ habebatur, quam proinde publicè docuerunt viri docti, quæ omnia testantur contra D. Bancroftum, non damnatam esse tanquam hæreticam generali consensu totius Ecclesiæ, nam si regerat hosce posteriores testes vixisse mille annos post natum Christum, adeoque ipsum non attingere, qui asserbat inter hæreses numeratam esse temporibus Augustini & Epiphanii, in quibus (sæculum Apostolicum si excipias) maxime floruit Ecclesia, tum doctrinâ, tum zelo. Imprimis quos nominavi quamvis posterioribus temporibus vixerint, testantur tamen de prioribus. Oecumenius Scholiastes vestigia premit antiquissimorum Patrum Græcorum, uterque verò Anselmus una cum Gregorio & Gratiano Hieronymi sententiam exprimunt verbatim, deinde non

admodum verisimile est potuisse contingere, ut Anselmus Cantuariensis Canonizaretur per Papam Romanum, & pro Divo coleretur, ut alter Anselmus & Gregorius locum invenirent in Papistarum Bibliothecis, & tanti æstimentur quanti ætimari cernimus, ut opera Gratiani agnoscerentur per tot secula à pluribus Papis pro aureo fundamento Juris Canonici, siquidem docuissent quicquam pro Catholico & sano quod generalis consensus totius Ecclesiæ temporibus florentissimis, quæ unquam contigere post seculum Apostolicum, damnasset, tanquam hæreticum, præcipuè cum res tanti ponderis & momenti sit ad Paparum suprematum statuminandum, quem sibi supra omnes Episcopos Jure divino vendicant, adeoque Episcopis supra Sacerdotes eodem jure deberi necesse est fateantur, & hoc ipsum tandem viderunt, quæ causa cur decerneretur in Concilio Tridentino, & in novâ editione Juris Canonici hæc infereretur nota Episcopos inter & Presbyteros, semper fuit differentia & etiamnum est, ratione regiminis, Prælaturæ Sacramentorum, nomen vero & titulus utriusque communis est. Atque hæc in posterum censenda est mens Hieronymi, saltem hic sensus est Canonis desumpti ex Hieronymo. Tamen si hanc glossam penitus evertant verba Hieronymi fatente Bellarmino. loc. not.

Quibus adjici potest, omnes eos qui in reformandâ Ecclesiâ per quingentos ultimo elapsos annos insudârunt, docuisse, omnes Pastores sive Episcopi sive Sacerdotes appellentur, æquali gaudere autoritate & potestate. Primo Valdenses, in Æn. Sylv. hist. Bohem. C. 35. & Pigh. Hierarch. Ecclesiast. l. 2. cap. 10. Proxime Marsil. Patav. in defens. pacis, 2. part. cap. 15. Inde Wicklif: in Thom. Wald. Doctrin. Fidei. Tom. 1. lib. 2. cap. 6. & Tom. 2. cap. 7. Ejusque Discipuli. Postea Hussius & Hussiæ Æn. Sylv. loc. citat. Postremo Lutherus adversus falsò nominatos Episcopos & adversus Papam Romanum. Calvin. in Epist. ad Philip. 1. & Tit. 1. Brentius Apolog. Confess.

Conf. Witteberg. Cap. 2. Bullinger. Decad. 5. Serm. 3. & Musculus Loc. Comm. Tit. de Ministerio Verbi, alique qui recenseri possint, magno numero particulatim. Quandoquidem non modo nostri Episcopi Juellus loco citato. Pilkintonus in Tractatu de combusto Templo Paulino, Regii Professores Theologiæ, Humfredus, Whitakerus, adversus Campianum & Duræum, cum aliis doctis, Bradfordo, Lamberto, Fulcone hac in re consentiunt, sed & in gentibus transmarinis omnes Theologi tractantes hoc doctrinæ Caput, quos quidem ego legi & multo plures dubio procul quos nunquam legi. Examen Concilii Tridentini à solis duobus quos quidem ego vidi susceptum est, uno Theologo, altero Juridico, Chemnitio & Gentileto, uterque contrariam doctrinam damnat, & inter errores Tridentinos numerat, ille Scripturis & Patribus innixus, hic Jure Canonico, sed quid ulterius memorem particulares Scriptores? communis est hæc doctrina Ecclesiarum Helvetiæ, Sabaudia, Gallia, Scotia, Germaniæ, Hungariæ, Poloniæ, Belgii, Angliæ denique, testante harmoniâ Confessionum, Sect. 2. Quare cum Dr Bancroftus certo certius non dicturus sit hæresin damnatam generali consensu totius Ecclesiæ cum maxime floreret habitam esse sanum & Christianum dogma ab hisce omnibus fatebitur spero, quod lapsus fuerit, cum assereret superioritatem Episcoporum supra Clerum Institutione divinâ niti. Atque hæc quidem hæcenus de priore dogmate concionis. Posterius in eo situm est, quod affirmet Dr Bancroftus, Hieron. eumque secutum Calvinum, hanc superioritatem Episcoporum à temporibus Marci Evangelistæ arcessere. Circa hoc dogma, idem sentio, quod circa prius, cum nec Hieronymus tale quid adstruat neque Calvinus tale quid videatur fateri, fretus ejus testimonio, nam Episcopi inter nos præter ordinationem & impositionem manuum quædam alia præstant quæ inferioribus Ministris sive Sacerdotibus non licet, verum Hieronymus post factam mentio-

nem superioritatis quam sortiti sunt Episcopi à tempore Marci Evangelistæ, Quid, inquit, facit Episcopus ex-cepta ordinatione quod non facit Presbyter, innuens eo genere sermonis, neminem negare posse, quin Episcopi sola potestate ordinationis Presbyteros superarent quod & Chrysostomus testatur, neque tamen istam potestatem sortiti sunt omnibus in locis quod patet è Concilio Carthag. 4. cap. 3. verum Hieronymus postquam testimoniis Scripturæ evicerat Episcopos & Sacerdotes temporibus Apostolorum unius ejusdemque ordinis fuisse, concedit postea Episcopos potestatem ordinandi, sibi solis alicubi arrogasse, sed eam solam, quare Hieronymus non testatur superioritatem illam de qua quæstio est, sortitos fuisse à tempore Sancti Marci, neque Calvinus videtur hoc confiteri, Hieronymum sequutus, nam Calvinus in Institut. libr. 9. cap. 4. §. 2. quem locum laudat Dr Bancroftus, judicat olim Ministros de suo cœtu elegisse unum in qualibet Civitate, cui Titulum Episcopi specialiter dabant, ne ex æqualitate dissidia nascerentur, neque tamen, inquit ille, Episcopus honore & dignitate superior erat, ut dominium in Collegas haberet, sed quas partes habet Consul in Senatu, &c. Id muneris sustinebat Episcopus in Presbyterorum cœtu, cumque declarasset hoc ipsum humano consilio fuisse inductum, addit Hieronymum docere, quam fuerit antiquum hoc institutum, dicit enim Alexandriæ obtinuisse, à Marco Evangelistâ, usque ad Heracleam & Dionysium, quibus verbis cum institutum Ecclesiæ de quo meminit evidenter respiciat, morem illum in cujus descriptione prius dixerat, Episcopum non ita honore superiorem fuisse ut dominium haberet supra Collegas, consequitur Calvinum nec videri fateri à Marco Episcopos habuisse dominium supra Clerum. Ne ergo in re manifestâ pluribus testimoniis certem, quam si opus esset cumulativè probare possem, tam ex Hieronymo quam ex Calvino, constat, neutrum eorum affirmare Episcopos per tot annos habuisse i-

Ram superioritatem quam Dr Bancroftus eis videtur assignare, atque ita animi mei sensum exposui de utroque dogmate, quod honor tuus proposuit.

At cum Laudus ad dignitatem Cantuariensem evectus esset, eo crevit Prælatorum ambitio, ut omnem potestatem, tum ordinis, tum jurisdictionis penes se solos statuerent, se solos Apostolorum successores jactarent, adeo ut senatus Parliamentarius, & conventus Theologorum, tandem jugum illud excuterent, & ejurerent. Quod illorum consilium multi ideo arroduct, quia nihil de eo intelligunt. Vulgus non modo hominum, sed & Theologorum omnem imparitatem Ecclesiasticam fœdere solenni eliminari credit, cum tamen certum sit eliminari illam solam Hierarchiam que tunc invaluit sc. regimen Ecclesiæ per Archiepiscopos, Episcopos, Decanos, Decanos & Capitula, Commissarios, hoc professus est Colemanus in ipsamet illâ concione, quam habuit Sept. 29 1643 coram variis Nobilibus, Equitibus, Generosis, Chiliarchis, Capitaneis, multisque Theologis Londini commorantibus, & è Scoticanâ gente non paucis, cum fœdus ice-
runt (hanc fœderis expositionem, adeo non damnavit D. Com. ut sequente die actis ei per Chiliarcham Long oblaborem quem exantlat gratiis, imprimendam curaret.) Idem de se multisque aliis testatur Gatakerus in tractatu Apologetico contra Liliū pag. 24. 25. illo

facere non obstante liberum est Presbyterianis recipere *præsides Presbyteriorum* sive annuos sive perpetuos, non principes cleri. Et quidem in declaratione de rebus Ecclesiasticis spem nobis fecerat Serenissimus Rex fore ut Episcopatus, intra limites quos ei præscripsit antiquitas, contineretur, at nunc planè eâ de spe excidimus, & tales Episcopos Ecclesiæ Anglicanæ obtrudi cernimus, quales sine perjurio, gravissimoque Ecclesiarum omnium reformatarum scandalo non possumus recipere. Hoc ne ex ἀμειψία τ' ἀβολκῆς scripsisse videar, age quanti sint apud nos Episcopi, & quomodo eligantur, videamus.

1. „ Cum Regi significatum fuerit per decanum capituli dioecesis orbatam esse episcopo, obsignato diplomate concedit capitulo facultatem eligendi, & simul mittit literas quibus nominat episcopum eligendum, atque sic capitulo nihil aliud relinquitur, quam umbratilis quædam, & imaginaria nominati electio.

2. Episcopi nostri diversam habent consecrationem à Presbyteris: quia ordine differre, se dicunt à Presbyteris.

3. „ Singularem ordinationis Presbyterorum potestatem, excluso clero, sibi solis vendicant, atque hanc sibi maxime propriam, & peculiarem non fratrum Presbyterorum, voluntario consensu, sed jure divino, aut saltem Apostolico.

4. „Jurisdictiones in foro interno, seu in
„foro conscientiae presbyteris competere di-
„cunt, sed commissam tantum, & ab episcopo
„delegatam, cujus vicarii sunt, cum ille solus
„totius dioceseos pastor sit. Quare exercitium
„hujusce jurisdictionis in foro conscientiae
„episcopis subditum esse volunt, ita ut præ-
„bytero ordinato non liceat concionari, aut
„sacramenta administrare, nisi facultate ab
„episcopo prius concessa.

5. „Omnem externi fori jurisdictionem ex-
„clusis presbyteris sibi solis vendicant, ita ut
„eos consulere dedignentur, quod si eorum
„consilio aliquando utantur, illud non ex ne-
„cessitate, sed liberâ suâ voluntate fieri di-
„cunt, & presbyterorum suffragia nolunt
„esse decisiva, sed solum consultiva & deli-
„berativa.

6. „Excommunicandi potestatem sibi solis
„arrogant, ut & solvendi à sententiâ excom-
„municationis latâ, soli clericalem discipli-
„nam exercent, aut per se, aut per (N. B.)
„officiales cancellarios à se deputatos, qui
„Sacro Præbyteratus ordini nunquam initiati
„fuerunt.

7. „Singulares illas Prærogativas supra
„Presbyteros & Presbyterorum collégia ju-
„re divino sibi vendicant, & episcopa-
„tum necessarium esse dicunt, & presbye-
„ros aliarum Ecclesiarum reformatos fratres

„ non agnoscuunt, sed si apud nos frui velint
 „ beneficio Ecclesiastico, reordinant. Huiusmodi Episcopos antiquitatem nullatenus agnovisse abunde probarunt Blondellus, & quisquis autor erat *Historia motuum nuperorum in Scotia*, cujus penecillo Episcopos nostros depinximus; Meum erit evincere, modernas, Ecclesias eosdem damnare. Libet Ecclesias dispescere in Lutheranas, & Reformatas, non quod Lutheranae reformatae non sint, sed quod non soleant *κατ' ἐξοχὴν* ita appellari. Durellus pag. 4. 5. pertendit dari in omnibus Ecclesiis quae Augustanam confessionem sequuntur, vel Episcopos & Archiepiscopos, vel Abbates & Praepositos, vel certè Superintendentes, qui nomine potius quam re ab Episcopis Anglicanis dissentiant. At alia mens Amyraldo Irenic: pag. 196. pati nos decet ut inter eos vigeat ordo superintendentium, qui & multas utilitates & commoditates habet, & multum subfidit infra auctoritatem Episcoporum. Ecclesia Wittenbergica laudat (artic. de ordine) sententiam Hieronymi in quâ asseritur identitas Presbyteri & Episcopi. In Synodo Cracoviensi Anno 1573. convenerunt ministri & superintendentes confessionum Augustanae, fratrum Bohemorum, & Helveticae. Quid ibi sit? ex Xantenſi Synodo constitutiones leguntur de superintendente, ut certo in loco fungatur Officio Ministri, & ut munus ejus (N. B.) a Synodo ad Synodum duret, & juxta

juxta Sententiam Synodi, (N.B.) aut is retine-
atur, & approbetur, aut alius eligatur, & con-
stituitur. In ordine Ecclesiastico Bugenhagii
Lubecensibus, Hamburgensibus, Brunswicen-
sibus scripto Anno 1531. mentio fit de superin-
tendente, sed cui injungitur ut certo in loco
conciones habeat suas, nec non adjuagatur ei
adjutor. Ne nimius sim, nulla est Ecclesia Lu-
therana, quæ Episcopos quales sunt in Angliâ
nostrâ non impugnat: Habemus Lutheranorum
concordiam Lypsiæ impressam in quâ continen-
tur Augustana confessio, & pro eadem apologia,
Articuli Smalcaldici, Lutheri Cathechismus
major & minor, ex hisce libris Symbolicis con-
stat quænam sit Lutheranorum Sententia de E-
piscopatu. Certum est Melancthonem Episco-
pis in Augustanâ confessione aliquid concessisse,
quo nomine quantum a fratribus incusatus fue-
rit, ipse non uno in loco conqueritur. At nun-
quam Melancthoni in mentem venit Episcopum
jure divino esse Presbytero superiorem, aut soli
Episcopo competere potestatem vel jurisdic-
tionis, vel ordinis. Subscripsit enim Articulis
Smalcaldicis, in iis autem titulo de potestate
jurisdictione Ecclesiasticâ ea dicuntur quæ Hi-
erarchiam Anglicanam plane evertunt: Evan-
gelium tribuit his qui præsumt Ecclesiis man-
datum docendi Evangelii, remittendi peccata,
ministrandi Sacramenta, præterea jurisdic-
tionem. Ac omnium confessione (N.B.)
etiam

„etiam adversariorum, liquet hanc potestatem
 „jure divino communem esse omnibus qui præ-
 „sunt Ecclesiis, sive vocentur pastores, sive
 „presbyteri, sive Episcopi, ideoque Hierony-
 „mus, &c. Sed una res postea fecit discrimen
 „Episcoporum & Pastorum viz Ordinatio.
 „Quia institutum est, ut unus Episcopus ordi-
 „naret Ministros in pluribus Ecclesiis. Sed cum
 „jure divino non sint diversi gradus Episcopi &
 „Pastores manifestum est ordinationem a Pa-
 „store in suâ Ecclesiâ factam jure divino ratam
 „esse. Paulo post: constat jurisdictionem illam
 „communem excommunicandi reos manife-
 „storum Criminum pertinere ad omnes Pasto-
 „res hanc tyrannide ad se solos transtulerunt, &
 „ad quæstum contulerunt. Vix faciunt hæc o-
 „pinor ad salivam Durelli, in iisdem tamen Ar-
 „ticolis sunt alia ejusdem farinae Art. 10 3^a par-
 „tis. Si Episcopi recte officio suo fungerentur,
 „& curam Ecclesiæ & Evangelii gererent,
 „posset illis (N. B.) nomine caritatis & tran-
 „quillitatis non ex necessitate permitti, ut nos
 „& nostros concionatores ordinarent & con-
 „firmarent, hac tamen conditione, ut sepo-
 „nerentur omnes larvæ, præstigiæ, delira-
 „menta, & spectra pompæ ethnicæ. Quia
 „vero nec sunt, nec esse volunt episcopi, sed po-
 „litici dynastæ, & principes, nec concionantur,
 „nec docent, nec baptizant, nec cœnam admi-
 „nistrant, nec ullum opus Ecclesiæ præstant,
 „sed

sed eos qui vocati munus illud subeunt, persequuntur, & condemnant, profecto ipsorum culpâ Ecclesia non deferenda, nec Ministris spolianda est.

Erat in animo (mi Theophile) transcribere quædam huc facientia ex Syltematibus & locis communibus Theologorum celebriorum qui confessionem Augustanam invariata sequuntur, sed metus suboritur tibi tædii sufflaminat. Confero me ad Ecclesias Reformatas: hac tamen protestatione prius factâ, quod si Durellus vel unum Theologum Lutheranum advocare possit, qui episcopum qualem prius descripsi non improbat, herbam ei porrigam.

In confessione Helveticâ quam probarunt Ecclesiæ Anglicæ, Scoticæ, Gallicæ, Belgicæ, Polonicæ quoque, Hungaricæ atque Germanicæ multæ cap. 18. dicitur disertè. Data est omnibus in Ecclesiâ ministris una & æqualis potestas siue functio: certè ab initio episcopi vel presbyteri Ecclesiam communi operâ gubernaverunt, nullus alteri se prætulit, aut sibi ampliorem potestatem Dominiumve in Episcopos usurpavit, interea unus aut certus aliquis ministrorum cœtum convocavit, & in cœtu res consultandas proposuit, sententias item aliorum collegit, denique ne quæ oriretur confusio pro virili cavit. Ecclesia Gallicana in confessione exhibitâ Carolo nono artic. 30. credimus omnes veros pastores, ubi,

„ ubique locorum locati fuerint, eadem &
 „ æquali inter se potestate esse præditos, sub uni-
 „ co illo capite, summoque & solo universali
 „ Episcopo Jesu Christo. Ac proinde nulli Eccle-
 „ siæ licere sibi in aliam imperium aut domina-
 „ tionem vindicare. In disc. Ecclesiæ Gallicanæ
 „ c. 1. art. 18. rejiciuntur nomina superioritatis,
 „ quemadmodum Seniorum Synodi, Superin-
 „ tendentium & similium: In ordine Genevensi
 „ non longe ab initio dicitur. „ Si Ecclesiam cu-
 „ piamus integram, oportet observare istam re-
 „ giminis formam sc. per Pastores, Doctores,
 „ Seniores & Diaconos. „ Confessio Belgica ar-
 „ tic. 31. „ Ubi locorum sunt verbi Dei ministri,
 „ eandem illi, & æqualem omnes habent tum
 „ potestatem, tum auctoritatem, ut qui sint om-
 „ nes æque Christi unici illius Episcopi universa-
 „ lis, & capitis Ecclesiæ, ministri. Ecclesiam Sco-
 „ ticanam ab initio floruisse sine episcopis cer-
 „ tissimum est, quicquid contra cornicatur Spots-
 „ woodus. Sub primis restructuræ illius ecclesiæ ini-
 „ tiis legimus de superintendentibus, sed qui eli-
 „ gebantur ab ecclesiis quas curabant, ac Synodis
 „ tenebantur rationem reddere omnium actio-
 „ num, quarum iudicio se se submiserunt. Imo cre-
 „ abantur isti superintendentes ab iis qui ipsi non
 „ erant superintendentes. At apud fratres Bohe-
 „ mos saltem sunt Episcopi sive vigiles, aut antisti-
 „ tes: Certe: sed qui ab Episcopis Anglicanis mul-
 „ tum distant. 1. Enim Ministrorum omnium suf-
 „ fragiis

fragilis eliguntur. 2. Dignitas eorum præ
cæteris Ministris non in honorum, aut reddituum
sed laborum, & præ aliis curarum prærogativâ
fundatur. *Qui Major est inter vos sit tanquam*
minor, & qui præcedit tanquam Ministrator.
Et juxta Apostolorum Canones Presbyter &
Episcopus unum idemque sunt. 3. Excom-
municatio Ministrî non illi, sed toti Synodo com-
petit. 4. Tenetur conseniorum judicio subesse,
admonitionemque, consilium & increpationem
admittere. In ordine Ecclesiastico Hassorum
qui prodiit. Anno 1566. agitur singulari capite
de vocatione, electione, & ordinatione Episcopi
aut superintendentis; at quale sit istius superin-
tendentis Officium discimus ex Zepero: Unum
,, quendam ministrum, ætate, eruditione, zelo,
,, pietate, experientiâ, aliisque donis spiri-
,, tualibus præstantiorem communibus suf-
,, fragiis elegerunt Ecclesiæ, qui secundum ver-
,, bi divini normam, & leges ei consentaneas, à
,, Synodo Ministrorum & Magistratu pio, tan-
,, quam nobiliori Ecclesiarum membro unani-
,, mi consensu & approbatione receptus, sine
,, primatus cujusdam, superioritaris, & Domi-
,, nii in collegas & confratres usurpatione,
,, aut e communi Ministerij ordine, officio,
,, & legibus exceptione, & immunitate, pri-
,, mariam Ecclesiarum curam humeris sustine-
,, ret. Ecquem esse putes qui contra testimo-
nia tam diserta quicquam hiscere audeat? Et
,, tamen

tamen Durellus mire sibi persuadet, si Synodus convocaretur ex reformatis ecclesiis eam pro regimine Ecclesiastico Anglicano pronunciaturam, experiamur de singulis, pag. 117. Ecclesias Belgicas approbare Hierarchiam Anglicanam quatuor argumentis contendit, sed tam futilibus, ut nauseam creatura sint, dubio procul, cordato lectori, quia tamen secundum iterum inculcat pag. 268. illud ad examen revocare non pigrabor. *Bogermannus* in Synodo Dordracenâ quoties allocutus est Episcopum *Lan- daffensem* solbat illum *præsulem reverendum & reverendissimum in Christo Patrem* salutare. Ergo Ecclesia Belgica approbat Hierarchiam Anglicanam, Ecquid non despui *Theophile*? pari ratione colligas Ecclesiam Anglicanam approbare Papatum, quia Rex *Carolus* imus cum Princeps esset, in Epistolâ quam ad Papam conscripsit, eum *Sanctissimum Patrem* compellavit, aut *Calvinum* Pontificiæ religioni addictiorem fuisse, quia *Regem Gallia* regis *Christianissimi* titulo insignivit. Ecclesiis equidem Belgicis adeo non placent Episcopi, ut ab ipsis *Inspectoribus* abhorreant, atque cum forte in quâdam Belgii Synodo mentio facta esset de iis introducendis *Sibrandus Vomelius* pastor *Frisius* ordinem *Inspectorum* integro libello exaggravavit: Anno 1605. 2^o Probat pag. 120. 121. Ecclesiam Gallicanam stare a partibus, præsulum Anglicanorum, eo quod *Joannes*, *Antonius* post colloquium *Possiacum* quam
 „ pri-

„ primum reformatam religionem amplexus
„ est, a Gallis unanimiter ut verus episcopus
„ agnitus est, & receptus. Recte, agnitus
est ut verus episcopus i. e. agnitus legitimus
verbi concionator, non agnitus est perpetuus
Presbyterii præses, multò minus ei concessum
est omnia nutu suo dirigere, non expectato
Presbyterii consensu. Incessit animum
boni viri scrupulus, an possit munus pastoris
obire, eo quod non haberet ecclesiæ & populi
confirmationem seu electionem inde (utar ipsi-
simis verbis Petri Martyris in Epistola ad Be-
zam)

*Seniores Ecclesiæ reformatæ accersivit, rogavit-
que, ut pie ac prudenter dispicerent, an eum vel-
lent eligere, & confirmare, ac pro Episcopo habere,
quod si judicarent faciendum, se daturum operam
ut sicut capit ita pergeret, ecclesiam sibi commissam
docendo & hortando, pro viribus adificare, & au-
gere, sin verò existimarent illum minus idoneum ad
tantum munus, libere atque apertè dicerent, se au-
tem paratum esse loco cedere, modo ei liceat in eccle-
siâ reformatâ vivere, juxta sanctam Evangelii disci-
plinam. Rogavit ut ea de re mature in Ecclesiâ deli-
berarent quod cum factum esset, ab omnibus unanimi-
ter ut verus episcopus agnitus est & receptus* NOV. 16.
1561.

Sed ut omnibus constet quam vel oscitanter,
vel subleste hac in causa egerit Durellus verba
ejus Anglicana, ut & Gallica, Authoris Hi-

storiarum in regno Gallia, utraque latinitate donata, & juxta se posita Lectori pensitanda exhibebo.

Durell. pag. 120.

121.

Iohannes Antonius de Illustri familiâ Coraciolorum, filius Illustr. Principis Melfensis, vir bene eruditus, cum esset Episcopus Trecensis in Provinciâ Campaniæ, convictus est de veritate doctrinæ, quam profitentur Ecclesiæ reformatæ, ast cum cuperet conversionem suam prodesse plebi suæ diœcesios, quod quidem fieri vix posse credidit, nisi ii qui jam amplexi essent reformatam religionem, sese suo regimini permitterent, eumque agnoscerent pro Episcopo & Pastore, eum in finem sese iis applicuit, qui quidem eum agnovērunt, & regimini ejus lubentissimè obtempera-

Historiæ Ecclesiasticæ

p. 767. Tom. I.

„ Sub finem Septem-
 „ bris D. Antonius
 „ Coraciolus, Epif-
 „ copus Trecensis, re-
 „ versus e Colloquio
 „ Possiaceno (ubi ut.
 „ cunque profecerat)
 „ sollicitatus a quibus-
 „ dam Principissis, a-
 „ liisque dominis Au-
 „ licis, comparuit co-
 „ ram Synedrio Ec-
 „ clesiæ Trecensis,
 „ errores solenniter
 „ agnoscens, ac ro-
 „ gans ut ad mini-
 „ sterium admittere-
 „ tur, quâ de re cum
 „ contrariæ essent Sen-
 „ tentiæ, aliis existi-
 „ mantibus magni usus
 „ futurum eum in Pon-
 „ tificiis ad suas partes
 attrah-

vunt, hæc eorum submis-
 fio approbata est unani-
 miter, ab omnibus eorum
 fratribus, ut & à Petro
 Martyre, cum pertransi-
 ret illud oppidum in redi-
 tu a Colloquio Possiaco.

„ attrahendis, aliis ve-
 „ rò (nec sine causa)
 „ suspectam habenti-
 „ bus levitatem & vi-
 „ tam impudicam hu-
 „ jusce Episcopi huc
 „ usque nimis notam,
 „ conclusum est, exquirenda esse suffragia mi-
 „ nistrorum, qui adhuc congregati erant Pos-
 „ siaci, quibus utcunque perplexis propter va-
 „ rias circumstantias, quæ publicabantur,
 „ consilium petatum est ab Ecclesiâ Genevensi,
 „ cujus opinio Scriptis consignata reperitur in
 „ Latinis Responsionibus Joh. Calvini, inte-
 „ rea Trecis transivit magnus ille vir Petrus
 „ Martyr, rediens Possiaco ad suam Ecclesiam
 „ Tigurinam, cujus consilio Episcopus factâ
 „ abjuratone & subsignatâ confessione fidei,
 „ postquam promississet (N. B.) se Episcopa-
 „ tum suum deserturum admissus est ad mini-
 „ sterium, non tamen sine contradictione, nam
 „ ei se opposuit unus Pastorum nomine Petrus
 „ L' Roy, nihilominus deserto Episcopatu, ac-
 „ ceptis quibusdam pensionibus, quas regina
 „ ipsi concedi jussit, concionatus est, sed verbis
 „ abundabat magis quam ullâ aliâ re. Verum
 „ pessimè postea se gessit, ut dicetur suo loco,
 „ sed quicquid fuerit Ecclesia Trecensis crevit.

At obstrepit infœlix Durelli ingenium ex
 Thuano Tom. 2. ad Anno 1561. *Præsules*

Pontificios exemplum veritos apud Regem pervicisse ut hic Antonius dignitate moveretur; Bene habet erat quod exemplum vererentur, si enim hoc obtineat nullos Episcopos ritè vocari, nisi qui Seniorum & Plebis suffragiis fuerint electi, actum planè est de Papa Romano, actum de Episcopis Papanis, actum etiam de Episcopis Anglicanis, in quorum electione & vocatione, quam nullæ sint partes Seniorum vel plebis nimium notum est, verebantur etiam præfules ne assiduitate Antonii in prædicando Evangelio, illorum vel fugilletur negotium, vel damnetur otium, atque utinam non esset, cur & nostri præfules hac ex parte pertimescerent, certè priusquam grassaretur apud nos bellum Civile, adeo eviluit inter Episcopos prædicandi munus, ut quidam ex iis Usherum Archiepiscopum Armachanum eo quod in concionibus frequens esset, non erubesceret appellare A Praetor Coxcombe quâ phrasi nihil est apud nostrates ignominiosius: alter adhuc superstes (& superfit precor dum pœnitentiam egerit) ausus sit, Deo gratias agere quod nullam per totam suam diœcesin Lecturam haberet, & pastorem quendam suspendere ob habitam tempore pomeridiano dici dominicæ concionem Funebrem; & ne videantur sine ratione insanire prætexunt, prædicationem, necessariam fuisse quidem cum in cunis vagiret Ecclesia, non tamen adeo necessariam esse postquam adoleverit: Nimirum sufficit hodie ad ingenerandam & fov-

ven-

vendam pietatem, si scriptura sacra absque omni
 enarratione legantur, Quæstiones & Responsio-
 nes Catecheticæ nude recitentur, Preces Com-
 munes fundantur, hinc sollicitè cavetur ne pre-
 ces istæ, sed conciones potius decurrantur.
 Non ea erat mens antiquorum nostrorum
 Theologorum, a quibus approbata est Helve-
 tica Confessio, quæ sic statuit c. 23. „Modum
 „esse decet ut in re qualibet, ita & in precibus
 „publicis, ne nimis fiant prolixæ & molestæ,
 „cedant ergo potiores partes in cæteris sacrae
 „Doctrinæ Evangelicæ, caveaturque ne nimis
 „prolixis precibus fatigentur in cœtu populi,
 „ut cum audienda est prædicatio Evangelii, vel
 „egredi ex cœtu, vel hunc in universum solvi
 „cupiant defatigati: Male metuo ne & ipsæ preces
 communes in contemptum abeant, & ceremoniis
 choreisque cedant, refert enim, R. A. (Theo-
 logus si quis alius mentiri nescius) in vindiciis pie-
 tatis pag. 132. - Liturgicum quendam pro concione
 dixisse in Templo Beatae Mariæ Oxoniensi observa-
 tionem diei dominicæ sitam esse in officiis partim cere-
 monialibus, partim substantialibus: Prædicatio,
 inquit, est ceremonia religiosa, oratio est ceremonia
 religiosa, sed genuflexio ad nomen Iesu, statio dum le-
 guntur Symbola & Evangelia, pia & religiosa epula-
 tiones, pia & religiosa saltationes, sunt substantialia
 diei Dominicæ. Et Episcopus ille de quo supra
 memini, præcepto suo diligenter cavit, ne Presbyteri
 auditores suos in legendis precibus nimis diu detine-

rent quo vacarent encaniis celebrandis, in encaniis autem (vulgo Wakes) luxu diffluere & plane Bacchanalia vivere solet populus Anglicanus.

At de diverticulo in viam. Petrus Molinæus (ait Durellus pag. 150. 260.) in Theſibus Sedanensibus asserere non dubitavit *Episcopos Anglia post conversionem ad fidem, & ejuratum papismum fuisse fideles Dei servos, nec debuisse deserere vel munus, vel titulum Episcopi.* Rectè quidem Molinæus. Non debebant munus & titulum Episcopi deserere, i. e. non debebant omnia ad se rapere, sed assiduo concionari, & potestatem, tum ordinis tum jurisdictionis cum Presbyteris communicare, hoc si facerent de titulo Episcopi nullam iis litem moveremus.

3. Probare satagit Durellus ecclesiam Genevensensem quæ Presbyterianismi vulgò parens creditur, Hierarchiam Anglicanam non damnare pag. 150. 151. &c. eo quod senatus populique Genevensis responderit. *Duci Sabaudico, Episcopo reditum liberum fore, modo sui nominis memor Episcopum secundum Dei verbum agere velit.* Quis quæso Presbyterianus tantundem non diceret? ne tamen nimium tribuisse videretur Durellus Ecclesiæ Genevensi addit. pag. 160. *se vix posse condonare ei quod in locum Episcopi ejecti alium non surrogaret, nisi moveret eum auctoritas Hookeri, qui pronunciat ad id sufficere, ut in isto rerum statu crearetur novus Episcopus.* Magnas sane Durello debent gratias Genevenses quod non

non credat eos obligari ad impossibile. Verum cum Hookeri *adversarius* sit merum figmentum ex manifestâ *incongruitate* natum, non magis rediit in gratiam Ecclesia Genevensis cum pastore Sabaudiensi, quam cum duce Sabaudiensi, sed nec opinor redibit.

At Calvinus regimen Hierarchicum approbavit maxime, & credidit, illud prout indubie est, institutionis esse Apostolicæ Durell. pag. 161.

Obstupuisti opinor (Theophile) cum hæc legeres, & vox faucibus hæsit. Num Calvinus quem ut magistrum suspiciunt Presbyteriani, in cuius manes tam impotenter debacchantur Hierarchici, Episcopatum institutionis esse Apostolicæ credidit? hoc si probatum det Durellus ad Pollinctorem mittat illicò, qui Ministrorum *interdictionis* funus faciat, & disciplinam Genevensem efferrat ac condat. „Huc (inquit „spectare videntur, quæ scripsit, Calvinus „ad Sadoletum Cardinalem, disciplinam qualem habuit vetus Ecclesia nobis deesse, neque „nos diffitemur, sed cuius erit æquitatis nos „eversæ disciplinæ ab iis accusari, qui & eam „soli sustulerunt penitus, & cum postliminio „reducere conaremur, nobis hætenus obstiterunt. Quantum ergo audio regimen Hierarchicum, est disciplina illa quam soli Papani sustulerunt, & quæ ne in ecclesias Reformatas reduceretur obstiterunt. Ecquid erat sanum sinciput Durello quum hæc scriberet? Sed laudat etiam epistolam ad veterem amicum

tunc præfulem pag. 162. in eâ scribit Calvinus
*Episcopatum, a Deo profectum esse, & episcopi
 munus Dei auctoritate constitutum & legibus defini-
 tum.* Certe, episcopatus, Calvino erat juris
 divini sed episcopatus gregis, non, cleri. Non-
 dum finis nugandi, provocat enim pag. 163.
 ad epistolam quam Serenissimo Poloniæ regi
 inscripsit Calvinus, in quâ fatetur veterem
 „ ecclesiam Patriarchas instituisse, & singulis
 „ etiam Provinciis quosdam attribuisse prima-
 „ tus, ut hoc concordia vinculo melius inter
 „ se devincti manerent Episcopi, quemadmo-
 „ dum si hodie illustrissimo Poloniæ regno
 „ unus præesset Archiepiscopus, non qui Do-
 „ minaretur in reliquos, vel jus ab illis erep-
 „ tum arrogaret, sed qui ordinis causa in Sy-
 „ nodis primum locum teneret, & sanctam
 „ inter collegas suos, & fratres unitatem fo-
 „ veret. Essent deinde vel Provinciales, vel
 „ urbani episcopi, qui peculialiter ordini con-
 „ servando intenti forent. Sicuti hoc natura
 „ dictat unum ex singulis collegiis deligendum,
 „ cui præcipua cura incumbat. Verus ecclesia
 (bone Durell.) non est Apostolica ecclesia,
 unicum hoc tibi possit sufficere, sed respondeat
 amplius pro Calvino Witak: contr. 4. qu. 1.
 cap. 2. *Dat quidem Calvinus fuisse olim in singulis
 Ecclesiis Episcopos singulos, in provinciis Archiepis-
 copos, & Patriarchas, sed nullum hic Calvinus, aut
 Episcopis aut Archiepiscopis Principatum, vel Domi-
 nium in reliquos fratres tribuit. Imo respondeat
 ipse*

ipse Calvinus Inst. lib. 4. cap 4. „ Non sic
„ honore, aut dignitate superior erat Episco-
„ pus, ut Dominium in collegas haberet, sed
„ quas partes habet consul in Senatu, ut refe-
„ rat de negotiis, sententias roget, consu-
„ lendo, monendo, hortando aliis præeat, au-
„ thoritate suâ totam actionem regat, & quod
„ decretum communi consilio fuerit, exequa-
„ tur, id muneris sustinet Episcopus in cœtu
„ Presbyterorum, atque id ipsum pro tempo-
„ rum necessitate fuisse humano consensu indu-
„ ctum fatentur ipsi veteres. Ab eodem Cal-
„ vino in 1. Cor. 5. profecta illa vox quam au-
„ res Durellianæ nequeunt ferre. A Christi,
„ Apostolorumque instituto, ab ordine ec-
„ clesiæ, ab ipsâ denique æquitate alienum est,
„ penes unum hominem hoc jus deponi, ut
„ quos velit arbitrio excommunicet; legantur
quæ ibi sequuntur, quæque commentatus est
idem in Actor. 15. concederet Calvinus quod
& nos concedimus, ut ille cui omnium consen-
su præsidendi partes delatæ sunt honoris præro-
gativâ cæteris antecellat, nullam unquam ag-
noscit ~~æstipia~~ potestatis, sive functionis, &
muneris distincti, nec nos agnoscimus. Ea-
dem *Clarissimo Beza* mens quem frustra ad par-
tes suas sollicitat Durellus pag. 167. 168. nul-
libi ille, ordinem quem præci apud se ædifican-
dis Ecclesiis accommodum putarunt, insectatur,
sed tamen ordinis hujus in superioritatis & im-

perii gradum mutationem passim damnat. Nimis notum hoc ex tractatu, quem de diversis ministrorum gradibus inscripsit. Hac unâ observatâ distinctione sordent quæcunque vel ex Bucero, Zanchio, Amyraldo, Ludovico Capello, Danao, Bullingero, vel Principe Anhaltino, Iacobo Lectio, Causabono, Salmasio ad Episcoporum ~~communio~~ statuminandam adducit Durellus, cui solens est testimonia numerare potius quam ponderare. Bullingerum, & Martinum Bucerum non alias assignare Episcopo partes, quam assignavit Calvinus disco ex Gersone, Bucero pag. 290. 291. ab hisce diversum non abire Hieronymum Zanchium constat ex eodem pag. 292. 293. Petrus Martyr summe laudat Apologiam pro Ecclesiâ Anglicana ab incomparabili Juello conscriptam hinc infert Durellus eum Hierarchiam Anglicanam approbasse, ut & omnes ritus, ac ceremonias in ea institutas p. 252. At si Apologiam illam perlegisset ejusque defensionem, non ignorasset a Juello purgari Aerium ab Hæresi, & discrimen inter Episcopum & Presbyterum ab humanâ institutione derivari. Capellus vero & Amyraldus in Thesibus Salmuriensibus de diversis ministrorum gradibus, & excommunicatione datâ operâ probant, neque potestatem ordinis, neque jurisdictionis solis Episcopis competere. Legantur istæ theses ut de immani Durelli audaciâ constet.

At nihildum responsum est Spanhemio &
Dio-

Diodato. Nec est quod respondeatur. Spanhemius (de quo Durell. pag. 170.) Usserium (quem inter veros Hierarchicos collocandum sæpius tunc negat Heylinius, quique nullis quam Presbyterianis flebilior occubuit) Reverendissimum Amplissimumque Præsulem, & totius Hiberniæ primatem salutatur, precaturque ut Ecclesiarum Præsulibus sua constet autoritas, ego identidem precor ut Præsulibus Ecclesiæ suæ constet autoritas. Qui enim *bene præsumunt digni sunt duplici honore*, præsertim qui *laborant verbo & doctrinâ*. Nec habent Præsules Anglicani paratiorē ad *ὑποταγήν* suam retinendam viam, quam si illam cum prædecessoribus suis agnoscant, esse juris tantum ecclesiastici. Nam ut arcus nimiam intensiōe frangitur, sic & illi nimium intendentes suam auctoritatem & dignitatem eā penitus exciderunt, instar Cameli in fabulâ, qui quod cornua affectasset, etiam & auribus mulctatus fuit. Diodatus illud unum profitetur, horrore eum & socios confusos fuisse ad versam pulcherrimam inter nos, Ecclesiæ faciem, dum concursus bellicos, & ferales populi cum Rege & ovium cum aliis ovibus, imo & cum pastoribus audirent referri. Hinc cernimus (inquit Durellus, pag. 172.) magnum hunc & pium virum obstupuisse ad versam subito pulcherrimam Ecclesiæ nostræ faciem, & cohorruisse ad auditam ovium contra pastores suos rebellionem, per pastores intel-

tellexit Reverendissimos Episcopos, nam
 contra eos intentata erat horribilis rebellio in
 hac ecclesiâ, quod omnibus innotescit. Sc.intellexit pastores dictos à non pascendo, quorum
 nomen nunquam plebs audiverat, per quos stetit,
 ne pastores proprios audiret. Nihil Diodatus de
 horribili rebellione, nihil de rebellione, sed nec
 potest esse rebellio apud Anglos nisi contra su-
 premam potestatem. Sin occurrat in Diodati li-
 teris Genevæ conscriptis, quod Hierarchiæ An-
 glicanæ faveat, datæ sunt ab aliarum Ecclesiarum
 Pastoribus epistolæ ad Theologos Westmona-
 sterienses, quæ gratulantur iis feliciter exantla-
 tum laborem in abolendis Episcopis & Ritibus.
 Excudentur brevi quod voveo pariter & spero
 ex omnes uno volumine. Interim commen-
 datissimas haberem literas Ecclesiarum Wala-
 chrianarum quas considerationi suæ quarun-
 dam controversiarum præfixit Gulielmus
 Apollonius.

Quid plura? Episcopatus Anglicanus adeo
 non placet transmarinis, ut nostris Theologis
 Politicisque vehementer displicuerit. Lati-
 merus, Hooperusque erant inter Episcopos, at
 uterque damnat Episcopos, qui sese negotiis
 secularibus ingerunt, & jurisdictionem tem-
 poralem exercent. Hic in commentario super
 Decalogum, ille in concionibus de Aratro: At
 hodierni Episcopi Barones sunt, & præceden-
 tiam habent præ aliis regni Baronibus, non
 modo

modo in privatis congressibus, sed etiam in supremo regni concilio, *Parlamento*. Non inep-
tos se putant quibus officium Eirenarchæ Cu-
stodis magni ligni, Eleæmosinarii, Consiliarii,
secretioris demandetur. De singulari exercitio
potestatis, aliorumque deputatione ad ejusdem
exercitium audiatur Baconus non hominis sed
scientiæ nomen.

*Due sunt, inquit, circumstantiæ in Episcoporum
administratione, in quibus nunquam mihi satis fuisse
factum confiteor. Vna est, singulare exercitium
authoritatis, altera ejusdem deputatio. Quod ad
primam, Episcopus confer: ordines solus, excommu-
nicat solus, judicat solus. Hoc videtur esse absque
omni fere in regimine exemplo, & proinde verisimile
est irrepsisse degenerantibus & corruptioribus seculis.
Videmus summos Reges & Monarchas suum habere
Consiliarium senatum. Nulla est Curia tempo-
ralis altioris naturæ ullubi, ubi autoritas in unius
persona residet. Bancus Regius, Bancus communis
communium placitorum, & scaccarium (Uti-
tur translator juridicorum stilo sicut Camdenus in
Britannia) sunt Banci vel fora plurium definito
numero judicum. Cancellarius Angliæ habet para-
stasiam duodecim Magistrorum Cancellariæ. Ma-
gister generalis Curie Wvrdorum habet Curie sua
senatum, sic & Cancellarius Ducatus. In scacca-
rio Dominus Thesaurarius cum Cancellario &
Baronibus conjunguntur. Magistri Requestarum
semper uno plures. Assissarum justitiarum semper duo.
Dominus*

Dominus præses in limitanea regione & plaga Septentrionali habet senatum: Camera stellata est cæteris consiliariorum Regis, Dominis spiritualibus & temporalibus aspersus. Ita ut in omnibus Curiis qui præcipuus, semper habeat Collegas, aut Assessores. Simile reperiri potest in aliis rite administratis apud exteros regnis, ubi jurisdictio adhuc magis distribuitur, ut in Curiis Parliamementorum Gallia & aliis locis. Nemo negabit actus, qui exercentur per jurisdictionem Episcopi non minoris esse momenti, quam qui in civilibus Curiis. Nam hominum animæ majoris pretii sunt quam corpora, sic etiam existimatio. Habent suas infirmitates Episcopi, nec exempti sunt à communis illa maledictione in omnes viventes denunciata, Væ soli, nam si ceciderit, &c. Imo autoritas causarum Spiritualium primum concessa, pluribus commendatur, dic Ecclesia, quod non fit in temporalibus. Et in causis communibus Ecclesiastici regiminis habentur totius Cleri conventus in Conciliis, aque ac ordinum in Comitibus. Vnde igitur singulare istud jurisdictionis exercitium? Certe judico, & non absque ratione, ut arbitror quod ab initio non fuit ita, & quod Decanus & Capitula erant Concilia juxta Episcoporum sedes & Cathedras, erantque illis Presbyteria & Consistoria, & immiscuisse se non modo reddituum & bonorum administrationi, sed etiam & multo magis jurisdictioni Ecclesiastica. Sed illud probabile est & Decanum & Capitulum, in rebus quæ lucrum & mundum spectabant, pertinacius adhasisse Episcopo, nec suum jus amittere voluisse, sed quod ad jurisdicti-

onem

onem quia aestimabant rem laboris & assidue inspecti-
onis plenam, permiserunt Episcopo irreptare, &
usurpare, idcirco durat unum, interiiit alterum. Et
videmus Pontificem Romanum (fas est ab hoste doceri,
& absque dubio prima illius Ecclesiae instituta erant
praestantissima) omnem Ecclesiasticam jurisdictionem
exercere quasi in Consistorio. Et ex quibus consistit
istud illius consistorium, nonne presbyteris Paractanis
Roma, qui se Cardinales indigitant, à Cardinibus
mundi, quia venditat se universalem totius orbis
Episcopum. Atque iterum quasdam ejus umbras
durare videmus, in quantum Decanus & Capitulum
pro forma eligunt Episcopum, quod in jurisdictione
summum est, & quod, quando Episcopus confert or-
dines, si qui fortuito adsunt Presbyteri advocat, ut
una cum ipso manus imponant, & quaedam alia par-
ticularia sunt. Idcirco id videtur mihi pium &
aequum, & prima institutioni consentaneum, ut
Episcopi in causis gravioribus, & quae spirituales
postulant dijudicationem, ut ordinatione, suspensio-
ne, deprivatione Ministrorum, excommunicatione
ad genuinum & proprium usum restituta, ut post in-
dicabitur, sententia ferenda in validitate matrimonii
& legitimatibus, judicio causarum criminalium,
ut simonia, incestus, blasphemiae & similia, non
soli & absque assistentia procedant. Qui arti-
culus reformationis talis est ut institui possit sine stre-
pitu, & res illius naturae quae addet robur Episcopis
gratiam conciliabit inferiorum graduum Prelatis,
& feliciorem processum & determinationem causa-
rum

rum, quæ agitabantur. Et ut optarem robur illud addi Episcopis tuis in senatu, ita non indignum est Majestatis vestræ Regiæ pensiculatione, num convenire judicaverit corroborandum generale Cleri consilium domum Convocationis, cujus potestas tunc cum pars Regni suspecta erat, ob homagium non multos abhinc annos præstitum Pontifici Romano, cohibita fuit, qui ordo nulli jam cedit in fide & obsequio erga Majestatem vestram.

Quod ad secundam circumstantiam, nempe deputationem authoritatis ipsorum, attinet, neque illius certum & firmum fundamentum video, ut quæ ab exemplis & regulis recti regiminis aliquantulum discrepet. Episcopus exercet jurisdictionem suam per Cancellarium, Commissarium, Officiales &c. Videmus in omnibus per orbem legibus munera quæ requirunt peritiam & fidem, non transferri aut exerceri per deputatum; nisi expresse contineatur in Originali & eo casu habetur legitimum. Nullus unquam judex in ullo foro constituit vicarium. Episcopus est judex, & quidem naturæ sublimioris. Vnde igitur provenit, quod alium surrogat cum fiducia omnis, ut dictum, sit personalis & inherens, nec in alium transferri possit. Certe quod ad istud etiam, ab initio non fuit ita. Sed probabile est cum Episcopi nimium se addicerent pompæ hujus sæculi, & evaderent Magnates in Regnis, Principum Consiliarii, delegasse jurisdictiones quæ magis propriæ erant, ut res conditionis longe inferioris, quam quæ amplitudinem illustrarent, & tunc instar Regum & Comitum Palatinorum volebant habere

Cancellarios & iudices. Sed exemplis Regum & Magnatum se tueri jure non possunt. Nam duæ sunt rationes, ob quas Reges administrant jus per iudices suos, licet ipsi sunt summi iudices. Prima est, quia officia Regum sunt maxima ex parte hereditaria: Et est regula juris, quod officia hereditaria sunt res, quæ magis interesse quam fiduciam sonent, quippe quæ mulieribus, infancibus, lunaticis, idiotis, aliisque, quæ inapti sunt ad jurisdictionem per semetipsos exercendam, deferri possunt, & proinde secundum omnes leges talia per delegatos administrari possunt. Secunda ratio est propter jurisdictionis suæ amplitudinem quæ tanta est, quantam vel Natalium à majoribus, aut à Deo gladii jus effecerit. Idcirco Moses, qui gubernator erat populi non adeo numerosi ejusque congregati una in castra, non per provincias & civitates dispersi, & ipse spiritu extra ordinem instructus, non tamen par erat solus regendo per se populo, & iudicium ministrando, sed, consilio soceri sui Iethronis à Deo probato substituit seniores & iudices: multo magis id possunt alii Reges & Principes. Est & alia tertia ratio à presenti instituto non valde aliena, nempe quod Reges vel Rerumpubl. suarum respectu, vel patrimoniorum suorum amplitudinis ratione, sunt plerumque in causis partes, & tunc iudices stant medii inter eos eorumque subditos. Sed in Episcopo nihil horum firmiter est. Nam primum munus est electivum & ad vitam, non patrimoniale, nec hereditarium, minus peritia, fiducia & domus idoneis dignum, quod ad secundam rationem, verum est, jurisdictio-

mem ipsorum esse latam & amplam, & quod hora
 ipsi dividenda sunt secundum operam neuandam tam
 in verbo & doctrina, quam in iurisdictione & regi-
 mine. Non tamen capio, posito, quod iudicia in
 Curia administrantur sincere & absque artibus obli-
 quis excogitatis ad multiplicandas causas obseodorum
 seu Salaxiorum questum, quin tamen Episcopus in
 causis maioris momenti per se iudiciali munere fungi
 possit. Nam oculis nostris cernimus Cancellarium
 Anglia expedire causas aquitatis totius regni, quod
 non provenit à præstantia persona honoratissima,
 illius, qui nunc locum illum possidet, sed semper
 ita fuit, quamvis magis aut minus onerosam litiganti,
 quo magis vel minus valebat ille causas expediendi
 facultate. Si, quod ante dictum, oportere Epis-
 copum laborando in Sermone & doctrina horas, ut
 plurimum, collocare, retorqueatur, rehero, &
 Cancellarium negotiis Regni maxima ex parte otium
 suppeditasse, quippe, qui plerumque tales erant,
 ut in ipsorum consilia Reges nostri maxime recum-
 berent. At Episcopus, cuius ditio non tam ampla,
 nec lites adeo multiplices, ubi referendi beneficium
 & certiore reddendi per libellos ultro citraque missos
 inter rixos delectos & idoneos ad actionum processus
 maturandos, aliaque adjumenta, que ordinarie
 occurrunt, in iurisdictione, obvia sunt, ipse munus
 suum obire potest. Est & aliud adminiculum. Cause
 ad eum delatae sunt de decimis, legatis, honorum
 administratione, aliisque rebus testamentariis, item
 matrimonialibus, ministrorum accusationibus ad
 suspensam

suspensionem, deprivationem, aut degradationem tendentibus, simonia, incontinentia, hæresi, prophanatione Sabbati, & id genus aliis, quæ aliis offendiculo sunt. Harum dua prima, meo iudicio, cæteris absimiles sunt, nempe de decimis, & testamentariis. Sunt enim res natura sua temporales & emolumentum asserunt, licet temporalium iudicium benignitate & venia permissum fuerit Curis Ecclesiasticis ius se immiscere. Prioribus, ut Clerici possent contendere coram iudicibus suis pro eo quod ad sublevandæ vitæ subsidium datum erat. Posterioribus, quia defunctorum Testamenta exequutioni mandanda curare opus pium habebatur, sed quod ad illas duas attinet, potest Episcopus absque graviore ullo periculo deonerare in iudices ipsius ordinarios. Existimo etiam sic futurum, ut lites illæ majorem numerum conficerent. Quod cæteras attinet, quæ peritiam & dijudicationem spiritualem desiderant, ratione naturæ ipsarum, aut offendiculi quod ex eis oritur æquum est, meo iudicio, ut audientia (sic Canonistæ de iudicio Episcopali, loquuntur) non nisi per Episcopum ipsum concedantur, adhibitis ut ante subindicatum, parastatis. Necessarium etiam esset, ut Cancellarius, aut alius qui simili sub Episcopo fungitur munere, juris civilis peritus, ipsi vacaret ad eum erudiendum in formulis juris & praxi Forensi Curia: quod si fieret minus necessaria esset Officialis Curia de qua toti jam excitantur querelæ. Si causæ illius generis ante dictæ ad Episcopalem Audientiam deferrentur nugatoria lites reprimerentur, & causæ

competentes majori gravitate & sinceritate disceptarentur.

De eo vero quod formulæ procedendi, & processus in curiis ecclesiasticis, sint sub Episcoporum nominibus audiatur D. Franciscus Knollius, in literis ad Honoratissimum D. Robertum Cecilium.

Quo certior faciam dominationem vestram quid hoc præsentè Parlamento præstitèrim adversus dominium quod indebite sibi vendicant super fratres suos Episcopi, sic habe. Quia membrum eram Parliamenti quod vicesimo quinto Henrici VIII. confedit, quum totus Clerus, tam Episcopi quam alii sese humiliter submitterent Henrico VIII. ejus suprematum faterentur, Romani Episcopi auctoritatem detestarentur, quâ submissione factâ Rex demandavit prædictis Episcopis idem amplum dominium quod sub Papâ exercuerant nisi quod dominium illud coarctatum fuerit per hanc sequentem Parenthesin insertam statuto (modo nihil fiat contra Regiam prærogativam Coronæ Angliæ, & leges atque consuetudines Regni, additâ in fine statuti hæc clausulâ si qui offendant contra vel unam partem istius statuti, illi, ut & ii qui ipsi assistentes consilarii, manutinentes fuerint, incurrunct pœnam Præmunire, post recitatum hoc statutum in domo Parliamenti, declaravi, quod posterioribus temporibus Henrici VIII. nullus Episcopus exercuerit dominium supra fratres. Tempore vero Eduardi VI. statutum erat ut Episcopi non suos sed Regio nomine curias tenerent. Quod statutum abrogatum erat Anno 10 Mariæ, & nondum redintegratur, adeoque mihi dubium esse quâ freti auctoritate Episcopi suo nomine curias teneant, quia derogat prærogativæ Coronæ Angliæ, ut quis curiam teneat non munitus sufficiente auctoritate à Coronâ, derivata. Responsum est, Episcopos hodie curias tenere virtute præscriptionis. Et illud sanè verum est,

Epi-

Episcopos posse præscribere, Regem Henricum VIII. concessisse iis ut exerçant eandem auctoritatem, idem dominium, quod sub Papa exercuerunt. At hoc non erat auctoramentum speciale quo muniti curias tenerent, idque suo nomine, & tamen uullo alio auctoramento (quod sciam) muniti, suo nomine curias tenent, ea causa cur petentibus ipsis statutum fuerit, ut regio nomine curias tenerent, mira vero allegatio est, Episcopos arrogare sibi in præsentiarum auctoritatem tenendi curias suo nomine ex præscriptione quia statutum conditum 25. Henr. VIII. inhibet generaliter ne offendant contra prærogativam Reg. Cor. Ang. leges & consuetudines regni, nemo autem curias tenere potest speciali auctoramento à Corona derivato, non præeunte, quod prius dictum est. Generalis libertas concessa. Episcopis per H VIII. regere & dominari eo more quo solebant sub Papâ, non sufficit, ut possint Episcopi curias tenere suo nomine ex præscriptione. Quare prudenter fecissent Episcopi, siquidem procurassent ut statutum conderetur quo muniti curias tenerent Regio nomine quod factum est ab Episcopis regnante Eduardo. Quo tempore Cranmerus accersivit Martyrem & Bucerum collocandos in Academia, ad melius erudiendam Academiam in verbo Dei. Evexit ad dignitatem hosce doctos viros nihil sibi arrogans dominii in fratres, fuerunt illa tempora, cum nemini quicquam à Coronâ derivari possit per verba generaliter concepta, sed in omnibus concessionibus requirebantur verba specialia. Quare prorsus non assiquor quo warranto Episcopi curias suo nomine teneant ex præscriptione. Quod vero dicit dominatio vestra, Episcopos non amplius vendicare sibi dominium in fratres Jure Divino, illudque acceptum referre Regiæ Authoritati, hoc si verum sit, palinodiam canat oportet, Archiepiscopus Cantuariensis, revocetque quod scripsit in magno illo libro contra Cartwrightum in eo enim disertis verbis ait, superioritatem Episcoporum Divini Juris esse. Quæ assertio plane evertit Regiæ supremum dominium

quare revocata est, idque merito. Christus enim verè proficitur Joh. 18. 36. Regnum suum de hoc mundo non esse. Quare nullum tribuit mundanum regimen, aut præminentiam Apostolis, sed spirituale regimen sc. in prædicando Euangelio. Dixit enim ite & prædicate per totum orbem, qui credet & baptizabitur, salvabitur, qui vero non credit, damnabitur, Marc. 16. 15. 16. Vociferantur vero Prælati dicentes Cartwrightum & ejus sequaces nullum ferent Regimen, &c. Unde probabiliter colligi potest Episcopos nullum administrare regimen nisi mundanum & coactivum quale Apostolis nunquam tribuit Christus, sed subjecit eos regimini Principum quibus resisti non debet, licet quidem iis principibus respondere Deo potius quam homini parendum esse, Act. 5. y. 29. Principi vero non debent resistere, sed crucem assumere, & Christum sequi.

Restat ut Schoockium ad partes vocem; ille autem in exercitatione suâ de regimine Presbyteriali nobis, *πολὺν χρόνον ἀγχιῶν*, in eâ sum (inquit. pag. 172.) & semper fui, sententiâ, secundum scripturas. 1. nullum discrimen intercedere inter Presbyterum & Episcopum, multo minus hunc illo superiorem esse, neutiquam autem hinc vindicari posse aliquid secularis potestatis: ad hoc existimo regimen Presbyteriale, quale in Ecclesiis Belgicis receptum est, juri divino per omnia consentaneum esse pag. 174. optat ut in omnibus Ecclesiis orthodoxis æqualitas æque locum habere possit, atque in ecclesiis Gallicis & Belgicis constantissime observatur. Quid ergo est quod virum Reverendum male habet? Quod quidam non contenti propugnare Presbyteriale regimen, & æqualitatem Ministrorum simul speciatim stilum suum dirigant adversus fratres arguendo quasi episc-

episcopatum Anglicanum, aut *regimen Ecclesiæ Palatine*. Factum hoc ait, à Voetio & sequacibus, at audi quæso clarissime Schoocki *Collega tuus plurimum honorandus* calamum strinxit adversus *Prideauxium* Episcopum Doctrinæ orthodoxæ tenacissimū, nec potest quis propugnare Presbyteriale regimen nisi insurgat in Ardeliones Anglicanos, qui *episcopatum ad ipsum esse Ecclesiæ necessarium esse altâ voce cornua, quæ vincatque tubas*, clamant. Ecclesia Palatina fruatur quod per presbyterianos licebit, suo regimine, quæ tamen si omnimodâ æqualitate gauderet, firmius muniretur contra molimina ambitionis & typhi secularis.

Valeat doctissimus Schoockius, & si nolit cum gementibus congemiscere, saltem desinat in concionatorum Anglorum nomina temere involare. Neque enim (quod in præfatione suggerit ille iniquissime) recta viam ad Enthusiasnum sternunt, aut ex quibuscumque locis Scripturæ ad modum textuum arreptis quidlibet colligere instituunt: sed post singulorum verborum sensum diligenter excussum, doctrinam aliquam è textu eliciunt quam postea exponunt, scripturis rationibusque confirmant, & demum auditorum usui per variam applicationem attemperant. Sux certe famæ pessime consulit quisquæ concionatores Anglicanos, aut eorum imitatores vilipendit. Nulli cœlestē spartam prædicandi Euangelium scilicet or-

narunt. Adeo ut Baconus nostras non dubitaverit dicere ex scriptis Theologorum Anglicanorum compilari posse Systema Theologiæ practicum superaturum omnia quæ adhuc extant. Quod idem tantum non clamant crebræ librorum nostrorum in omnes pœne linguas translationes. Ego celeberrimo Professori nihil derogō, sed nec tantum tribuo, ut non credam sexcentos esse, vel è plebe nostrâ Christianâ à quibus perfectius edoceri possit quæ sit via Christi. Dicam verbo Puritanus Anglus neminem habet inimicum præter *carnalem* aut *animalem*.

Vides jam tandem (vir amicissime) quantum mihi debeas, qui tuo suasu devoravi tedium refutandi paralogismos Durellianos. Si quid reponatur tuum erit de replicatione prospicere. Quum enim morbi quibuscum in dies conflictor moneant exiguam portionem hujusce vitæ mihi superesse, religio est in hujusmodi naniis rei pretiosissimæ ulteriorem jacturam facere. Dum operam impendo abstergendis calumniis parasitorum, sentio minui mihi aliquâ ex parte tranquillitatem animi, & perire dulcedinem studiorum. Nec dubito quin ex hujusmodi conflictationibus sædam voluptatem capiant maleferiati papistæ & sectarii quibus nollem ego exultandi materiam subministrare. Anglicanam Ecclesiam veram Christi Ecclesiam esse pertendo, prædicantur in eâ
om nia

omnia capita fundamentalia fidei Christianæ,
& quidem ita fideliter prædicantur a nonnullis
Conformistis, ut non dubitem me istorum cæ-
tibus adjungere. Aliud est Liturgiam & Cere-
monias in eâ præscriptas subscriptione non ap-
probare, aliud cum Liturgicis nullam commu-
nionem colere, a separatione æque ac a supersti-
tione metuo. Percussit Deus Pastores, & disperguntur
oves, Tu vero quem ut animarum nostrarum episcopum
suspiciamus, & ~~δεξιτερὰ~~ *δεξιτερὰ* faxis ut desleamus illa pec-
cata ob quæ meruimus de vineâ tuâ ejici, ut super cu-
stodiam nostram stemus & figamus gradum super mu-
nitionem, & contemplemur, ut videamus quid dicatur
nobis, & quid respondendum sit, ad arguentem
nos. Effunde etiam spiritum amoris, & Caritatis
ut non modo inter nos non dissentiamus, sed & hostes
insensibilissimos animitus diligamus. Gregem quoque
nobis a te commissum consiliis tuis dirigas, ne nugis
ceremoniarum dediti, simplicitatem Evangelii tuî
fastidiant. Sanctificemur & mundemur omnes
τῷ λόγῳ τῷ ὁδοῦ & ἐν ἡμῶν quo tandem sistamur pa-
tri, Ecclesia Magnifica, neque sordes habens, ne-
que rugam ferilem, neque quid hujusmodi, & conse-
quamur incorruptibilem illam justitiæ coronam quam
sanguine tuo pretiosissimo acquisivisti, & custodis in
illum beatissimum Diem. Tibi Clementissime Iesu
una cum Patre & Spiritu Sancto sit omnis laus, &
Benedictio, & Gloria in Secula, Amen.

F I N I S.

M 5

ELEN:

ELENCHVS

Rerum præcipuarum.

O Ccassio scribendi. Pag. 1.

Diluitur crimen *lesæ Majestatis*, falso intentatum Presbyterianis. p. 3. Obiter de more recensendi *Titulos Regios* in precationibus ibid.

Presbyt. non sunt *heretici*. De *Confessione VVestmonasteriensi*, ut & variis *Editionibus synagmatis Confessionum Fidei* Genevæ excusis, articulisque fidei Anglicanis. p. 4. 5. 6.

Sacram Cœnam infrequenter celebrari, à *Presbyt*: aut rarius usurpari orationem *Dominicam* calumniatur *Durellus* Aperitur eorum sententia de admittendis ad *Eucharistiam* & de usu orationis *Dom.* p. 7. 8. 9. 10. 11. 12. *Presbyt.* in fundendis precibus *reverentiam* præstant, solam *superstitionem* vitant, vocantur ad partes quibus religio est *precari facie ad orientem* non versa. p. 13. 14. 15. 16.

Exigitur ab iis qui per meros presbyteros ordinati sunt, ut denuò ordinentur; invitâ & reluctante omni antiquitate, & praxi Ecclesiæ Anglicanæ, ut & omnium aliarum Ecclesiarum reformatarum. p. 17. 18. 19. 20.

Perstringitur *Fulwoodus* qui reordinationem inter *adiaphora* reponit. p. 20. 21. *Modus imponendi liturgiam* à *Presbyt.* improbatur, tum quia non sat temporis concessum est ad perpendendum singula in eo contenta, p. 22. 23. tum quia *formu-*

E L E N C H U S.

la precum ita rigide videntur præscribi, ut non liceat ministro propria dona exercere, p. 24.

Heylinii rationes contra preces ministrorum proprio Marte conceptas refutantur, p. 25. 26. 27. 28. 29. 30.

Exponitur iudicium Ecclesiæ cum antiquatum reformatæ modernæ de *formulis*, p. 31. 32. 33. 34. 35. 36. 37. 38. 39. 40.

Judicium Clavus Wallachrianæ de nostrâ Liturgia. p. 41.

Festa majori numero apud nos quam apud Ecclesias puriores celebrantur, p. 29. Diei Dom. æquantur. Populus in iis luxu diffuit, creditque Sanctis dicari, p. 43. 44. 45. 46. Hookeri ratio pro instituendis Festis refutatur, p. 45. 46. 47. Aliarum Ecclesiarum de iis iudicium. Quædam nulla omnino observant. p. 48. 49. Quædam retinent sed invitæ. p. 50. Quædam sola festa Christi observant, neglectis quæ Apostolis nuncupantur, p. 51. quædam observant Apostolorum & martyrum aliquot dies sed ordinis solum causâ, non ex Conscientia, p. 52. Bohemorum & Armenorum sententia de festis p. 53. Festum nativitatæ destituitur antiquitate antiquissima, p. 54. 55. 56.

Scripta Apocrypha vel non sunt legenda in Templis, vel non cum neglectu Canonicorum. p. 56. 57. 58.

Vestis linea malè præcipitur, quia est inutilis, sive

E L E N C H U S.

sive decorum, sive distinctionem sive significationem respiciamus p. 58. 59. 60. sub severiori quam oportet pœnâ præcipitur. p. 61. & contra legem charitatis, ibid. Papistarum sannis nos exponit, p. 62. Non potest bonâ conscientia usurpari, quia præscribitur ut pars cultus, p. 62. 63. Primis & purissimis Ecclesiis non fuit in usu p. 64. 65. Reformatæ Ecclesiæ hanc vestem vel plane damnant, vel minus probant, vel ea scribunt quæ cum ejus usu nequeunt consistere, quod fulè probatur in medium adductis Testimoniis tum Ecclesiarum, cum Principum, tum Theologorum illustrium, non modo reformatorum, sed & Lutheranorum, p. 66. ad p. 103.

De Doxologia dicta Gloria Patri. Non repetenda est ad finem Psalmorum qui non sunt Eucharistici, nec octies recitanda in eodem officio, nec populo assurgente, nec alternatim & per modum Antiphonæ p. 104. 105.

Evangelia non sunt recitanda plebe confurgente, p. 106.

Genusflexio ad nomen Iesu destituitur omni auctoritate S. Scripturæ. p. 106. 107. Ecclesiis transmarinis non est in usu p. 108. 109. Non potest fieri sine aliqua specie superstitionis, p. 109. 110.

De more legendi Letaniam, p. 111.

De Altaribus, p. 112.

De quibusdam novè insertis libro Liturgico in cele.

E L E N C H U S.

celebratione Eucharistiæ, p. 113. 114.

Non potest minister bona conscientia promittere se nullis nisi genuflectentibus traditurum elementa. p. 106. Adferuntur contra istum gestum argumenta saltem probabilia. ibid. Ecclesia Bohemica etsi hodie non olim usa est isto gestu. Synodi nationalis Belgicæ & Petricovienſis de eo decretum p. 116. 116. 117. 118.

Nimium faciles sunt Prælatici in admittendis membris ad S. Synaxin p. 118. 119. 120.

De privatis & solitariis Encharistiis probatur eas damnari p. 120. 121. 122. 123.

Subjectum baptismi nimium ampliatur. p. 124.

De Patrinis & matrinis quid petant prebyti: p. 125. 126.

Signum crucis saltem quatenus a nostris usurpatur probatur esse illicitum p. 126. 127. 128. 129. 130.

Cruces in turribus templorum displicuerunt summis Theologis, quæ tamen tolerari possint ubi nullus est metus relabendi ad superstitionem, p. 131. 132.

Omnes infantes baptizatos regenerari & habere omnia ad salutem necessaria, & si moriantur antequam admiserint peccatum actuale indubie salvari, falso atteritur in libro Liturgico: Detegitur vanitas Ellisi qui in se recipit istum errorem Lutheranorum - Pontificium defendere; p. 132. 133. 134. 135.

Epi-

E L E N C H U S

Epistolas Theologorum exterorum causam Durellus
nihil juvare ostenditur, p. 136. 137.

Lectio Psalterii Davidici prout apud nos transfertur & punctatur, malè præcipitur. *A Musicâ Organicâ* abhorruit *Ecclesia Antiqua*, & abhorrent hodiernæ reformatæ. p. 138. 139. 140.

Refutantur *Paradoxa Schoockii* scil. *Cantum in novo Testamento non nisi pro exercitio privato injunctum esse, & Apostolum Paulum docuisse instrumentalem musicam*, p. 141. 142. 143.

Liber de ordinandis Diaconis, Sacerdotibus, Episcopis olim nihil continebat, quod distinctionem inter *Episcopum & presbyterum divini juris* esse innueret, imo *Episcopum* non ordine sed gradu tantum superiorem constituit. Probat in hanc sententiam concessisse, primos reformatores *Ecclesiæ Anglicanæ*, ejusdemque restauratores p. 143. ad p. 153.

Quales & quantos hodie sese venditent, *Episcopi Anglicani* p. 154. 155.

Probatur tales *Episcopos* nec in *Ecclesiis Lutheranis* nec *Reformatis* retineri, imo ab utrisque damnari, & ratiunculis *Durelli* in contrarium fit obviam, a p. 156.

Stricturæ quædam in *Schoockium*, & admonitio ad eundem de *Concionatoribus Anglicanis*.

F I N I S,

L E C T O R I.

Errata graviora sic corrigantur.

PA G. 27. lin. 12. lege *pomeridiana*. p. 29. l. 8.
 lege *licentiâ*. p. 63. l. 16. lege *partes cultus*.
 p. 71. l. 16. lege *minutius*. l. 31. lege *meretricium*.
 l. 34. lege *meretricio*. p. 84. l. 12. lege *vicissim*.
 p. 87. l. 30. & 32. lege *fratrem*. p. 96. l. 30. le-
 ge *adulteratum*. p. 103. l. 5. lege *ingeneratur*.
 p. 117. l. 7. lege *statuminandum*. p. 127. l. ult.
 lege ἀρτολατεία.

Literulas inversas aut transpositas, Accentus
 Spiritusque male positos, nisi ipse corrigere &
 excusare possis & velis, non is es, cui mea
 vel censenda, vel judicanda permitto.